

non minus esse creduntur, sic que sunt incomprehensibilis intellectibus humanis non minus esse credantur. Ut igitur ait Apostolus, Deum nunc per speculum et in enigmate (*I Cor. xiii, 12*) contemplantes, mulum de ipso cognoscimus, si ipsum nobis incomprehensibilem, in his que ex nihilo fecit, mirabilem in seipso credamus mirabiliorem.

Hortando quidem et inducendo ad fidem, modum prologi excedere visus sua: sed ideo, quia fidem magis vidi necessariam ad percipiendam veritatem sacramenti, unde acturus sum. Nunc igitur primam portiunculam hujus operis, Deo annovento, expediam de veritate Dominici corporis; secundam, de ipsius sacramenti variis questionibus.

DIVI ALGERI DE SACRAMENTIS CORPORIS ET SANGUINIS DOMINICI LIBER PRIMUS.

CAPUT PRIMUM.

Quod Deus hominem Dominicum pro nobis assumptum, super omnia exaltavit.

Quia a vere fidei cognitione originalis delicti exitate tenui, ad varios errores decideramus, ut, instigante diabolo idolatriæ, et peccatorum passionibus deservientes, ad mortem obstinata mente tenderemus, magna sua gratia Verbum Dei caro factum est, et habitavit in nobis (*Joan. ii*): ut qui de suo erat incomprehensibilis, de nostro nobis fieret cognoscibilis, et de nostro quasi e vicino fieret appetibilis, dum germanæ carnis nostræ gloriam in ipso, gloriam quasi Unigeniti a Patre, videremus: et ex ipsis jam quasi cooriginalis glorie visibilius signis, in invisibilium amorem rapti, ad vitæ æternæ patriam reduceremur.

Dominice igitur Incarnationis opus, sicut ipsi Deo præ ceteris omnibus operibus suis proprium, sic præ omnibus operibus suis præcipue fecit præcipuum: ut hominem in unitate personæ tuæ assumptum, et quasi ex adjuncta divinitate deificatum, ita glorificaret, ut non solum hominibus, sed et omnibus angelicis spiritibus adorandum præserens, in dextera Dei Patris collocaret. Unde Augustinus in libro contra Maximinum (lib. iii, c. 2, tom. VIII, col. 695): Ait Apostolus: *Propter quod eum superexaltavit, et dedit illi nomen quod est super omne nomen: ut in nomine Iesu omne genu fleatur, caelestium, terrestrium et infernorum* (*Philip. ii, 4*): Nec queritis cui donaverit, utrum homini an Deo. Quomodo enim donaverit, evidenter apparet. *Humi- liavit, inquit, semetipsum usque ad mortem, mortem nutem crucis. Propter quod et Deus superexaltavit illum, et donavit ei nomen quod est super omne nomen* (*ibid.*).

Nunquid antequam hoo fieret, non erat altus Filius Dei, Verbum Deus apud Deum: sed posteaquam propter hoc exaltatus est, quia factus est obediens usque ad mortem crucis, tunc cœpit esse altus Filius Dei, unicus Dei Deus, tunc cœpit habere nomen quod est super omne nomen? Quis hoc insipientissimus dixerit? Hoc ergo illi donatum est ut ho-

B mini, secundum quem factus est obediens usque ad mortem crucis, quod jam habebat idem ipse Filius Dei Deus de Deo natus æqualis. Item S. Augustinus, (lib. ii, c. 2, tom. VIII, col. 695), in eodem: « Homini ergo Jonavit ista, non Deo. » Neque enim cum in forma Dei esset, non excelsus erat, aut non ei genua flecebant, caelestia, terrestria et inferna. Sed cum dicitur: *Propter quod illum exaltavit, omnis apparel propter quid illum exaltaverit.* In qua ergo forma crucifixus est, ipsa exaltata est, ipsi donatum est nomen quod est super omne nomen: ut cum ipsa forma servi nominetur, unigenitus Filius Dei intelligatur. Item Augustinus in Tractatu psalmi octavi (ii, 2, tom. IV, col. 43): « Et constitisti eum super opera manum tuarum. Quandoquidem et opera manum Dei sunt angeli, etiam super angelos constitutum accipimus unigenitum Filium, quem minutum paulo minus ab angelis per humilitatem carnalis generationis et passionis audiimus et credimus. Omnia, inquit, subjecisti sub pedibus ejus. Nihil exceptum enim dicit omnia. » Et ne aliter licet intelligi, sic Apostolus credi jubet, cuius dicit: *Excepto eo qui ei subjecit omnia.* (*I Cor. xv, 27*).

Nec mirum si filius hominis Filio Dei in una persona unitus, sicut participium divini nominis, sic etiam divina gloria assequatur: ut exaltatus super omnem creaturam, flexione genuum ab omnibus adoretur, et Unigenitus Dei per ipsum cui unitus est nominetur. Cur enim hoc minus Deus faceret homini sibi personaliter unito, quam per eum facit anima corpori sibi unito? Confert enim participium nominis et naturæ quam habet, ut ab anima animatum vivat et sentiat, quod ex se non habebat. Sed et ignis ferrum transverberans, ignitum reddit; candoremque suum et calorem conferens, ipsum scintillare, flammescere et urere contra suam naturam facit. Cum ergo ignis igniat, anima animet, quid Deus nisi hominem sibi unitum deificet, et super omnem creaturam exaltatum, puritatis, omnipotentie, et Deitatis etiam prerrogativa secum gloriliceat?

CAPUT II.

Quod quoniam Christus exaltatus est super omnia, et in eo nobis cuncta donata sunt, similem etiam gloriam nos sperare debeamus.

Sed et ut certius in simili natura nostra per gratiam Christi speremus gloriam, nos ejus fratres fecit, et illum, et cum illo omnia nobis donavit (*Rom. viii, 7*) : ut dum Dominicum hominem in unitate personæ Dei, credimus deificatum, non dubium sit, quod, mediante ipsius gratia, teste Joanne, nobis est datum. Ait enim : *Quodquod receperunt eum, dedit eis potestatem filios Dei fieri* (*Joan. i, 12*), qui ex Deo nati sunt. Unde Augustinus in secundo sermone super Joannem (*n. 15, tom. III, part. II, col. 303*) : « *Ut homines nascerentur ex Deo, primo ex ipsis natus est Deus.* Noli ergo mirari, o homo, quia efficeris per gratiam filius, quia nasceris ex Deo secundum Verbum ejus. Prius ipsum Verbum voluit nasci ex homine, ut tu securus nasceris ex Deo. »

Revera enim ut securiores essemus in ipso de conformitate et unitate tantæ gratiæ (22) in humili nostra natura naturam carnis nostræ sibi univit Deus in eadem persona, ut dum eam tam mirabiliter glorificatam videremus, de germanæ carnis nostræ glorificatione non desperaremus. Quia igitur in hac gratiam nos adoptare voluit, ut qui nec digni servi fueramus, filios Dei facheret, et Christo cœhæredes ordinaret : ipsum quem primogenitum in multis fratribus et sibi unigenitum esse voluit, in quo erat plenitudo divinitatis corporaliter, privilegio omnis gratiæ non ad mensuram, sed super omnem creaturam insignivit, ut ipse de Spiritu sancto conceptus et Dei Filius non renatus, sed natus, nos in iniquitatibus conceptos, et servos diaboli natos, per gratiam filios Dei renasci facheret; et eos secunda nativitate recolligens et immutans, ad suam gloriam proverberet, quibus prima sua nativitate omnimodis præcelleret.

Ut ergo deificum corpus Christi cuius esset potentia claresceret, sicut sol vitrum sine sua vel illius læsione penetrat, sic ipsum non phantasticum, sed verum virginis matris virginalia integra integrum pertransiens, nec ab eis dissipatur, nec ea dissipat. Res quidem stupenda et ineffabilis, sed nobis non incredibilis, quia Omnipotenti non impossibilis. Unde August. (*tract. xci, n. 3, t. III, part. II, col. 719*) super Joannem : « *Omnia quidem cæterorum miracula superat quod est natus ex virginie, matrisque integritatem solus potuit nec conceptus violare nec natus.* »

Ut autem sic nascetur Deus, illum decuit, nobis profuit, ut mundus natus nos mundaret, potenter natus infirmos roboraret. Suam enim munditiam, ut conformitate illa sibi uniti placeremus, nostram esse voluit : ne vero contra hostem sævissimum nostra infirmitate deliceremus, suam potentiam

A nostram fecit ut, dum sua fortitudo promptior est nobis quam nostra, per suam gratiam sibi devotiores ; et dum fortior, per suam omnipotentiam contra hostem simus fortiores. Ut enim potentes non tamen omnipotentes creari potuimus per naturam ; sed modo dum Omnipotens est fortitudo nostra, quasi omnipotentes efficimur per gratiam. Unde et Dominus in Evangelio : *Omnia possibilia sunt credenti* (*Marc. ix, 31*). Si ergo, quia nobis omnia possibilia sunt, omnipotentes efficimur, quid, Deo adiutori, nobis nocet nostra infirmitas, quæ et humilitatis auget meritum, et virtutis nescit detrimentum ? Quid enim fortitudinis rusticus amitteret, si in causa sua contra aliquem potenter rex ei patrocinaretur ubi ipse non posset ? Unde et Apostolus : *Si Deus pro nobis quis contra nos ?* (*Rom. viii, 7*). Item in Psalmo : *In Deo faciemus virtutem, et ipse ad nihilum ducet inimicos nostros* (*Psal. LIX, 20*). Item Dominus in Evangelio : *Confide, quia ego vici mundum* (*Joan. xvi, 18*). Quod cur diceret, nisi illa sua victoria nostra esset ? Unde Augustinus in sermone de natali martyrum (*cccxxxiv, n. 2, t. V, col. 1298*) : « *Proprio Filio suo non pepercit, sed pro nobis omnibus tradidit illum. Quomodo non etiam et cum illo omnia nobis donavit ?* (*Rom. viii, 32*) Quando ipsum nobis donavit, cum illo nobis omnia donavit. Terret te frenitus mundi, cui donatus est artifex mundi ? » Christum nobis donatum esse gaudeamus, et nullos in hoc sæculo inimicos timeamus. Quidquid ergo potentia seu nascendo, seu infirmos curando, mortuos suscitando, ipse a mortuis resurgendo, cœlos ascendendo, monstravit, nobis fecit, ut ad roborandam infirmitatem nostram et salutem conferendam potens crederetur et esset, et illuc non desperaret caro pervenire, quo carnem cognoverat ascendisse. Unde Augustinus in sermone undecimo de verbis Evangelii : « *Serpentis astuta pernicies, ut laude Christi te avertat a Christo, dolose predicit, quem vituperare non audet : exaggerat majestatem ejus, ut singularem faciat : ne tu speras tale aliquid, quale in illo resurgentे monstratura est.* Excita ergo fidem et dicenti : *Christus solus potuit, nos non possumus, responde et dic : Ideo Christus potuit quia Deus.* Respondebit ille : *Utique quia Deus.* Dic et tu : *Et quia Deus, quia omnipotens, cur desperabo quod poterit et in me, quod demonstravit in se propter me ?* » Revera enim quia, ut ait Isaías, *puer natus est nobis, et filius datus est nobis* (*Isa. ix, 6*) : et cum illo, ut dictum est, omnia, quidquid in homine gessit propter nos fecit, ut cum ipse habens omnia, nobis datus esset, in ipso tam abundanti dono, nihil ad salutem pertinens nobis decesset : sed etiam in hac vita, ut ait Apostolus (*I Cor. xv, 28*), Deus omnia in omnibus esset. Ut igitur hoc patenter nobis constaret, ne ulla tenus de sua gratia disflideremus, doctrina, exemplis, sacramentis, præmissionibus, beneficiis, dilectionem suam nobis commendans et nostram ex-

(22) *Alas gloria.*

citans, fragilitatemque roborans, pietatis affectu se nobis patrem vocari et esse voluit, quæcunque in nomine suo peteremus se daturum promisit : et, quia originaliter et miserabiliter servi eramus hostis nostri, hostes autem Dei patris nostri eadem natura qua perieramus, majori nostro honore, majori hostis confusione nos reparans, ad solvendum pro nobis Adæ debitum, ipse nihil ex se debens, noster vicarius exstitit : et, ut nos liberos et securos ab hoste redderet, pro voluptate cibi vetti Adæ oblata, facultatem sanguinis sui voluntati ejus permissam recompensans, hoc prelio nos ita redemit, ut quia Dominus a nequam servo suo injuste vita spoliatus est, ipsum jure suis omnibus (nobis scilicet) spolians, et quia nos captivaverat, captivans, simila morte sua duplam nostram, triduana æternam auferret : ejusdemque mortis poena sibi indebita, Adæ peccatum, quod inultum esse non poterat, luens, Patris iram pro nobis satisfaciendo placaret, poenamque sine fine nobis debitam relaxaret : et quia ipsi Patri solus ab origine mundi plenam obedientiam usque ad mortem servando de hoste suo triumphavit, hoc singulari suo merito, in ipso homine, quo mortem pertulit, super omnia, ut dictum est, exaltatus, nos Patris gratiæ reconciliatos de servis diaboli faceret filios Dei, baptismi sacramento regenerans, et spiritu adoptionis filiorum corda fidelium mundans, illuminans et roborans, ac variis charismatibus ornans.

CAPUT III.

Quod ad maiorem tantæ gratiæ certitudinem ipsum caput nostrum Deus, nos membra ipsius ita constituit, ut nos corpus ejus cum ipso capite dicamus Christus, sacramento et veritate corporis sui nos sibi uniens, et incorporans.

Ad ultimum etiam ne aliquid in ipso nobis alienum videatur aut arduum, ita vere et perfecte communicavit nobis seipsum, ut visibiliter etiam corporis et sanguinis sui mirifico sacramento, Ecclesiæ sibi uniens et concorporans tanta gratia insigniret, ut ipse caput ejus, et ipsa esset corpus suum, non nomine tenus tantum, sed in veritate sui corporis, vere sibi concorporatum : ut in illo nullius gratiæ nobis esset divertium, cum quo nos solidaret tam unicæ unitatis sacramentum : certumque esset, hoc pacto nos cum ipso per ipsum, in vita æterna, similem dignitatis obtinere gloriam, si cum ipso per ipsum, in hac vita similem innocentiae servare voluerimus gratiam : maxime cum ipse moriturus, sub ipsius sacrosancti sanguinis sui Novo Testamento, cui, ut ait Apostolus (*Galat. iii, 15*), superordinari autmutari nefas est, vitæ æternæ pactum nobis assignaverit, et ipse a mortuis resurgendo, in se capite nostro, quomodo corpus suum glorificare deberet ostenderit. Non enim esset misericordia Dei et justitiae condignum, si eos repelleret a regni sui consilio, quibus tam familiariter uniri dignatur in mundi exilio ; eisque honoris vicissitudinem non repperederet in manifesta visione suæ majestatis, a

A quibus digne susceptus et adoratus est in occultis et peregrinis sacramentorum suorum figuris. Quomodo etiam ibi fieret diversum quod hic factum est unum ? Unde Hilarius in libro octavo De Trinitate (n. 13, col. 222) : « Si vere Verbum caro factum est, et vere nos Verbum carnem factum cibo Dominico sumimus, quomodo non naturaliter in nobis manere existimandus est, qui et naturam carnis nostræ jam inseparabilem sibi homo natus assumpsit, et naturam carnis suæ ad naturam æternitatis sub sacramento nobis communicandæ carnis admisscuit ? » Ita enim omnes unum sumus, quia in Christo Pater, et Christus in nobis unum in his nos esse faciunt. Si ergo nos vere sub mysterio carnei corporis sui sumimus, et per hoc unum erimus, quia Pater in eo est, et ille in nobis, naturalis per sacramentum proprietas, perfectæ sacramentum est unitatis.

Ideoque sancti caput Ecclesie Christum, Ecclesiam membra vel corpus Christi dixerunt, ipsamque cum ipso capite suo Christum. Unde Augustinus in libro De Trinitate (lib. iv, n. 12, t. VIII, col. 818) : « Sicut corpus unum est, inquit, et membra habet multa, ita et Christus. Non dixit, ita et Christi, sed, ita et Christus, ostendens Christum recte appellari etiam universum, hoc est, caput cum corpore suo quod est Ecclesia. » Et multis Scripturarum locis invenimus Christum etiam hoc modo appellari, ut cum omnibus membris intelligatur, quibus dictum est : *Vos estis corpus Christi et membra* (*I Cor. xii, 7*). Unde idem Augustinus admirans in sermone 26 super Joannem (n. 13, t. III, part. II, c. 499) ait : *In corpore esto Christi. Non potest vivere corpus Christi nisi de spiritu Christi. Inde est quod exponens nobis hunc panem Apostolus : Unus panis, inquit, unus corpus multi sumus* (*I Cor. x, 17*). O sacramentum pietatis, o signum unitatis, o vinculum charitatis ! Qui vult vivere, habet ubi vivat, habet unde vivat. Accedat, credat, vivat in Deo. De Deo incorporetur, ut vivitetur. Non abhorreat a compage membrorum, non sit putre membrum quod resecari mereatur ; haeret corpori, vivat Deo de Deo.

Item Augustinus in tract. in psal. cxxx : « Loquens Apostolus de membris Christi, non ait : sic et membra Christi, sed totum hoc quod dixit, Christum appellavit. Multa membra unum corpus Christus. » Ergo simul omnes cum capite nostro Christus, sine capite nostro nihil valentes. Item idem in sermone 111 super Joannem (n. 6, t. III, part. II, col. 783) : « Quomodo dilectio qua dilexit Pater Filium est in nobis, nisi quia membra ejus sumus et in ipso diligimur, cum ipse diligitur totus, id est caput et corpus ? Ideo subjungit : Et ego in ipsis ; tanquam diceret : Quoniam ego sum, et in ipsis. Alter enim est in nobis tanquam in templo suo : aliter autem nos in eo, quia et nos ipse sumus, cum secundum id quod ut caput nostrum esset, homo factus est, corpus ejus sumus. » Item idem in tractatu psalmi 142 (n. 3, t. IV, col. 1590) : « Omnia autem membra corporis, cum sint multa, unum est corpus ;

ita et Christus. Non ait, ita Christus et corpus, sed corpus unum membra multa, ita et Christus. Totum ergo Christus. Et quia totum Christus, ideo caput de cœlo : *Saule, Saule, inquit, quid me persequeris?* (Act. ix, 4.) Item in eodem : « Tenete hoc, et ~~fixum~~ oīnnino mandate memoriae, ut agnoscatis Christum caput et corpus, et inde videatis quanta gratia ad Deum pertineatis, ut ipse voluerit nobiscum esse unus, qui est cum Patre unum. Quomodo cum Patre unus ? *Ego et Pater unus sumus* (Joan. x, 30). Quomodo nobiscum unus ? Non dicit, et seminibus quasi in multis, sed tanquam in uno, et semini tuo qui est Christus. Sed ait aliquis : Si Christus semen Abrahæ, nunquid et nos ? (Galat. iii 16.) Mementote quia semen Abrahæ Christus : ac per hoc, si et nos semen Abrahæ, ergo et nos Christus. Et post pauca : *Erunt duo in carne una* (Gen. v, 28). Apostolus dicit : *Sacramentum hoc magnum est; ego autem dico, in Christo et in Ecclesia* (Ephes. v, 32). Christus et Ecclesia, duo in carne una. Hæc autem unitas capitum nostri et corporis Ecclesie, quomodo in sacramento corporis et sanguinis Christi communicando per geminam dilectionem Dei et proximi solidetur et confirmetur, ait ipse : *Qui manducat meam carnem, et bibit meum sanguinem, in me manet, et ego in eo* (Joan. vi, 55).

Unde S. Augustinus in sermone 27 super Joannem (n. 4, t. III, p. II, col. 502) : « Signum quia manducavit et babit, hoc est, si manet et manetur, si habitat et inhabitatur, si hæret et non deseritur. » Hoc ergo nos docuit et admonuit mysticis verbis ut simus in ejus corpore sub ipso capite in membris ejus, edentes carnem ejus, non relinquentes unitatem ejus. Quia unitas vera Dei dilectione servatur, ut corpus suum corpori suo, id est nobis uniatur. Unde Augustinus in sermone 229 De sacramentis fideliū feria II Paschæ (t. V, col. 976) : « Quia passus est pro nobis, commendavit nobis in isto sacramento corpus et sanguinem suum, quod etiam fecit nos ipsos. » Nam et nos corpus ipsius facti sumus : et misericordia ipsius quod accipimus, nos sumus. Quia igitur corpus Christi sumus qui corpus Christi accipiunt, non solum capiti per dilectionem, sed etiam cum membris nostris invicem uniri debemus. Unde idem in serm. 26 super Joannem (n. 12, col. 499) : « Petra Christus in signo, verus Christus in carne et verbo. » *Hic est ergo panis de cœlo descendens : ut si quis manducaverit ex ipso non moriatur* (ibid., 50). Sed quod pertinet ad virtutem sacramenti, non quod pertinet ad visibile sacramentum, qui manducat intus, non foris ; qui manducat corde, non qui premit dente.

Hunc itaque cibum et potum societatem vult intellegi corporis et membrorum suorum, quod est sancta Ecclesia. Hujus rei sacramentum, id est unitatis corporis Christi de Dominicâ mensa sumitur, aliquibus ad vitam, aliquibus ad exitum. Res vero ipsa cuius sa-

A cramentum est, omni homini ad vitam, nulli ad exitium quicunque ejus particeps fuerit. Virtus enim et res sacramenti est ut invicem se diligendo, de unitate corporis Ecclesie sint quicunque de eo participantur, quod nulli est ad exitium, sed omni credenti ad salutem : quicunque tantæ societatis, conformato et uniente Christo, vere particeps esse potuerit (23). Unde idem Augustinus in sermone De sacramentis fideliū (t. V, c. 976) : « Ad aquam venistis, conspersi estis, panis Dominicus facti estis. Quomodo unum videtis esse quod factum est, sic unum estote vos diligendo vos. Hæretici quærunt divisionem, cum panis iste non indicet nisi unitatem. Sic et vinum in multis racemis fuit, et modo in unum est. Quia igitur corpus Christi sumus, et Christus sumus, ita ut etiam in altari eodem sacramento signemur, cum panis Dominicus corpus Christi sit in seipso, et corpus Christi in Ecclesia mirabili unitatis gratia nos ad se pertinere voluit, cum mysterium nostrum sicut et suum in sacramento altaris, ne moriamur sumere nos concessit : ita ut etiam mysterium suum in veritate corporis sui sumprium nulli prosit, nisi mysterium nostrum, societatem scilicet ecclesiasticam eodem sacramento assumpserit ; quia, sicut caput non est vitale sine corpore, sic Christus nulli vitam confert sine unitate corporis Ecclesie. » Sed nec mysterium nostrum ulla tenus in sacramento corporis Christi sit sine suo, ut sicut per dilectionem, unum sumus invicem, sic et plus etiam cum eo : quatenus, sicut ipse in nobis, sic et nos maneamus in ipso ; quia, cum a corpore suo sit indivisus, nec in sacramento suo veraciter sumi dicitur Christus, nisi sumatur universus, suo et nostro mysterio nolis incorporatus. Unde Augustinus in sermone De sacramento (272, t. V, col. 1104) : « Apostolum audi dicentem : *Vos estis corpus Christi et membra* (I Cor. XII, 7). Si ergo vos estis corpus Christi et membra, mysterium vestrum in mensa Domini positum est, mysterium vestrum accipitis : ad id quod estis, Amen respondetis. Esto membrum corporis Christi, ut verum sit Amen tuum. Quare ergo in pane ? Recolite quia panis non sit de uno grano, sed de multis. Quando exorcizabamini, quasi molebamini. Quando baptizati estis, quasi conspersi estis. Quando Spiritus sanctificationem accepistis, quasi cocti estis. Estote quod videtis, et accipite quod estis. Sic et de vino fratres recolite. Grana multa pendent in botro, sed liquor granorum in unitatem confunditur. Ita Dominus Jesus Christus nos significavit, nos ad se pertinere voluit, mysterium pacis et unitatis nostræ in sua mensa consecravit. Qui accipit mysterium unitatis, et non tenet vinculum pacis, non mysterium pro se, sed testimonium accipit contra se. »

Quia igitur per unitatem spiritualem ita concorporales et consacramentales sumus Christo, ut

(23) *Alias voluerit.*

similitudine predicta dicamur panis Dominicus, dicamur etiam corporis Christi cibus, et sanguinis ejus potus; quia, scilicet, sicut cibus et potus temporalem vitam, sic unitas Ecclesiae confert aeternam: ideo sancti canendum unitatem vocant virtutem et rem sacramenti, rem, quia ab eo significatur; virtutem, quia effectu divinae gratiae cum Christo maxime operatur: quamvis Christus ut caput nostrum virtus principalis et res sacramenti sit substantialiter et vere, societas vero et unitas ecclesiastica, figurata.

Non igitur errorem generet quod sancti aliquando de corpore Christi, aliquando per se loquuntur de corpore Ecclesiae in codem sacramento; quia, etsi in unitate et effectu salutis utriusque corporis est similitudo in eminentia dignitatis, in veritate substantiali, soli capiti nostro Christo servanda est, suae singularitatis summa discretio. Quamvis enim hoc sacramento reformet corpus humilitatis nostrae, etiam in hac vita configuratum corpori claritatis suae, non tamen nos usque adeo superextendere debemus, ut quantumcunque nos sua humanitate vel similitudine exalteat, usque ad ejus dignitatem pertingere presuminamus; sed sic suscipiamus misericordiam suam in medio templi sui, ut usque in fines terrae sit laus sua secundum nomen ejus. Ipse enim est caput corporis Ecclesiae, non unitate personae, sed gratiae.

CAPUT IV.

Quid sit sacramentum, et quot modis accipiatur.

Quia igitur hoc suo sacramento Christus Ecclesiam suam unit sibi et concorpat, de veritate ejus et virtute, quasi de re ineffabili, quantum Deus dederit disseramus: si tamen prius quid sacramentum sit discutientes, quomodo figura a veritate rei quam significat, discernenda sit ostenderimus. Augustinus in libro x De civitate Dei (c. 5, t. VII, col. 241): « Sacramentum visibile, invisibilis rei sacramentum est, id est sacrum signum. » Item Augustinus in lib. ii (c. 4, t. III, c. 19). De doctrina Christiana: « Signum est res praeter speciem quam ingerit sensibus, aliud aliquid ex se faciens in cognitionem venire. » Item alibi (Quæst. in Levit. 84, t. III, col. 524): « Sacramentum est invisibilis gratiae visibilis forma. »

Sciendum autem quod sacramentum et mysterium in hoc differunt, quia sacramentum signum est visibile aliquid significans, mysterium vero aliquid occultum ab eo significatum. Alterum tamen pro altero ponitur, ut superius dictum est: mysterium vestrum accipitis, ut sit mysterium occultans et occultum, et sacramentum signans et signatum. Unde Maximus in quadam homilia Epiphaniæ (hom. 10, p. 77, ed. 1784): « Mystica ejus nativitas sempiterno gaudio et terram lætificavit et cœlum. Hunc ergo regem coelestium, hominumque rectorem sub carnis mysterio venientem, impius tremit Herodes. » Nec solummodo sacramentum pro alterutro, id est, vel pro signo vel pro signato invenitur, sed

A etiam pro utroque. Sicut cum dicitur: *Verbum caro factum est (Joan. 1, 15)*, caro pro carne et anima. Itemque: *Omnis anima potestatibus sublimioribus subdita sit (Rom. XIII, 1)*: anima pro carne et anima accipitur.

Nec mirum, si sacramentum pro sacramento et re sacramenti sèpius ponitur; quia et corpus Christi pro sacramento et corpore Christi invenitur. Augustinus, De sacramentis altaris: « Corpus Christi, et veritas et figura est. Veritas, dum corpus Christi et sanguis, virtute Spiritus in verbo ipsius, ex panis vinique substantia efficitur. Figura vero est, id quod exterius sentitur. »

B Sciendum etiam quod sacramentum in sacris cibis non semper pro sacro signo, sed sacramentum aliquando jusjurandum, aliquando res sacrae accipitur. Unde Ambrosius in libro ad Gratianum apparuisse dicit omnibus unigenitum Patris per sacramentum assumpti hominis, quasi diceret: Per hominem quem sibi sacravit, quia homo non signum, sed potius occultatio divinitatis fuit.

CAPUT V.

Quod visibile sacramentum panis et vini, nuncupative dicatur corpus Christi.

Quia igitur sancti sacramentum pro sacramento et re sacramenti, et corpus Christi pro veritate et figura indifferenter usurpant, ne errorem generent, quid in pane Dominicano sacramentum, et quid corpus Christi vere et proprie sit discernamus. Formam C panis et vini et cæteras elementorum remanentes et visibles qualitates, sacramentum tantummodo vere diri et esse: substantiam autem illam invisibilem, quæ ipso sacramento opera est, et in quam panis et vini substantia translatâ est, vere et proprie dici et esse corpus Christi testatur Augustinus in libro Sententiarum Prosperi, ita ea discernens: « Hoc est quod dicimus, quod modis omnibus approbare contendimus, sacrificium Ecclesiae duobus confici, duobusque constare: visibili elementorum specie, et invisibili Domini nostri Jesu Christi carne et sanguine; sacramento et re sacramenti, id est Christi corpore: sicut persona Christi constat et conficitur ex Deo et homine, cum ipse Christus verus sit et verus homo, quia omnis res illarum rerum naturam et veritatem in se continet, ex quibus conficitur. Conficitur autem sacrificium Ecclesiae duobus, sacramento et re sacramenti, id est, Christi corpore. » Quæ ergo duo esse approbat, visibile scilicet sacramentum et invisibilem rem sacramenti, non unum et idem, sed aliud et aliud esse demonstrat. Unde item Augustinus in sermone De verbis Domini (272, t. V, col. 1104): « Quod videtis in altari, panis et calix est, quod etiam vobis oculi vestri renuntiant: quod autem fides postulat instruenda, panis est corpus, calix est sanguis. » Et paulo post: « Ista, fratres, ideo dicuntur sacramenta, quia in eis aliud videtur, aliud intelligitur. Quod videtur, speciem habet corporalem; quod intelligitur, fructum habet spiritualem. Quia igitur aliud est corporale quod videtur,

aliud spirituale quod intelligitur, aliud ergo est sacramentum quam rem sacramenti, id est corpus Christi. » Item Augustinus in libro Sententiarum Prospere: « Caro ejus est quam forma panis operata in sacramento accipimus. Non dicit ergo formam panis esse carnem Christi vel formam, sed experimentum carnis Christi. » Unde etiam in fine cuiusdam missae oratur et dicitur: « Perflant in nobis, Domine, quæsumus, sacramenta tua quod continent, ut quod nunc specie gerimus, rerum veritate capiamos (24). » Postulat quippe sacerdos ut corpus Christi quod sub specie panis et vini nunc geritur, manifesta visione, sicuti revera est, quandoque capiatur. De qua visione Dominus in Evangelio secundum Joannem: Qui diligit me, diligitur a Patre meo, et ego diligam eum, et manifestabo ei me ipsum (Joan. xiv, 21). Et de hoc eodem sacramento legitur in passione beati Dionysii, cui, dum sacram mysterium celebraret in carcere, apparuit Dominus, dicens illi sancta dixit: « Accipe hoc, chare meus, quod mox complebo tibi una cum Patre meo. » Ac si diceret: Quod tibi do modo in viatico, non mutantabo in præmio, ut dem aliud; sed id ipsum complebo, me ipsum manifestans.

Cum igitur sacerdos dicat sacramenta non corpus Christi esse, sed in se continere, nec etiam ipsius corporis veram formam, sed tantummodo similitudinariam speciem et figurativam illius quod in rerum veritate, id est in vera sua claritatis specie capere desiderat: quod etiam Dominus beato Dionysio non perfectum esse in hac vita, sed in alia complendum asseverat: quomodo sacramenta quæ visibilia et mutabilia sunt, erunt verum corpus ejus, vel vera species corporis illius, in quo post resurrectionem invisibilis et immutabilis est Christus? Unde Augustinus contra Faustum (lib. xix, cap. 16, t. VIII, p. 321): « Quid enim aliud sunt quæque sacramenta corporalia, nisi quasi quedam verba visibilia, sacrosancta quidem, et tamen mutabilia et temporalia? Absit ergo ut transitoria species panis et vini, sit vera substantia vel vera species immutabilis corporis Christi. Sed, si aliquando dicitur corpus Christi, nuncupative et non vere oportet intelligi. Unde Augustinus ad Bonifacium (epist. 23, n. 2, t. II, col. 150): « Si sacramenta quedam similitudinem in earum rerum quarum sacramenta sunt non habent, omnino sacramenta non essent. Ex hac autem similitudine plerumque ipsarum rerum nomina accipiunt. Sicut ergo secundum quedam modum, sacramentum corporis Christi, corpus Christi est, sacramentum sanguinis Christi, sanguis Christi est; sic sacramentum fidei fides est. Ac per hoc parvulus qui non habet fidei affectum, respondetur credere, et fidem habere, propter fidei sacramentum. »

In quo notandum est sacramentum corporis Christi, secundum quedam modum, id est similitudinare et nuncupative, non proprie corpus Christi vocari,

(24) *Sabbato quatuor Temporum Septembrio.*

A quantum ad elementorum speciem et formam: quod tamen vere et proprie corpus Christi vocatur et creditur, quantum ad substantiam quam continet et in quam panis et vini substantia conversa est. Unde Eusebius Emissenus: « Vere unica et perfecta hostia fidei estimanda, non specie, nec exteriori censenda visu, sed interiori affectu. Cum enim exterius non videatur nisi species panis, interius creditur veritas Dominicæ corporis. » Et, ut ait Augustinus (lib. Sententiarum Prospere), sanguis Christi est, quem sub vini specie et saepe potamus.

CAPUT VI.

Quod Christus in pane sacramentali non ita personaliter sit impanatus, ut in carne incarnatus.

Quamvis autem sacramentum superius a re sacramenti, tanquam figura a veritate, satis distinctum sit, errantes tamen quidam de quibusdam sanctorum verbis, dicunt ita personaliter in pane impanatum Christum, sicut in carne humana personaliter incarnatum Deum (25). Quæ heres, quia nova et absurdæ est, rationibus et auctoritatibus, prout Deus aspiraverit, radicitus est extirpanda. Ex quadam enim similitudine beati Augustini in libro Sententiarum Prospere, suam sumunt et defendunt heresim, qua dicit: « Sacrificium Ecclesiæ duobus consci, duobusque constare sicut persona Christi constat et consistit ex Deo et homine. » Dicunt enim male subaudiendo, ita personaliter sacrificium Ecclesiæ, id est Christum in altari sacrificatum, duobus constare in eadem persona, sicut persona Christi constat ex Deo et homine. Si autem opponitur illis, quod illa elementorum species non sit cum Christo una persona, sed tantum sacramentum ejus, mysterium et figura, nec sic desistunt, dicentes quia ita dicit beatus Ambrosius ad Gratianum, sicut dicitur sacramentum assumpti hominis, sic dicitur sacramentum Dominicæ corporis. Et beatus Maximus, Deum sub carnis mysterio venientem; itemque in multis Scripturis dicitur Deus opertus humana forma vel figura, sicut Christus in altari, panis forma vel figura. Qui error nulla quidem sanctorum auctoritate astruitur, sed ex indifferenti et improppria usurpatione nominum vel similitudinum concipi videtur: qua de sacramento et re sacramenti ita loquuntur, ut prave intelligentibus, quasi in unum quid accipiatur. Sed cum dicitur: « Corpus Christi est veritas et figura, nunquid pro una persona accipendum est, » sicut cum dicitur: « Homo est corpus et anima? » Similis quidem est grammatica, sed non similis intelligentia. Non enim dicitur quod hæc duo sint in corpore Christi personaliter unum facta, sed ita æquivoce dicitur corpus Christi veritas et figura, quasi de vero homine et picto diceretur, homo dicitur homo verus et pictura, quanquam familiarior sit figura panis cum veritate corporis Christi, quam pictura cum homine: cum non solum representet ut sacramentum, sed ipsum etiam contineat, et sub-

(25) Lutheri et Lutheranorum heresim perstringitur.

stantialiter conversus sit in ipsum. Item non omnia-
faria similitudo accipienda est , qua dicit Augusti-
nus sacrificium Ecclesiae ita constare duobus sicut
persona Christi duobus constat : cum non utrobique
personalis unitatis contulerit similitudinem , sed
qualiter tantum utraque duobus constent ficerit
collationem.

Sed item opponunt, quia ita dicitur Christus as-
sumere speciem vel formam panis in altari, sicut
Verbum Dei speciem vel formam carnis in utero
virginali; et sicut Verbum fit caro, sic panis fit ea-
dem caro. Sed nunquid vel sic vincent, qui confu-
sione similitudinum pervertere querunt Dei verita-
tem ? Revera enim Verbum fit caro , et panis fit
eadem caro ; sed longe diverso modo. Verbum fit
caro, et nascitur caro de carne, assumendo carnem,
non mutatum in carnem : sic factum quod non fuerat,
ut non desisteret esse quod erat. Panis autem fit ea-
dem caro, non nascitur caro , nec assumit carnem,
sed mutatur in carnem ; sic factus quod non erat, ut
desistat esse quod fuerat (26) : pulchra spe nostra pul-
chroque mysterio, ut in corpus Christi trajici non
desperet rationalis natura , in quod trajicitur et
bruta; si desistat esse quod ex se male fuerat, et sit
in Christo quod bene non erat.

Quod autem panis non nascitur, testatur Augusti-
nus contra Faustum : « Panis et calix non qualibet,
sed certa consecratione mysticus fit nobis, non na-
scitur. » Proinde quod ita non sit, quamvis sit panis
et calix, alimento est refectionis, non sacramentum
religionis, nisi quod benedicimus, gratiasque agimus
Domino in omni ejus munere, non solum spirituali,
verum etiam corporali. Cum ergo panis mysticus
non nascatur, nec aliqua naturae terrenae origine
vel conditione in hoc divinae gratiae sacramento
creetur, sed ita corpus Christi fit, ut panis esse
decimat, quomodo res, quae jam non est, vel ipsa alicui,
vel aliiquid ei impersonari potest ?

Sed quomodo Christus in pane , qui jam non est,
impanari dicitur, cum Christus in panem nec con-
vertatur, nec aliquatenus panis fit ; sed, e converso,
panis in corpus Christi convertatur, et corpus Christi
fit , ita ut panis non remaneat ? Non enim ita su-
mire dicendum est in altari speciem vel formam pa-
nis, sicut in utero virginali speciem vel formam carnis : cum in utero sumpserit speciem vel for-
mam cum substantia, in altari vero speciem vel for-
mam panis mutata et non permanente substantia. Cum
enim dicitur species vel formam panis et vini, haec
illarum rerum sunt vocabula, quae ante fuerunt, scilicet
panis et vini. Panis enim et vinum in sacra-
mento jam non sunt , sed ante fuerunt. Quam igitur
in sacramento Christi possunt creare novam perso-
nam, in quo nec antiquam suam retinent substanciam ? Unde notandum est , cum divina pagina cor-
poris Domini panem vocat, non substantialiter, sed
mystice et figurate dici : vel quia ex eo conficitur,

A ejusque nonnullas retinet qualitates, vel quoniam ani-
mam pascit , eique vita eternae ministrat substanciam, vel quoniam panis est angelorum. Solent enim
Scripturæ quaslibet res vocare nominibus illarum
rerum ex quibus sunt : ut cum dicitur homini, quid
superbit terra et cinis, cum homo non sit cinis,
sed ex cinere factus; seu quæ putantur esse et
non sunt, ut cum legitur Abraham vidisse tres
viros , cum essent angeli (Gen. xviii, 2) ; seu
quibus similes aliquo modo existunt , ut cum
Deus dicitur leo propter fortitudinem. Sic igitur cor-
pus Domini panis vocatur, vel quia, ut dictum est, ex
pane conficitur, vel quia intuentum oculis , cum sit
caro panis videtur; vel ea similitudine qua sicut pa-
nis materialis carnem, sic ipse spiritualis alit mentem.
B Sed opponunt, quia, sicut Verbum assumpsit veram
speciem carnis cum substantia, sic Christus in altari
veram speciem panis cum substantia. Cum enim di-
cat Augustinus in sermone De verbis Domini : « Quod
videtis in altari calix et panis est, quod etiam vobis
oculi vestri renuntiant, testimonio oculorum veri-
tatem panis astruere conantur. » Quod autem subse-
quenter ait : Panis est corpus , calix est sanguis ,
unitatem personalem mentiuntur . quamvis ipsis
sensibus corporeis per omnia credendum non sit :
ut cum oculi in aqua ramum fractum putant, vel
longinquitate vieti , quod magnum est parvum re-
nuntiant , vel obscuritate aliud quam sit, ut Maria
in tenebris Jesum hortulanum , et discipuli nocte
super mare ambulante phantasma aestimant. Sed
qua perfectio possit esse humani visus , cum ad ea
penetranda, quæ superficie tenus videt, linceis oculis
non aequetur ? Quis ergo dubitet de veritate cor-
poris et sanguinis Domini, quæ spiritualiter credi-
tur : quidquid sensus corporei de ipso vel forma,
vel odore vel sapore extrinsecus mentiantur ? Nom-
minus vere erat Christus, cum Maria putaret hor-
tulanum, quam cum recognovit eum.

CAPUT VII.

*Quod remanentibus qualitatibus suis substantia panis
et vini in verum corpus Christi mutetur.*

Sed iterum, teste beato Ambrosio, ubi ait sermo-
nem Christi operatorum esse, ut panis et vinum
sint quæ erant, et in melius commutentur, videntur
D astruere ut sint substantialiter quæ erant, et in
aliud mutantur. Quod tamen tolerabiliter dictum
est , nisi a pravo interprete intolerabiliter expona-
tur. Si enim intelligatur ut panis et vinum sint quæ
erant non secundum substantiam, sed secundum
formam et cæteras suas qualitates ibideum remanen-
tes, et secundum substantiam in aliud mutantur :
quamvis aliquantulum improprie, tamen tolerabili-
ter et vere dictum erit. Et revera, ne suis et cætero-
rum sanctorum auctoritatibus contradicat, ita ne-
cessario est exponendum. Quidquid enim mutatur
in aliud, in aliquo desint esse quod fuerat, sive
substantialiter, sive accidentaliter. Sed in pane et

(26) En transubstantiationis dogma.

tino cum in corpus Christi mutantur, accidentia esse non desinunt, sed omnia remanent: ergo panis et tui substantia esse desinit.

Quia igitur sane expositum est, ut sint quæ erant secundum visibilem speciem remanente, et mutentur secundum interiorem essentiam ineffabiliter, ut et invisibili sacramento vera probetur elementorum species esse quæ fuerat, et interius substantia eorum mutari in melius quod prius non fuerat, ut videamus B. Ambrosium sibi vel aliis sanctis non esse contrarium, verba sua in ordine suo ponamus. Ait enim in libro De sacramentis (lib. iv, c. 4): « Tu forte dicas: Meus est panis usitatus. Sed panis iste panis est ante verba sacramentorum: ubi accesserit consecratio, de pane fit corpus Christi. Consecratio igitur quibus verbis est, et cujus sermonibus? Domini Jesu. Ergo Christi sermo hoc conficit corpus. Quis sermo Christi? Nempe is quo facta sunt omnia. Si ergo tanta vis est in sermone Domini Jesu, ut inciperent esse quæ non erant, quanto magis operatorius est, ut sint quæ erant, et in melius commutentur? Ergo ut tibi respondeam, non erat corpus Christi ante consecrationem, post consecrationem jam corpus est Christi. Ipse dixit et factum est, ipse mandavit et creatum est. »

Ergo didicisti, quod ex pane fiat corpus Christi, et quod vinum et aqua in calicem mittitur, sed fit sanguis consecratione verbi cœlestis. In quo notandum est B. Ambrosium comparatione a majori ita usum, ut quandoquidem Deus de nihilo fecit substantiam et formam, multo magis altera manente, in melius mutare possit alteram. Unde idem in eodem lib. iv, cap. 5: « Antequam consecratur panis est; ubi autem verba Christi accesserint, corpus est Christi. Et ante verba Christi calix est vino et aqua plenus: ubi autem verba Christi operata fuerint, ibi sanguis Christi efficitur, qui plebem redemit. » Ergo vide quantis generibus potens est sermo Christi universa convertere. Deinde ipse Dominus Jesus testificatur nobis quod corpus suum accipianus et sanguinem. Nunquid debemus de ejus fide et testificatione dubitare?

Item Eusebius Emissenus (hom. 5 De Paschate): « Nec dubitet quisquam primarias creaturas, nutu potentie, præsentia majestatis in Dominici corporis transire posse naturam, cum ipsum hominem videat artificio misericordiae cœlestis Christi corpus effectum. Sicut autem quicunque ad fidem, veniens ante verba baptismi adhuc in vinculo est veteris debiti, his vero commemoratis, mox exuit omni fæce peccati; ita benedicendæ verbis cœlestibus creaturæ, sacris altaribus imponuntur, et antequam invocatione summi nominis consecratur, substantia illic est panis et vini: post verba autem Christi, corpus et sanguis est Christi. Quid autem mirum est, si ea quæ potuit verbo creare, verbo possit creata convertere? Imito jam

A minoris videtur esse miraculi, si id quod ex nihilo condidisse agnoscat, jam conditum in melius valeat commutare. Requie quid ei possit esse difficile, cui facile fuit visibilia et invisibilia voluntatis imperio suscitare: cui facile fuit hominem de limi materia figuratum, imaginem etiam suæ divinitatis induere, corpus humanum conforme corpori suæ claritatis reddere. »

Item Augustinus in homiliis (27): « Ante verba, quando offertur panis, dicitur: ubi verba Christi deprompta sunt, jam non est panis, sed corpus Christi appellatur. » Quia sancti dicunt quod post consecrationem jam non est panis, sed corpus Christi, nihil omnino de pane in sacramento remansisse aliqui autumant; sed sicut virga mutata in

B serpentem, jam non virga, sed, serpens vocatur, quamvis in serpente non virgæ substantia, ex qua factus est, sed tantum forma periisse creditur; ita in sacramento panis non est panis, quamvis in eo non forma panis, sed substantia mutari credatur. Cur enim Deus, qui utramque ex nihilo creavit, non possit æque mutare substantiam, vel etiam ad nihilum redigere sicut et formam? Unde et

B. Ambrosius: « Vide quantis generibus potens est sermo Christi universa convertere, quia vel in diversam formam, ut virgam in serpentem; vel in diversam gloriam, ut hominem de mortalitate in immortalitatem; vel in diversam substantiam, ut pane in corpus Christi; vel in aliud quam sint, sive melius sive pejus multis modis aliis, sibi tantum cognitis. » Unde divus Augustinus in libro Sententiæ Prosperi: « Nos autem in specie panis et vini quam videmus, res invisibles, id est Christi carnem honoramus et sanguinem; nec similiter pendimus has duas species, quemadmodum ante consecrationem pendebamus, cum fideliter fateamur ante consecrationem esse panem et vinum, quod natura formavit, post consecrationem vero carnem Christi et sanguinem, quod benedictio consecravit. » Quod quamvis ideo dicat, ne quis putet pro remanente elementorum visibili specie ipsorum etiam substantiam, quæ jam corpus Christi facta est, remansisse: evidenter tamen astruit ante et post consecrationem easdem esse species, quas propter substantiae mutationem ante et post non similiter se dicit pendere. Quia tamen ex ipsis elementorum visibilibus speciebus erratur a multis, cum satis constet quod de eorum substantia corpus Christi fiat, quia, ut ait Augustinus, corpus Christi et sanguis ex panis et virgi substantia efficitur, de ipsis speciebus videamus.

C Si enim panis omnino ita mutetur in corpus Christi, ut nihil ex ipso supersit vel appareat, aut, si quod apparel, non verum, sed phantasticum fiat, rationi videtur contrarium. Si enim pane mutato nihil visibile reservaretur, minueretur fidei meritum, vel pro evidenti miraculo, quia in consecratione

(27) Est sermo 8^{ta} Appendix op. S. Aug., t. V, col. 152, exscriptus ex S. Ambrosii libro v De sacram., c. 4.

sacramenti panis omnino evanesceret, vel quia in oblivione sopita fidei devotio torperet, cum in tanto mysterio signum aliquod unde memoria admoneretur non superesset. Non enim supererasset aliquod visibile, circa quod mystica passionis signa et crucifixionis Christi in missa possent celebrari; nec unde in perceptione corporis et sanguinis ejus incorporationis suae et nostrae mysteria compleri, vel in firmis viaticum dari; nec cetera quae visibiliter et salubriter per ipsum in sancta Ecclesia sunt, valerent administrari. Non enim frustra dixit Dominus: *Hoc facite in meam commemorationem* (*Luc. xxii, 19*), sacramentum exhibens sicut verum fidei, sic vere visibile excitandæ commemorationi: ut quod fidei certum est, mentem pascat, quod visum certum est, devotionem accedat. Quia enim illum secundum carnem cœlos oportuit penetrare, ut illuc confidentius tenderemus, reliquit nobis carnibus hujus sacramenti visibilem figuram et characterem carnis et sanguinis sui, ut suæ passionis memoria incitati, constantius hoc faceremus.

Item, si elementa omnino mutantarentur in Christi carnem, nihil amplius esset Christi caro quam in modo est. Sed, etsi propria species humanæ carnis corporaliter appareret, nihilominus spiritualis credetur quam creditur et est. Et quid prodesset videre eum in propria specie humanæ carnis, qui tamen credendus esset vere habere spiritualem speciem resurrectionis? Ut autem in sequenti astrueretur, minueretur fidei meritum, pro tam manifesto veritatis experimento; vel inpediretur perceptionis ejus commoditas, pro humani corporis comedendi horrore injecto.

Cum autem in sacramento forma panis, soliditas, color, sapor sentiatur, vel verum hoc esse, vel phantasticum dicitur. Sed absit ut perfecta veritas phantasie fallacia astruatur, maxime cum ipsi angeli, et ipse Spiritus sanctus in columba vel linguis igneis, quoties apparuisse leguntur, non phantastica, sed vera corpora in aere assumere astruantur; et in ceteris omnibus sacramentis Novi Testamenti et Veteris, nihil phantasie, sed omnia vera inveniantur. Absurdum enim revera est, ut quod non vere est, veritatem approbet; et quod de se fallit estimationem, de alio veram exhibeat fidem. Phantastica enim illusio, magicis congruit et diabolicias fraudibus: veritatis autem assertio, divinis sanctionibus. Ne ergo phantastica species, sacramento Christi aliena prorsus et indigna, superinduci credatur, quae magis novit fallere quam veritatem astruere, quomodo id non solum rationi, sed et auctoritatibz sit contrarium, videamus.

Ut ait Augustinus: « Caro ejus est, quam forma panis operata in sacramento accipimus; sanguis ejus est, quem sub vini specie ac sapore potamus. » Sed quia, ut supra dictum est, in fine missæ oratur ut corpus Christi quod sub specie panis et vini nunc geritur, rerum veritate capiatur, ne putetur ipsa species panis et vini, quam cordori Christi non di-

A cit veram vel propriam, similiter in seipsa non esse vera, sed phantastica, sicut solent videri phantasticae species rerum in somniis, vel magorum præstigiis. Quid est quod S. Augustinus approbare contendit modis omnibus, sacrificium scilicet Ecclesiæ duobus confici, duobusque constare, visibili elementorum specie, et invisibili Christi carne et sanguine? Si falsum et frivolum erat, frustra hoc tantus vir omnibus modis approbare contendebat, frustra ad confectionem sacramentalem, veram ex veris rebus ostendendam personalem confectionem Christi, ex vero Deo et vero homine in similitudinem adducebat. Frustra etiam universalem propositionem (qua utramque confectionem, sacramenti scilicet, et personæ Christi, ex veris rebus constare astrueret) subdebat dicens: « Quia omnis res illarum rerum naturam et veritatem in se continet, ex quibus conficitur. » Quod absit! Sacrificium enim Ecclesiæ revera veritatem, et naturam in se continet earum rerum ex quibus conficitur, quia vere et naturaliter continet corpus Christi et sanguinem, et nihilominus vere et naturaliter elementorum eamdem quæ fuerat speciem. Alioquin quomodo verum erit, quod de elementis sacramentalibus Ambrosius dicit, ut sint quæ erant, et in aliud commutentur, nisi de eis in sacramento et aliquid reservetur, ut sit quod fuerat et aliquid mutetur, ut melius fiat?

Item quomodo verum erit, quod præsente Nicolao papa, et 413 episcopis sancta synodus Romæ Berengario haeretico de hujus rei catholica fide scriptum tradidit, et ille, iure jurando firmavit, *panem scilicet et vinum post consecrationem non solum sacramentum, sed et corpus Christi esse et sanguinem*. Si panis post consecrationem utrumque est, sacramentum scilicet et corpus Christi, oportet quod sacramentum sit specie, et corpus Christi factum sit substantiae mutatione. Unde Augustinus: « Quod videtis in altari, panis est et calix, quod etiam oculi vestri denuntiant, oculorum testimonio non phantasiam, sed speciei veritatem approbaus. » Et subdidit: « Quod autem fides postulat, panis est corpus, calix est sanguis, mutatione scilicet substantiae. Alioquin, si ex phantasia et veritate sacramentum Christi confici creditur, jam confectione non erit quam ex aliqua re et nulla confectione constare non possit. Conficitur ergo sacramentum ex vero corpore Christi et sanguine, et ex veris speciebus panis et vini. »

CAPUT VIII.

Quomodo sacramentum corporis Christi a ceteris sacramentis differat vel conveniat.

Sed, quia de confectione sacramenti dictum est, quomodo sacramentum corporis Christi ab aliis differat sacramentis, vel quomodo conveniat, videamus.

Cætera enim sacramenta Novi Testamenti et Veteris, figuræ tantum fuerunt; nec aliquæ species eorum, ut ille fuerint quod significabant, ab hoc quod

fuerant, ut manna, petra, aliquatenus mutatio sunt. Aqua vero baptismatis, et oleum chrismatis in sacramento ab hoc quod est non mutatur; nec Spiritum sanctum, quem significat aqua abluentem, emundantem, oleum vero roborantem, illuminantem, quamvis credentibus suo mysterio exhibeat, non tamen continere essentialiter, sed figurative tantum creditur. Solum sacramentum panis et vini ita mutatur, ut substantialiter non sit quod ante fuerat; sed substantia ejus corpus Christi fiat, forma vero remanens ipsam significet et contineat.

Hanc autem panis et vini substantiam ideo Christus in suo sacramento remanere non voluit, ne, si duae substantive veritates, panis scilicet communis noster, et ipse vivus et verus panis in eodem sacramento essent, errorem gignerent veritatis, dum ibi esset et ipse verus panis, quia vita æterna, et panis communis suo modo verus, quia temporalis vitæ substantia. Facilius enim et certius creditur corpus Christi in illo sacramento fieri et esse, ubi corporaliter non fuerat, non solum pro sacramento, sed et pro miraculo, dum ibi panis desinit esse quod fuerat. Et forsitan, ne bæreses impanationis et sœdæ digestionis huic singulari suo sacramento ascribi possent, ipsum ab omni corruptibilis naturæ vel materiae contagio purum esse voluit.

Sciendum tamen quod beatus Augustinus hoc sacramentum in significando Christum aliis comparat, quamvis tanto privilegio, ut dictum est, omnibus tam novis quam veteribus præcellat. Ait enim in libro III De Trinitate (cap. 4, n. 10, tom. VIII, c. 798) : « Si apostolus Paulus, quamvis adhuc ex parte et in ænigmate videret (*I Cor. XIII, 12*), potuit tamen significando Christum prædicare, aliter per linguam suam, aliter per epistolam, aliter per sacramentum corporis et sanguinis ejus, nec significantes sonos lingua editos, nec signa litterarum conscripta pelliculis, corpus Christi et sanguinem dicimus ; sed illud tantum, quod ex fructibus terræ acceptum, et prece mystica consecratum, rite sumimus ad salutem, quid mirum, si etiam in creatura cœli et terræ, maris et aeris facit Deus quæ vult sensibilia et visibilia ad seipsum in eis, sicut oportere novit, significandum et demonstrandum ? » Cum igitur per sacramentum corporis et sanguinis Domini Christus significari dicatur, et ipsum cæteris significantibus annumeretur, et ejus exemplo cæteræ significative species a Deo posse fieri astruantur, constat ipsum sacramentum sicut cætera esse significativum.

Item Augustinus in serm. 26 super Joannem : « Et nos hodie accipimus visibilem cibum ; sed aliud est sacramentum, aliud virtus sacramenti. » Et paulo post : *Hic est panis qui de cœlo descendit* (*Joan. VI, 33*). Hunc panem significavit manna, hunc panem significat altare Dei. Sacraenta illa fuerunt; in signis diversa sunt, in re quæ significatur paria. Apostolum audi : *Nolo enim vos, inquit, ignorare, fratres, quia patres nostri omnes sub nube fuerunt,*

A et omnes mare transierunt, et omnes eamdem escam spiritualem manducaverunt (*I Cor. X, 1*). Spiritualem utique eamdem; nam corporalem alteram, quia illi manna, nos aliud; spiritualem vero (eamdem) quaro nos. Et omnes eumdem potum spiritualem biberunt. Aliud illi, aliud nos, sed specie visibili : quod tamen idem significaret virtute spirituali. Quomodo enim eumdem potum? *Bibebant, inquit, de spiritali sequente eos petra, petra autem erat Christus* (*ibid., 4*). Inde panis, inde potus. Petra Christus in signo, verus Christus in Verbo et in carne. Manna et speciem visibilem panis et vini corporalem escam dicit, diversa illis et nobis; sed quod credentibus illis et nobis per hanc diversam escam significatur idem est, scilicet Christus : et ideo dicit in signis diversa esse manna et panem, in re, id est in Christo qui significatur per illa paria; cum tamen sacramentum panis familiariter significet Christum quam manna, quia manna futurum, panis præsentem, manna tantum extrinsecus, panis ita ut substantialiter sit conversus in corpus Christi, et formaliter significet corpus Christi. Eadem enim fide Christi salvati sunt qui ante Christum, qua salvantur et illi qui modo sunt, quia crediderunt venturum esse quem nos credimus venisse. Unde Augustinus in libro De penitentia (tract. xxv in Joan., n. 42, tom. III, p. 2, col. 489) : « Utquid paras dentes et ventrem? Credere in eum, hoc est inanducare panem vivum. Qui credit in eum, manducat eum. » Item Augustinus in psal. civ : « Panis cœli est assumptum corpus Agni quo nos resuscitatur in Ecclesia, sicut illi refecti sunt manna. »

Nec solum comparatur sacramentum corporis Christi cæteris sacramentis consignificando, sed et in corpore Christi æternaliter non permanendo. Quamvis enim panis substantia mirifice, ut dictum est, in corpus Christi conversa esse credatur, forma tamen in sacramento remanens, non in corpore Christi manere perpetualiter, sed post hanc vitam omnino desinere creditur, sicut et cætera sacramenta. Cum enim scriptum sit : *Panem angelorum manducavit homo* (*Psal. LXXVII, 25*), quia eodem Christo resuscitatur homo in via credendo, quo satiantur angeli in patria, eum sicut est videndo, cum eodem fruuntur ut vivant sine sacramento, quo et nos ne moriamur cum sacramento : quando erimus sicut angeli Dei, nunquid eum quem angeli sine sacramento vident revelata facie sicut est videre poterimus, nisi ablata umbra sacramenti? Quomodo enim facies sua vel nostra erit revelata, nisi omnis veli umbra rejecta, et nos appareamus filii Dei, quod sumus, et ipse nobis appareat quod est, sicut est Deus? Frustra oraremus, ut quod nunc specie geritur, rerum veritate capiamus, si ibi etiam hujus sacramenti haberemus umbram, ubi facie ad faciem sicut est videre speramus Christi gloriam. Quæ enim remuneratio esset nobis in alia vita, si umbra sacramenti contegente, veritas gloriæ Christi nunquam nobis fieret manifesta? Unde Ambrosius in

libro De officiis (lib. I, cap. 48, t. II, col. 63) : « Illa igitur sunt nobis expetenda, in quibus perfectio, in quibus veritas est. Hic umbra, hic imago, illuc veritas. Umbra in lege, imago in Evangelio, veritas in cœlestibus. Ante agnus offerebatur et vitulus; nunc Christus offertur, quasi recipiens passionem, et offert se ipse quasi sacerdos, ut peccata dimittat. Hic in imagine, ibi in veritate, ubi apud Patrem quasi advocatus pro nobis intervenit. »

In quo notandum est, quia in Veteri Testamento, dicit Deus tantum figuræ umbram, in Novo veritatem eum figura, in futuro dabit veritatem non cum figura, sed manifestam, ut tali profectu temporum nos perfecte veritati viciniores ostenderet, quibus post umbratam veritatem, nihil nisi eamdem manifestam dari restaret. Vetus enim Testamentum veritatem promisit, non dedit; Novum dedit, sed non ostendit. Quid restat, nisi ut eadem veritas in alia vita manifestetur? Unde et venerabilis Beda presbyter ait in expositione hujus evangelici capituli : *Non est arbor bona qua facit fructus malos* (Luc. vi, 43). In hac vita lumine sanctorum Scripturarum et sacramentorum cœlestium refectio opus habemus, in futuro autem talibus non egebimus subsidiis, ubi iuxta Psalmistæ vocem, quicunque apparuerint cum justitia, satibuntur manifesta gloria Christi. Quomodo enim egebimus refectione ubi semper erit satietas? vel quomodo egebimus sacramento, quod utique oculus corporaliter videt, cum Deus diligenteribus se, teste Apostolo (I Cor. ii, 9), quod oculus non vidit, et auris non audit et in cor hominis non ascendit, præparaverit?

Item cum ipse Dominus nobis præceperit, quotiescumque hoc facimus, facere ad suam commemorationem, cum eum videbimus sicut est, quomodo necessaria erit hujusmodi commemoratione, cum in praesente ejus visione, nulla possit intercidere oblio? Unde D. Hieronymus in primam Epistolam ad Corinthios : « Hanc ultimam memoriam nobis reliquit quemadmodum si quis peregre proficiscens, aliquod pignus ei quem diligit relinquat, ut, quotiescumque illud viderit, possit et ejus beneficia et amicitias memorari; quem si ille perfecte dilexerit, sine ingenti illud desiderio vel fletu videre non posset. »

Ideo hoc Salvator tradidit sacramentum, ut per hoc semper commoneamur, quia pro nobis mortuus est. Nam et ideo cum accipimus, a sacerdotibus commonemur, quia corpus et sanguis est Christi, ut non simus ingrati tantis ejus beneficiis. Quia igitur commemoratione mortis non erit necessaria ad concitandum desiderium vel fletum, ubi non peregre profecta, sed præsens semper erit vita aeterna et gaudium, ideo Apostolus huic sacramento, ne aeternum videatur, finem denuntians, ait : *Quotiescumque manducabis hunc panem et calicem libetis, mortem Domini annuntiabitis donec veniat* (I Cor. xi, 26). Quod Augustinus exponens in libro contra Faustum (xii, c. 20 t. VIII, col. 256) ait :

« Significat finem sæculi, quando erit sanctorum

A requies, non adhuc in sacramento spei, quo in hoc tempore consociatur Ecclesia, quando bibitur quod de Christi latere manavit, sed jam in ipsa perfectione salutis æternæ, cum tradet regnum Deo et Patri, ut in illa perspicua contemplatione incommutabilis veritatis, nullis mysteriis corporibus egeamus. »

Quia ergo hoc sacramento non est in æternum mors Christi annuntianda, sed tantum donec veniat, quia postea nullis mysteriis egebimus, constat illud transitorum esse signum et temporale, quo tantum egemus nunc, dum videmus per speculum et in ænigmate. Unde item Augustinus in sermone super orationem Dominicam (67, n. 7, t. V, col. 333) :

B « Cum transierit vita ista, nunquid petemus panem quotidianum? Tunc enim non vocabitur quotidie, sed hodie. Nunc vocatur quotidie, quando transit dies, et venit alias dies. Nunquid vocabitur quotidie quando erit æternus unus dies? Sane duobus modis intelligenda est ista petitio de pane quotidiano, sive pro necessitate carnalis victus, sive pro necessitate spiritualis alimonie. Norunt spirituale alimoniam fidèles, quam et vos, si puri estis, accepturi estis de altari Dei. Panis erit et ipse quotidianus huic vitæ necessarius. Nunquid enim Eucharistiam accepturi sumus, cum ad ipsum Christum venerimus, et cum illo in æternum regnare coeprimus? Ergo eucharistia quotidiana panis est; sed sic accipiamus eum, ut non solum ventre, sed et mente reficiamur. » Et paulo post :

C « Quando illuc venerimus, ipsum Verbum manducaturi sumus et bibituri, quomodo angeli modo. Vident enim ipsam veritatem, et ipso fonte satiantur, unde nos irroramur. Cum igitur eucharistia sit panis quotidianus, huic vitæ necessarius, quem non sumus accepturi, cum ad ipsum Christum venerimus, quando manducaturi sumus ipsum Verbum quomodo angeli modo, constat eam non esse æternam specie tenus, quam tamen ipsa sui veritate æternam credimus. »

Quia igitur panis mysticus fit nobis, non nascitur, nec ipso suo mysterio æternus habetur, sed temporalis et quotidiana, quod nec origine, nec æternitate Christo congruit, quomodo unius persona cum ipso credendum erit, cum de nostra persona etiam Dominus dixerit : *Quia capillus de capite vestro non peribit*? (Luc. xxi, 18.) Quapropter de forma hujus sacramenti ita judicemus, sicut B. Augustinum in libro primo contra Maximum (cap. 17, t. VIII, col. 690) formam impersonataum et formam mysticam distinxisse cognovimus. Ait enim : « Adhuc in forma humana est Filius, quem levavit in cœlum et semper erit in regno, hæc eadem forma immortalis. Nam de Spiritu sancto, qui nullam suscepit formam ad unitatem personæ suæ, quamvis se per subjectam creaturam visibiliter et ipse, sive per columbas speciem, sive per linguas igneas sit demonstrare dignatus, nunquam dictus est minor Patre. Ad horam quippe apparue-

runt illa quæ Spiritum sanctum significando monstrarent visibiliter invisibilem, columba propter simorem sanctum, ignis autem propter charitatis lumen atque fervorem; et peracto significatiovis officio corporales illæ species transierunt, atque esse ulterius desliterunt, sicut columna ignis nubilosa per diem, luminosa per noctem. Christus autem non humanam ad horam sumpsit elliçiem, in qua hominibus appareret, ac deinde species illa periret; sed in unitate personæ suæ, manente invisibili Dei forma, accepit visibilem hominis formam, non solum natus in ea de homine matre, verum etiam crevit in ea, manducavit, bibit, dormivit, occisus est in ea, resurrexit, ascendit in cœlum, sedet ad dexteram Patris in ea, et in regno suo ei qui illi subjicit omnia, erit subjectus in ea.

Sic igitur in sacramento corporis Christi, panis formam Christo non dicamus impersonatam (28). Sed, quamvis ipsa panis substantia mirifice in corpus Christi conversa sit, panis tamen forma in sacramento remanens, mansura perpetualiter in Christi corpore non putetur; sed, sicut cætera sacramenta post hanc vitam omnino desistere credatur, ne de impanatione aliqua heresis oriatur. Nam, si impanatur Christus, vel in panem convertitur, quod est nefarium, cum sit immutabilis, vel sit panis sicut Verbum caro factum est, quod frivolum est, cum non astricta auctoritas evangelica vel prophetalis, cum e contrario etiam panis sit caro Christi, ita ut non remaneat panis. Non enim esset magnum quod Apostolus ad commendandum hominibus Dei dilectionem, et humanæ naturæ dignitatem ait, quia *Filius Dei angelos non apprehendit, sed semen Abraham apprehendit*, si ille qui naturæ angelorum contempsit personaliter uniri, brutæ panis substantiæ impersonatus, panis vellet fieri. Sua enim impersonatio jam non hominibus singularis, quia etiam panibus facta communis, sicut humanæ naturæ minueret dignitatem, sic etiam Dei erga homines minus commendari dilectionem.

Mon ergo moveat quemquam quod ipse de se ait: *Ego sum panis vivus* (*Joan. vi, 51*), figurare, quia, si ipse creditur panis fieri vere, quomodo eamdem redēptionem, quam semel fecit in cruce, operari poterit, etiam in altari quotidie? Nam qui semel incarnatus, paulo minus ab angelis est minoratus, quia factus passibilis, hic toties impanatus, quoties in altari consecratus, ipsis hominibus multo minor feret, quia factus irrationalis. Sicut enim impersonationis jure, ut verus homo esset in homine, accepit animam cum ratione sua, et carnem cum sensibus suis, ut in ea pati posset, sic panem acciperet cum irrationalitate sua: et ita quia minor fieret suis redemptis, non videretur æquum et sufficiens esse preium redēptionis. Si enim neque in cœlo, neque in terra, neque subtilis terram inventus est

(28) Illoc opinio Ruperto tribuitur a Bellarmino, quem refellit Gerberon in *Apologia Ruperti* p. 156, t. IV, Op. Rup. ed. Venet. 1751.

A dignus qui aperiret librum nostræ redēptionis (*Apoc. v, 3*), quia neque angelus, neque vivus homo, neque mortuus, quanto minus aliquis infra hominem factus. Absurdum est igitur de Dei sapientia tam stulte sentire, aliquasque Scripturas ad hujusmodi sensum inflectere. Cur enim Deus fieret aliud quam quod semel factus est, homo scilicet ad nostrum salutem: cum nihil aliud operetur in sacramento, quam quod semel operatus est nobis in seipso, in cruce scilicet et altari, nostram redēptionem: ad quam semper digne suscipiendam, semper signo suæ præsentie nostram voluit excitare devotionem, per tanti sui beneficii præsentis et præteriti commemorationem? Sicut ergo Spiritus sanctus in specie columba vel linguis igneis sine B unitate personæ apparuisse creditur, sic Christus in sacramento panis et vini corporaliter confici, sed non personaliter uniri astrinatur.

CAPUT IX.

Quod novus panis et vinum in corpus Christi mutata, novam carnem vel sanguinem non generant.

Sed iterum hujus mutationis trahunt aliqui nimis simpliciter a communi natura similitudinem (29): ut sicut panis et vinum in viventem carnem et sanguinem transfertur nostrum, vel etiam in viventem et vivificatricem carnem ipsius Christi, quam diu nobiscum conversatus est per naturam comedionis; sic etiam in viventem et vivificatricem carnem et sanguinem Christi transferatur per gratiam sacerdotialis benedictionis.

C Sed longe aliter panis et vinum sit caro et sanguis Christi in sacramento per gratiam, quam in coiuslibet vel etiam ipsius Christi stomacho per naturam. In stomacho enim Christi panis et vinum, non mutata vel deficiente substantia, sed forma, novam carnem et novum sanguinem, corruptioni aliquatenus obnoxium, sicut in cæteris hominibus generavit; in sacramento autem, mutata substantia non forma, panis et vinum non sit nova caro et novus sanguis, sed existens substantia panis et vini mutatur in coexistentem substantiam corporis Christi; ita ut novitate sua nihil in ipso innoveret, mutatione sua nihil immutet. Si enim est mutabilis, vel in augmentum mutatur vel in detrimentum. Sed, D si eget augmento, non in virum perfectum resurrexit; si detimento obnoxius est, corruptionem nondum evasit. Sed econtra Augustinus, in epist. 205, ad Consentium de corpore Domini post resurrectionem (t. II, col. 767): « Constat itaque, nec ullo modo dubitandum est, corpus Christi, quod licet corruptionis putredinem in sepulcro non viderit, unde scriptum est: *Nec dabis sanctum tuum videre corruptionem* (*Psal. xv, 10*); clavis tamen et lancea perrumpi potuit, nunc omnino in incorruptione consistere. »

Si queris itaque quomodo res corruptibilis in

(29) S. Joan. Damasceno et Paschasio tribuitur haec opinio a Cl. de Marca. Opusc. t. V, p. 141, ed. Bamberg. 1789.

Incorrumpibilem, existens in coexistente, nova in antiquam sine illius innovatione vel mutatione mutetur, respondet tibi Augustinus in libro Sententiarum Prospere (t. X, 223) : « Si queris modum quo id possit fieri, breviter ad praesens respondeo : Mysterium fidei est, credi salubriter potest, investigari utiliter non potest. » Item item contra Felicianum (50) : « Omitamus in Deo corporalis intelligentiae legem, ne operibus suis similem dicamus esse factorem. » Et post pauca : « Hoc fides credit, intelligentia non requirat, ne aut non inventum putet incredibile, aut repertum non credit singulare. » Item Ambrosius in libro De mysteriis initiandis (cap. 9, t. II, c. 338), omnis naturae terrenae originem vel conditionem ab hoc singulari divinæ gratiae sacramento excludens ait : « Forte dicas : Aliud video ; quomodo tu mihi asseris, quod corpus Christi accipiam ? Et hoc superest nobis ut probemus. Quantis utimur exemplis, ut probemus, non hoc esse quod natura formavit, sed quod benedictio consecravit, maioremque esse vim benedictionis, quam naturæ, quia benedictione etiam natura ipsa mutatur ! Virgam tenet Moyses, projectum eam et facta est serpens. » Et post pauca : « Tegit Moyses petram, et aqua de petra profluxit. Nunquid non præter naturam operata est gratia, ut aquam voraret petra, quam non habebat natura ? Advertisimus igitur majoris esse gratiam, quam naturam. Quod si tantum valuit humana benedictio, ut naturam converteret, quid dicimus de ipsa consecratione divina, ubi verba Domini Salvatoris operantur ? Nam sacramentum istud, quod accipis, Christi consuevit sermone. Sermo igitur Christi, qui potuit ex nihilo facere quod non erat, non potest ea quæ sunt, in id mutare quod non erat ? Nonne majus est novas rebus dare, quam mutare naturas ? Quid argumentis ultimis suis utamur exemplis, incarnationisque exemplo astruamur mysterii veritatem. Nunquid naturæ usus præcessit, cum Christus Dominus ex Maria nasceretur ? Liquet ergo quod præter naturæ ordinem virgo generavit. Et hoc quod consuevit corpus, ex virginе est. Quid hic queris naturæ ordinem in Christi corpore cum præter naturam sit ipse Dominus Jesus partus ex virginе ? Vera utique caro Christi, quæ crucifixa est, quæ sepulta est. Vere igitur carnis illius sacramentum est. Ipse Dominus Jesus clamat : *Hoc est corpus meum* (Luc. xxii, 19). Ante benedictionem verborum coelestium, alia species nominatur; post consecrationem corpus Christi significatur. Ipse dicit sanguinem suum. Ante consecrationem aliud dicitur, post consecrationem sanguis nuncupatur. »

In quo notandum est quia B. Ambrosius ad comprobandum hujus singularis mysterii tertium miraculum, duo mirabilia opera Dei præmisit; unum creationis, qua fecit existere quæ non erant; alterum mutationis, qua ea quæ erant fieri fecit quod

(30) Cap. 8. Est liber Vigilii, S. Augustino falso p. 43

A non erant. Quorum quia ab altero quelevit, ne deinceps ex nihilo substantias crevit ac formas, alterum naturæ communicavit, quo ea quæ sunt, in id quod non sunt, mutantur secundum formam, ut virga serpentem, mirabiliter, et omne semen in fructum sui generis naturaliter. Tertium privilegio divini sermonis ascribens subiecit : et hoc quod consuevit corpus, ex virginе est. In praesenti enim quod dixit, consuevit novitatem panis; in corpore quod ex virginе est immutabilitatem antiquæ veritatis astruxit, ut, dum panis manente forma sua mutatur in id quod non erat, corpus scilicet Christi quod ex virginе erat præter ordinem naturæ : *Nec de nihilo creditur corpus Christi creari in sacramento, secundum primariæ naturæ originem, nec panis formam mutari secundum naturæ communicatam consuetudinem; sed novo et inauditō modo ita mutari substantiam panis in substantiam corporis Christi, ut panis non sit, sed appareat esse quod fuerat, et corpus Christi non devistat esse quod erat. Dignum namque erat, ut quia hoc sibi in seipso erat proprium, ceteris suis operibus incommunicabile saceret tanti sui mysterii miraculum.*

Quæritur autem, cum Dominus ante passionem discipulis sacramentum corporis sui dederit, quando erat naturæ passionibus obnoxium, si ita incorruptibile et immortale dederit illud in sacramento, sicut datur nobis modo, maxime cum dixerit : *Hoc est corpus meum, quod pro robis tradetur; hic est sanguis qui pro robis effundetur* (Luc. xxi, 19). Sed non est

C mirum, si ille, qui ante passionem transfiguravit se in tale corpus quale post resurrectionem habiturus erat, et post resurrectionem ostendit corpus suum vulneratum et palpabile, quale ante passionem habuerat : ita immortale dederit corpus suum in sacramento quod erat moriturum, sicut post resurrectionem idem corpus suum quod erat invulnerabile, ostendit vulneratum. Sicut hoc, sic et illud divinæ potentiae ascribatur. Divina enim operatio, ut ait B. Gregorius (homil. 26 in Evang. n. 1, col. 1552), si ratione comprehenditur, non est admirabilis; nec fides habet meritum, cui humana ratio praebet experimentum.

Qui ergo dupli forma, humana scilicet et sacramentali, praesentem se exhibuit quasi alterum, cum omnino idem esset, et comedendum se distribuit, cum vivus et integer permaneret, nonne in illo sacramento se incorruptibile et immortalem præbuisse credendus est, in quo nec morsibus attritus corrupti, nec comedione tot hominum devoratus potuit occidi ? Sicut ergo moriturus in seipso, factus est immortalis in sacramento supra naturam, sic etiam tunc cum caro ejus, et sanguis cibis et potibus innovari posset, ac mutari per naturam in seipso, non tamen novo vino et novo pane innovari aut mutari potuisse credenda est eadem caro vel idem sanguis in sacramento. Quod autem seipsum ascriptus. Vii. Append. op. S. Augustini, t. VIII,

distribuerit discipulis, testatur Augustinus in tit. psalmi xxxiii (enarr. II, n. 40, t. IV, col. 214), cum fugeret David Saul persecutorem, inquiens ita: « *Et ferebatur in manibus suis.* Illoc vero quomodo fieri possit in homine; quis intelligat? Quis enim portatur manibus suis? Quomodo intelligatur in ipso David secundum litteram non invenimus; in Christo autem invenimus. Ferebatur enim Christus in manibus suis, quando commendans corpus suum ait: *Hoc est corpus meum.* Ferebat enim illud corpus in manibus suis. »

Cum ergo constet, quia seipsum moriturus immortalem, visibilis invisibilem in sacramento dederit, constat quia illud corpus suum, quale nos modo sumimus, tale fuit, unum idemque omnino substantia et tunc et nunc: sed tunc tamen differens mortalitate et immortalitate, in hominis et sacramenti forma, nunc hominis tantum et sacramenti forma. Quam identitatem substantiae, diversitatemque formae Augustinus discernens; de identitate substantiae, ut omnem novitatem vel diversitatem excludat, ait in serm. ad Neophytos: « *Hoc accipite in pane, quod peperit in cruce; hoc accipite in calice, quod effusum est de Christi latere.* Erit enim ei mors, non vita, qui mendacem existinavertit vitam. »

Qui ergo de substantia tam veraciter astruxit, illud idem hic esse quod ibi fuit: de diversitate formae in epistola ad Irenæum ita ait: « *Non hoc corpus quod videtis manducaturi estis, nec bibituri illum sanguinem, quem fusuri sunt qui me crucifigent. Ipsum quidem et non ipsum. Ipsum invisibiliter, non ipsum visibiliter.* » Quasi diceret: Ipsum quidem secundum invisibilem substantiam, et non ipsum secundum visibilem formam.

CAPUT X.

Quod non de quolibet Filio hominis, sed de ipso Christo intelligentium est: « Nisi manducaveritis carnem Filii hominis, non habebitis vitam in vobis. »

Sed ex hac beati Augustini sententia qua dicit: « *Non hoc corpus quod videtis manducaturi estis.* » Et ex ipsis Domini verbis nata est haeresis tempore Cœlestini papæ, et Cyrilli Alexandrini episcopi, quibus admittentibus celebrata est synodus Ephesina, et destructa est haeresis, quæ dicebat panem et vinum altaris, non in propriam carnem et sanguinem Christi, quæ jam in cœlo erat, posse in mundo mutari, sed in carnem et sanguinem cujuslibet filii hominis justi et sancti, qui templum Dei, et merito suo corpus Christi esset de quo Christus ipse dixerat: *Nisi manducaveritis carnem Filii hominis, non habebitis vitam in vobis* (Joan. vi, 54). Igitur et episcopi in Epeso congregati (31), contra hanc haeresim, ita scripserunt Nestorio episcopo hereticorum: « *Sanctificamur participes sancti*

(31) Labbe Concil. t. III, col. 415, in Epist. 5. Cyrill. Alex. anno 431 lecta in conc. Ephesino, cui interfuerunt episcopi ducenti fere numero, ut scri-

A corporis et pretiosi sanguinis Christi, omnium nostrum Redemptoris effecti, non ut communem carnem percipientes, quod absit! nec ut viri sanctificati et Verbo conjuncti secundum dignitatis unitatem, aut sicut divinam possidentis habitationem; sed vere vivificatricem, et ipsius Verbi propriam factam. Vita enim naturaliter ut Deus existens, qui eidem propriæ carni unitus est, vivificatricem eam esse professus est. Et ideo quamvis dicat: *Nisi manducaveritis carnem Filii hominis, non tanè eam ut hominis unius ex nobis existimare debemus.* Quomodo enim juxta naturam suam vivificatrix esse poterit caro hominis? Sed prosternemus vere propriam ejus factam, qui propter nos Filius hominis et factus est et vocatus. »

B Cum ergo hac synodo satis astructum sit, non alicuius de vulgo hominis carnem et sanguinem in mysterio sumi, sed carnem vivificatricem, et ipsius Verbi propriam factam, ne tamen verbis B. Augustini, quibus dixit ex persona Domini, non hoc corpus quod videtis manducaturi estis, quasi illud removendo a se, et iterum mysterium vestrum in mensa Domini positum est, estote quod videtis et accipite quod estis, ne ex hac quasi unitatis familiaritate subrepatis, ut ad hanc dignitatem aspirare præsummat aliquis, ut suum vel alicuius corpus de vulgo sumi aestimet in sacramento: quod vere solius Christi corpus ibi sit, astraamus. Augustinus in libro IV De Trinitate (cap. 14, t. VII, c. 823): « *Quis tam sanctus et justus sacerdos, quam unicus Filius Dei?* Et quid tam grata offerri et suscipi posset, quam caro sacrificii nostri, corpus effectum Sacerdotis nostri? ut quoniam quatuor considerantur in omni sacrificio, cui offeratur, a quo offeratur, quid offeratur, pro quibus offeratur: idem unus ipsi verusque mediator per sacrificium pacis reconcilians nos Deo, unum cum illo maneret cui offerebat, unum in se saceret pro quibus offerebat, unus ipse esset qui offerebat, et quod offerebat. »

D Item Leo papa in epistola Anatholio episcopo missa (80, n. 2, t. I, c. 1040, ed. Baller): « *Alier in Ecclesia Dei, quæ corpus est Christi, nec rata sunt sacerdotia, nec vera sacrificia, nisi in nostræ proprietate naturæ verus nos pontifex reconciliet, verus immaculatus Agui sanguis einundet: qui licet in Patris sit dextera constitutus, in eadem tamen carne quam sumpsit ex virginie, sacramentum propitiacionis exsequitur.* » Item Leo (32): « *Dicente Domino: Nisi manducaveritis carnem Filii hominis et biberitis ejus sanguinem, non habebitis vitam in vobis, sic sacræ mensæ communicare debetis, ut nihil prorsus de veritate corporis Christi et sanguinis ambigatis. Hoc enim ore sumbitur, quod fide creditur; et frustra Amen alii illis responderetur, a quibus contra id quod accipiatur disputatur.* »

bit Vincent. Jerin. in Commonit., c. 29.

(32) Sermone sexto De jejunio septimi mensis, qui est xci, col. 386, ed. cit.

Item Eusebius Emissenus (hom. 5 De Pascha) : A post resurrectionem et ejusdem naturae, et alterius glorie. »

Quod autem corpus Christi spirituale sit, et incorruptibile, et invisible, nec tamen minus substantiale in sacramento testantur sancti cum Eusebio. Unde Ambrosius in libro De sacramentis (De mysticis initianis. cap. 9, n. 55, t. II, col. 340) : « His sacramentis pascit Christus Ecclesiam suam, quibus animae firmatur substantia. Quid edamus et bibamus, per Prophetam Spiritus sanctus expressit, dicens : *Gustate et videte quoniam suavis est Dominus* (Psal. xxxiii, 9). In illo sacramento Christus est, quoniam corpus est Christi. Non ergo corporalis esca, sed spiritualis est. Corpus enim (33) Dei, corpus spirituale est; corpus Christi, corpus est divini Spiritus. » Item Augustinus : « Hoc est quod dicimus sacrificium Ecclesiae duobus constare, visibili elementorum specie, et invisible Domini nostri Iesu Christi carne et sanguine. » Item idem : « Nos autem in specie panis et vini quam videmus res invisibles, id est carnem Christi et sanguinem honoramus. Sed in ista carne et sanguine nil cruentum, nil corruptibile mens humana concipiatur, sed vivificatricem substantiam atque salvatricem et ipsius Verbi propriam factam, in pane et vino, per quae si digne sumantur, nobis est peccatorum remissio collata (34). » Item Augustinus ad Irenaeum : « Non hoc corpus quod videtis manducaturi estis. Ipsum quidem et non ipsum. Ipsum invisibiliter, et non ipsum visibiliter. » Unde et subditur : « Si necesse est visibiliter illud celebrari, necesse est invisibiliter intelligi. »

Quis ergo de vulgo talis, ut unicus Dei Filius, qui in eadem carue quam sumpsit ex virgine sacramentum propitiationis nobis in dextera Dei sedens exequitur, et invisibilis sacerdos visibiles creaturas in substantiam sui corporis convertit? A qua presumptione Eusebius prorsus nos compescens, ait : « Cum ad reverendum altare cibis satiandis accedis, sacrum Dei tui corpus et sanguinem fide respice, mente continge, honora, mirare, cordis manu suscipe, et maxime haustu interiori assume. » Et post pauca : « Ad agnoscendum et percipiendum sacrificium veri corporis, ipsa te roboret potentia consecrantis. Qui tunc latuit praefiguratus in manna, est tibi manifestatus in gratia. Ipsum autem in manna illius specie praesignatum etiam Propheta ostendit, dicens : *Panem angelorum manducavit homo* (Psal. LXXVII, 25). Et quis est panis angelorum, nisi Christus qui eos cibo sue charitatis et lumine sue claritatis exsatiat? »

CAPUT XI.

Quod in sacramento visibili sit spirituale et invisible corpus Christi.

Sed ecce ex verbis Eusebii, quibus astruit invisibilem sacerdotem, visibiles creaturas in substantiam sui corporis convertere, nosque monet ipsum Dei corpus et sanguinem, fide, mente, cordis manu, interiori haustu, spiritualiter sumere. Videtur quærendum, si sacerdos est invisibilis, quomodo sua substantia sunt, cum sint visibilia corpus et sanguis? Sed sciendum quia post resurrectionem corpus Christi, sicut incorruptibile, ita et invisible fuit; quia, ut ait Apostolus, non animale, sed spirituale surrexit (I Cor. xv, 44); et quale prodiit de sepulcro, tale est in panis et vini sacramento. Quod enim legitur post resurrectionem discipulis ostendisse manus et latus (Joan. xx, 20), beatus Gregorius ita distinguit in homilia paschali (26 in Ev., n. 2, t. I, col. 1553) : « Corrumphi necesse est quod palpatur, et palpari non potest quod non corrumperitur. Sed miro et inæstimabili modo, Redemptor noster et incorruptibile post resurrectionem et palpabile corpus exhibuit, ut monstrando incorruptibile invitaret ad præmium, præbendo palpabile formaret ad fidem. Et incorruptibile ergo se, et palpabile demonstravit, ut ostenderet corpus suum

(33) Alias Domini.

(34) Ita Cassiodorus Comte. in psal. cix, 1.

B Item Augustinus : « Hoc est quod dicimus sacrificium Ecclesiae duobus constare, visibili elementorum specie, et invisible Domini nostri Iesu Christi carne et sanguine. » Item idem : « Nos autem in specie panis et vini quam videmus res invisibles, id est carnem Christi et sanguinem honoramus. Sed in ista carne et sanguine nil cruentum, nil corruptibile mens humana concipiatur, sed vivificatricem substantiam atque salvatricem et ipsius Verbi propriam factam, in pane et vino, per quae si digne sumantur, nobis est peccatorum remissio collata (34). » Item Augustinus ad Irenaeum : « Non hoc corpus quod videtis manducaturi estis. Ipsum quidem et non ipsum. Ipsum invisibiliter, et non ipsum visibiliter. » Unde et subditur : « Si necesse est visibiliter illud celebrari, necesse est invisibiliter intelligi. »

Quia ergo corpus Domini spirituale, non est corporalis esca, sed spiritualis, et necesse est invisibiliter illud intelligi, ideo Augustinus in libro III De doctrina Christiana (cap. 16, n. 24, t. III, col. 52) ait : « Locutio, si flagitium aut facinus videtur jubere, aut utilitatem et beneficentiam vetare, figurata est. *Nisi manducaveritis, inquit, carnem Filii hominis, et biberitis ejus sanguinem, non habebitis vitam in vobis*, facinus vel flagitium videtur jubere. Figura ergo est præcipiens passioni Domini esse communicandum, et utiliter recondendum in memoria, quod caro ejus pro nobis crucifixa et vulnerata sit. Quod et ipse Dominus præcipit : *Hoc facite in meam commemorationem* (Luc. xxii, 19). » Item Hieronymus in homilia super Leviticum : « Non solum in Veteri Testamento littera occidens deprehenditur; est et in Novo Testamento littera, quæ occidit eum qui non spiritualiter advertit. Si enim litteram sequaris, hoc ipsum quod scriptum est, nisi manducaveritis carnem meam, et biberitis sanguinem meum, occidit hæc littera. Si enim spiritualiter eam intelligas, non occidit, sed spiritus vivificans est in ea. » Quod Augustinus in expositione psalmi LIV (n. 23, tom. IV, col. 514) apertius exponus : « Prima, inquit, hæresis in discipulis Christi, velut a duritia sermonis

*eius iacta est. Cum enim diceret : Nisi quis manducaverit carnem meam, et biberit sanguinem meum, non habebit vitam æternam (Joan. vi, 54), illi, non intelligentes, dixerunt ad invicem : Durus est hic sermo (*ibid.*, 61); et separaverunt se ab illo. Illis descendenteribus, instruxit illos qui remanserant : Spiritus est, inquit, qui vivificat; caro non prodest quidquam. Verba quæ locutus sum ad vos, spiritus et vita sunt (*ibid.*, 64). Intellexistis spiritualiter; spiritus et vita sunt. Intellexistis carnaliter; et sic spiritus et vita sunt, sed tibi non sunt. Spiritualiter intelligite quæ locutus sum (35). Non hoc corpus quod videntis manducaturi estis, nec bibitum illum sanguinem, quem susuri sunt qui me crucifigent. Sacramentum aliquod vobis commendavi; spiritualiter intellectum, vivificabit vos. Caro autem non prodest quidquam (*ibid.*), sed quomodo illi intellexerunt? Carnem quippe sic intellexerunt, quomodo in cadavere dilaniatur, aut in macello venditur. Sciens autem Jesus ait : Hoc vos scandalizat? si ergo videritis Filium hominis ascendentem ubi erat prius (*ibid.*, 62). Quid est hoc? Illi putabant illum erogatum corpus suum, ille dixit se ascensurum in cœlum, utique integrum. Cum videbatis Filium hominis ascendentem ubi erat prius, certe vel tunc videbitis quia non eo modo, quo putatis, erogat corpus suum : certe vel tunc intelligitis, quia gratia ejus non consumitur morsibus. Non enim revera credendum est corpus Christi, cum spirituale sit et invisible, more ciborum communium dentibus et morsibus nostris posse disserpi et consumi; sed quamvis in sacramento suo vere sit, et vere sumatur quantum ad substantiam, verius tamen et perfectius fide ac devotione sumitur quantum ad salutis gratiam. Unde Augustinus in libro secundo De penitentia (tract. xxv in Joan., n. 12, col. 489) : « Utquid paras dentes et ventrem? Credere in eum, hoc est manducare panem vivum. Qui credit in eum manducat eum. » Item idem in libro De verbis Domini : « Tunc autem vita unicuique erit corpus et sanguis Christi, si quod in sacramento visibiliter sumitur, in ipsa veritate spiritualiter bibatur. » Quod evidenter Gregorius in homilia paschali (22, in Ev., n. 7, t. I, col 1533) exponens, ait : « Quid sit sanguis Agni, non jam audiendo, sed bibendo didicistis. Qui sanguis super utrumque postem ponitur, quando non solum ore corporis, sed etiam ore cordis hauritur. In utroque enim poste Agni sanguis est positus, quando sacramentum passionis illius, cum ore ad redemptionem sumitur, ad imitationem quoque intenta mente cogitat. »*

In quo notandum est quod Augustinus et Gregorius idem dicunt, in sacramento visibiliter ore corporis sumi, quod in ipsa veritate spiritualiter ore cordis hauriri; non quod substantialiter aliquid verius creditur corde, quam sumatur ore. Sed, si pura veritate sumi veritas dicitur, quando quod

(35) S. Aug., tract. xvii in Joan., tom. III, p. 2, col. 503.

A spirituale est spiritualiter, invisible invisibiliter, salutare salubriter, quod est sicut est sumitur interius, amando. Quod idem tamen exterius non in ipsa veritate sumi dicitur in sacramento, quia in eo nec quod est sicut est sumitur, quantum ad extraneam et visibilem formam; nec quod est sicut est male sumentibus operatur quantum ad gratiam. Licit enim alter gustus sine altero non prosit si negligitur, in hoc tamen spiritualis est verior, quia semper salutem operatur bonis, corporalis autem aliquando etiam mortem malis. Quia igitur spirituale corpus Christi et sanguis non carnalis sed spiritualis cibus et potus est, quo spiritualiter Christus, suauisibi, ut corpus capituli unit et incorporat Ecclesiam. ideo Augustinus figuratam locutionem, qua caro B Christi manducari iubebatur, allegorice intelligendam dixit.

Item Hieronymus litteram occidentem, nisi spiritualiter intelligeretur, vocavit, ut corpus Christi non membratum disceptum, et coctum vel crudum manducari debere videretur, sed potius spiritualiter, ut dictum est, incorporari et uniri fidelibus credetur.

Quamvis autem corpus et sanguis Christi spiritualis cibus et potus sit, et spiritualiter sumi jubeatur, non tamen ita per omnia accipiendum est spiritualiter, ut tantum animæ et non corpori nostro salutem æternam operetur. Ait enim Ambrosius (56) in prima Epistola ad Corinthios : « Calicem mysticum ad tuitionem animæ et corporis percipimus. Caro Salvatoris pro salute corporis, sanguis vero pro anima nostra effusus est, ut totum hominem salvum faceret. Item Augustinus in sermone 26 super Joannem (n. 16, col. 500) : « Cuin dixisset : Qui manducat carnem meam et bibit meum sanguinem, habet vitam æternam, continuo subjecit : Et ego suscitabo eum in novissimo die (*ibid.*, 55) ut habeat interim secundum Spiritum vitam æternam, in requie quæ sanctorum spiritus suscipit. »

Quod autem ad corpus attinet, nec ei vita æterna fraudetur, sed in resurrectione mortuorum in novissimo die. Unde etiam secundum corpus dicimus membra capituli Christi esse. Augustinus in serm. De verbis Apostoli : « Si Dominus noster Jesus Christus animam tantummodo suscepisset humanam, membra ejus non essent nisi a linea nostra. Quia vero et corpus suscepit, per quod etiam caput nobis est, qui ex anima et corpore constamus; profecto membra illius sunt et corpora nostra. » Quia igitur nos ex corpore et anima et deitate, videamus si in tam unico unitatis sacramento, quo Ecclesiæ, ut corpori suo corpus suum incorporat, sicut corporis et animæ Dominicæ, sic etiam ipsius divinitatis suæ mereamur habere consortium. Ait Ambrosius de sacramentis (lib. vi, c. 1, n. 4, t. II, col. 381) : « Quia idem Dominus noster Jesus

(36) Ambrosiastrum intellige. Vid. op. S. Ambrosii, t. II, p. 149 Appendicis.

Christus consors est et divinitatis et corporis : et tu, qui accipis carnem ejus, divinæ ejus substantiæ in illo participaris alimento.

CAPUT XII.

Quod corpus Christi, cum in sacramento sit spirituāliter et invisibiliter; non tanen minus substantialiter et vere.

Quia ergo spirituale et invisible corpus Christi astruximus, et per ipsum tamen non solum spiritualiter, sed et corporaliter humanitatis et divinitatis ejus participamur; eumdem habentes ad tuitiūrem nostram in viatico quem ad glorificatiōnem habituri sumus in præmio, ut substantialiter et vere in sacramento suo esse credatur, quo ipse nobis et nos sibi unimur : de veritate corporis ejus, quamvis superiorius manifeste dictum sit, certius tamen alibuc disseremus.

Cum igitur Augustinus dicat : Erit ei mors, non vita, qui mendacem existimaverit vitam, quis non credat ei, quem Pater Deus mundo commendans, et ut summum pontificem præferens, ait : *Hic est Filius meus dilectus, in quo mihi complacui, ipsum audite?* (*Math. xi, 17; Luc. ix, 35.*) Inobedientes erimus Deo Patri, si, ut ipse præcepit, non audierimus Filium, auribus audiendi, id est auribus fidei. Ipse autem Filius testatus est mundo, quia nisi manducaveritis carnem Filii hominis, et biberitis ejus sanguinem, non habebitis vitam in vobis (*Joan. vi, 54.*) Et, quia omnis caro in sua est potestate, ne posset alia quam sua propria caro intelligi, subiecit : *Qui manducat me, viret propter me* (*ibid., 58.*) Sed, quia manducare hominem, erat contra humanam consuetudinem et legem, discipuli ejus scandalizati dixerunt : *Durus est hic sermo, et recesserunt ab eo.* Unde Augustinus in *psal. xxxiii* (l. IV, col. 212) : « Videbantur ignariss infantilia verba Domini hæc : *Nisi quis manducaverit carnem meam, et biberit sanguinem meum, non habebit in se vitam æternam* (*ibid., 54.*) Sed haec verba tegebant virtutem ipsius. Quasi insanus putabatur Dominus, quando hæc dicebat; sed norunt fideles quia sacramenta prædicabat. » Item idem in libro *De verbis Domini* (37) : « *Audivimus veracem magistrum, divinum Redemptorem, humanum Salvatorem, cōnīdantem nobis premium nostrum, sanguinem suum. Locutus est nobis de corpore et sanguine suo : corpus escam dixit, et sanguinem potum. Sacramentum fidelium, agnoscunt fideles.* »

Cum ergo commendans tales escam et tales potum, dixisset : *Nisi manducaveritis carnem meam, et biberitis sanguinem meum, non habebitis vitam in vobis* (*ibid.*), et hoc diceret de vita, quis alias loquebatur quam ipsa vita? Erit autem illi homini mors, non vita, qui mendacem putaverit vitam. Scandalizati erant discipuli ejus. Ne ergo, ut isti discipuli putabant, per frusta discriperunt, et crudus vel coctus manducari ipse summus Sacerdos seipsum pro nobis Patri offerens, sacramentum quo vere et salubriter

A manducari posset ac bibi, consecit; tradensque discipulis, ne in mysterio mystice, et non proprie vere loqui putaretur, ait : *Non futurum prædicto, non absens aliiquid denuntio, sed hoc quod præsentialiter do, est corpus meum, non figuratum, sed verum, ipsum quod pro vobis tradetur. Hic est sanguis meus, idem ipse, qui pro nobis effundetur, addens etiam proprie proprium suæ carnis et sanguinis effectum, scilicet in remissionem peccatorum.* Cum enim solius Dei sit remittere peccata, cui soli peccatorum debetur remissio, cuius sanguis nisi ipsius Dei, posset remissionem peccatorum operari? Ut enim hoc privilegium removeatur ab omni filio hominis, si etiani sine unitate Dei, filius esset virginis, quomodo remissionem peccatorum mundo faceret, cum Adam sine patre, sine matre de virginis terra formatus, non modo hoc non præstiterit, sed etiam omnibus peccatum propagaverit, quia nec Deus fuit, nec Dei Verbo regi voluit.

B Cum igitur certissimo sui sanguinis privilegio, veritatem carnis et sanguinis sui astruxerit in mysterio, ille, cuius obedientia nobis injuncta est Patris edicto, restat tantum, ut scandalizatorum stultitiam vitantes, ipsum, ut Pater de cœlo jussit, audiamus; et quia veritas et vita est, veracem esse sicut vere est, credamus. Quod ut certius et verius fiat, scandalizatis discipulis a Christo recedentibus, princeps apostolorum Petrus requisitus cum aliis num et ipse vellet abire, quid responderit videamus? Ait enim pro se et pro aliis : *Domine, ad quem ibimus? verba vitae æternæ habes* (*Joan. vi, 69.*)

C Quam ejus responsionem ne meo sensu interpretari videar, exponit Augustinus in sermone 27 super Joannem (n. 9, col. 505) ita : « *Vide quemadmodum Petrus, dante Deo, intellexerit. Unde, nisi quia credidit? Verba vitae æternæ habes.* Vitam enim æternam habes ministracione corporis et sanguinis tui. Et nos credidimus et cognovimus quia tu es Christus Filius Dei (*ibid.*), id est quia ipsa vita æterna tu es, et non das in carne et sanguine tuo, nisi quod es. Ecce idem quod Christus de veritate corporis sui, testatur et Petrus, et quia pro aliis etiam loquebatur, cum eo et aliis apostoli. »

D Videamus itaque si testimonio Christi cum Petro et aliis apostolis attestentur etiam cæteri sancti. Ait Ambrosius in lib. *De sacramentis* (c. 5, lib. IV, n. 23, l. II, col. 371) : « *Dominus Jesus testificatur nobis, quod corpus suum accipiamus et sanguinem.* Nunquid debemus de ejus fide et testificatione dubitare? » Item Hilarius in lib. VIII. *De Trinitate* (n. 14, l. II, col. 223) : « *Ipse ait: Qui edat carnem meam et bibat meum sanguinem, in me manet et ego in eo* (*ibid., 36.*) De veritate carnis et sanguinis, non est relictus ambigendi locus. Nunc enim et ipsius Domini professione et fide nostra, vere caro est, et vere sanguis est; et hæc accepta atque hausta, id efficiunt, ut et nos in Christo, et Christus in nobis sit. Anne hoc veritas

(37) Sermo 131, n. 4 *De verbis Evangelii* l. V, col. 640.

non est? Est ergo in nobis ipse per carnem, et sumus in eo, dum secum hoc quod nos sumus in Deo est. » Et post pauca: « Hæc ergo vitæ nostræ causa est, quod in nobis carnalibus per carnem Christum manentem habemus, victuris nobis per eum, ea conditione qua vivit ille per Patrem. »

Item Eusebius Emissenus: « Cœlestis confirmat auctoritas, quia caro mea vere est cibus, et sanguis meus vere est potus. Recedat ergo omne infidelitatis ambiguum: quandoquidem qui auctor est muneris, ipse etiam testis est veritatis. » Item Hieronymus in epist. ad Hebreos (quæst. 2, t. 1, col. 824, ed. Venet. 1766): « Nos autem audiamus panem quem fregit Dominus, deditque discipulis, esse corpus Domini Salvatoris, ipso dicente ad eos: *Hoc est corpus meum;* et calicem illum esse de quo locutus est iterum: *Hic est sanguis meus novi testamenti, qui pro multis effundetur in remissionem peccatorum.* Si ergo panis qui de cœlo descendit, corpus est Domini, et vinum quod discipulis dedit, sanguis est illius novi testamenti, qui effusus est in remissionem peccatorum, non Moyses dedit nobis panem verum, sed Dominus Jesus. Ipse conviva, ipse convivium; ipse comedens, et qui comeditur. Illius bibimus sanguinem; sine ipso potari non possumus; et quotidie in sacrificiis ejus de germe vitiis veræ, et vineæ Sorech quæ interpretatur *electa*, novum vinum bibimus in regno Patris, id est in regno Ecclesiæ; non in velustate litteræ, sed in novitate spiritus. »

Testimonio Christi testes alios adhibere præsumpsi; sed quia ipse quidem semper vere, aliquando tamen loquitur proprie, aliquando figurate, auditoresque suos ita discribit, ut his datum sit nosse mysterium regni Dei, cæteris autem in parabolis, sciens cuius spiritus essent (Matth. XIII, 3). Quod ipsis sanctis non pigrum fuit scribere, necessarium duxi repetere; ut ipse intellectus, veritatis non meæ videantur præsumptionis, sed catholicæ auctoritatis, eorum qui ita crediderunt, et ita salvari meruerunt; quia fides Christiana quo sit certior, eo est utilior. Ut ergo certior sit, aliorum sanctorum subdatur auctoritas.

Ait Augustinus in expositione psalmi nonagesimi octavi (t. IV, col. 1065): « Invenio quomodo sine impietate adoretur terra, sine impietate adoretur scabellum pedum ejus. Suscepit enim Christus de terra terram, qui caro de terra est; et de carne Mariæ carnem accepit. Et quia in ipsa carne hic ambulavit, et ipsam carnem nobis manducandam ad salutem dedit; neino autem illam carnem manducat nisi prius adoraverit. Inventum est quemadmodum tale scabellum pedum Domini adoremus, et non solum non peccemus adorando, sed et peccemus non adorando. »

Hanc filii Dei vere adorandam carnem B. Basilius (Joan. Chrysost., De sacerdot. lib. III, c. 4) admirans, ait in dialogo suo De dignitate sacerdotii: « O miraculum, o Dei in nos benevolentiam! Qui sursum sedet ad dexteram Patris, sacrificii tamen tempore hominum manibus continetur, traditurque

A lambere cupientibus eum, et cum benedictione completi, siue hoc totum sub oculis humanis. » Item ipse (lib. VI, c. 4): « Cum sacerdos Spiritum sanctum advocaverit, et reverendam illam hostiam immolaverit, communemque omnium Dominum subinde contigerit, ubi illum, dic mihi, nostra estimatione ponemus? Quantam ab eo integratem exigemus? quantam religionem? Expende enim quales oporteat ejus esse manus tantarum rerum ministras, qualem linguam verba illa fundentem, aut quo genere noui mundiorem et sanctiorem animam, talis spiritus receptricem. Tunc etiam angeli circumstant sacerdotem, et tribunal atque altaris locus cœlestibus virtutibus adimpletur, in honorem illius qui immolatur, etc. » Item Gregorius in quarto Dialogorum libro (cap. 58, t. II, col. 472): « Quis fidelium habere dubium possit, in ipsa immolationis hora ad sacerdotis vocem cœlos aperiri, in illo Jesu Christi mysterio angelorum choros adesse, summis imasociari, terrena cœlestibus jungi, unum ex visibilibus atque invisibilibus fieri? Sed necesse est ut cum hæc agimus, nosmetipos Deo in cordis contritione mactemus; et qui passionis Dominicæ mysteria celebamus, debemus imitari quod agimus. » Tunc ergo vere pro nobis Deo hostia erit, cum nos ipsos Deo hostiam fecerimus. Unde Augustinus in libro X De civitate Dei (cap. 20, col. 256): « In forma servi Deus mactat sacrificium esse quam sumere, ne per hanc saltem occasionem quisquam existimaret, cuilibet sacrificandum esse creaturæ. Pro hoc et sacerdos est ipse offerens, ipse et oblatio: cuius rei sacramentum, quotidianum voluit esse sacrificium Ecclesiæ, quæ cum capitib[us] ipsius corpus sit, seipsam per ipsum dicit offerre. » In quo notandum est, in sacramento vere Dei carnem esse, quæ tantæ dignitatis est, ut eam angelicæ virtutes bonarent ministrando, et homines adorando, et seipso hostias offerendo.

C Hac certitudine sancti manducari Christum affirmant. Augustinus in serm. 26 super Joannem (n. 20, t. III, p. 11, col. 501): « Temporaliter hi profectio moriuntur, qui Christum manducant, sed vivunt in æternum, quia Christus est vita æterna. » Item idem in homilia secunda psalmi XXXIII (n. 10, t. IV, col. 220): « Accesserunt Judæi ut Christum crucifigissent; nos ad eum accedamus, ut corpus ejus a sanguinem accipiamus. Illi de crucifixo tenebrati sunt; nos manducando crucifixum et bibendo illuminamur. » Et post aliqua: « Vere magnus Dominus et magna misericordia ejus vere, qui nobis dedit corpus suum manducare, in quo tanta perpessus est, et sanguinem suum bibere. » Item Ambrosius De sacramentis (De mysteriis initian. cap. 8, n. 47, t. II, col. 337): « Ista esca quam accipis, iste panis vivus qui de cœlo descendit, vitæ æternæ substantiam subministrat, et quicunque hunc manducaverit non morietur in æternum, et corpus est Christi. » Item idem (De sacramentis lib. VI, cap. 1, t. II, c. 379): « Sicut verus est Dei Filius Dominus noster Jesus Christus, non sicut cæteri homines per gra-

tiam, sed quasi Filius per naturam, id est ex substantia Patris; ita vera ejus caro est, sicut ipse dixit, quam accipimus, et verus ejus sanguis est quem potamus. » Item Augustinus in homilia psal. LXXV (n. 5, t. IV, col. 645) : « Modo homicidis donatus est fusus sanguis innocentis, et ipsum sanguinem quem per insaniam fuderunt per gratiam biberunt. » Item idem in psal. XLV ad Iudeos (n. 4, t. IV, col. 401) : « In illius nomine quem occidistis baptizamini, dimittuntur vobis peccata vestra. Medicum vel postea cognovistis jam securi bibite sanguinem quem fadistis. » Item idem in sermone 38 super Joannem (n. 7, t. III, col. 558) : « Crediderunt inde multi; donatus est eis sanguis Christi, ut magis eum biberent quo liberarentur, quam rei de illo effuso tenerentur. » Item idem in sermone De quarta feria: « Si sanguinem Christi tota cum reverentia percipis, cognoscere illum tua dimitti peccata. » Item idem in sermone 31 super Joannem (n. 9, col. 523) : « Illi viderunt Christum suo scelere morientem, et crediderunt in Christum, suis sceleribus ignoscentem. Quousque biberent sanguinem quem fuderant, de sua salute desperaverunt. » Item Leo papa in sermone De passione Domini (14, col. 239) : « Fesellit illum malignitas sua, intulit supplicium Filio Dei, quod cunctis filiis hominum in remedium verteretur. Fudit sanguinem justum, qui reconciliando mundo et pretium esset, et poculum. »

CAPUT XIII.

Quod veritas corporis Christi visibilibus etiam signis sit saepius ostensa.

Quid ergo de veritate corporis et sanguinis Christi in sacramento dici potest certius, nisi forte eam ipsam oculis videre velimus? In quo tamen nec ipse Dominus nobis deesse voluit, sed modicae fidei nostrae per omnia consuluit. Quamvis enim ipsius Christi, et tot sanctorum testimonii, et universalis etiam Ecclesiae catholica fides, quae ab initio conversionis suae ita credidit, et ita salvata est, sufficienter astructum sit, quod vera caro Christi verusque sanguis in mensa Dominica immoletur; ne quis tamen perversor aliter intelligeret vel exponeret, facta sunt a Deo congrua huic nostrae fidei miracula, quando vel ubi, vel quibus revelare dignatus est hujus mysterii secreta: quae nimirum facta esse non ignorabit, quisquis studiosius sanctorum Patrum gesta legerit, quae testantur sacramentum corporis et sanguinis Christi, ablata panis et vini specie, carnem et sanguinem naturali sua specie, sicut esse solet exhibuisse. Ut enim ait Augustinus contra Felicianum (cap. 2, t. VIII, col. 40, Append.) : « Si incomprehensibilis est ratio, et veritas prompta est, facilius in negotiis fidei testimonii creditur, quam ratio investigatur. » Haec igitur Scripturæ quamvis cum prophetici et apostolicis æquam auctoritatis excellentiæ non obtineant, eamdem tamen fidem cum fidelibus et sanctis antecessoribus nostris nos tenere sufficienter probant, hujusque probationis in hoc sibi perfectam auctoritatem vindicant, quia nisi ita

A esset ut docent, in sacris canonibus vel Romanorum pontificum decretis, sicut heretica vel apocrypha scripta damnatae essent, nec eas in Ecclesia catholici viri vel legerent vel recitarent.

Cuin ergo præter illi et præsentes fideles ubique terrarum hoc credant et hoc asseruant, si haec universalis Ecclesiae fides vera ad salutem non exstitit, aut nunquam catholica Ecclesia fuit, aut periit. Sed aut non fuisse, aut periisse Ecclesiam nemo catholicus consenserit. Nam cum Ecclesia et prophetis et Evangelii instituta sit, ubi est quod veritas Abraham promisit: *In semine tuo benedicentur omnes gentes?* (Gen. xvii, 18.) Itemque ubi est quod eadem veritas apostolis ait: *Docete omnes gentes. Qui crediderit salvus erit?* (Marc. xvi, 16.) Cum enim omnes gentes B ita se credere gloriantur, si salutis benedictione carrent, utrobiique veritas Dei et in prophetia et in Evangelio pericitur. Item cum carnem et sanguinem suum naturali sua specie fidelibus suis revelare dignatus sit, si causa desiderii satiandi fecit et ita non est, servorum suorum devotionem non complavit, sed fesellit; si causa dubietatis sanandæ fecit et ita non est, infirmorum errorem non abstulit, sed auxit: quod de pietate et veritate divina vel leviter suspicari, non modo sacrilegum, sed et nefarium est. Anathema ergo maranatha sit, qui auctoritati divinae in hoc sacramento contradicere præsumperit, et corpus Christi, panem verum qui de celo descendit et dat vitam mundo, vere ut est esse non crediderit: quem Ambrosius et Augustinus epionsum, id est supersubstantiale, appellant, quia caro Christi omnibus creatis substantiis jure præcellit.

CAPUT XIV.

Quod corpus Christi est, cum sit locale, in celo et in terra.

Quia igitur spirituale corpus Christi et sanguinem in sacramento panis et vini vere et substantialiter esse, ipsius Christi et tot sanctorum testimonii evidenter astrictum est: quod de veritate constat, de ejus etiam potestate videamus. Quamvis enim omne corpus, omnisque creatura localis sit, de hoc tamen supersubstantiali corpore credendum est, quod eodem tempore et vere est in sacramento suo in terris, et vere in celo sedet ad dexteram Patriæ. D Frustra enim immolationis suæ tempore diceremus: *Qui sedes ad dexteram Patris, miserere nobis, si quem adoramus in sacramento, mentiremur esse in celo.*

Quia ergo astrictum est de sacramento ubi minus esse videbatur, astrictum est et de celo, ubi ascendens corpus suum coram testibus suis apostolis levavit, et Symbolo etiam fidei nostræ attestante, ibi sedet ad dexteram Dei Patris, unde venturus est judicare vivos et mortuos. Cum igitur usque ad diem judicii ibi sedere credatur, quin ibi sit etiam hora immolationis suæ nihil dubitationis relinquitur. Unde, ut dictum est, Augustinus libro secundo contra Maximinum: « Adhuc in forma humana est filius quam levavit in celum, et semiperna erit in regno hæc eadem forma immortalis. » Et post pauca: « Chri-

stos accepit visibilem hominis formam, non solum natus in ea, sed et ascendit cælum, et sedet ad dexteram Patris in ea. » Item idem in psal. LXXV (n. 17, t. IV, c. 803) : « Si Patrem et Filium secundum divinitatem cogitas, ubique praesens est. Si autem Filiū sic intelligis, quomodo visus est in carne inter homines, et crucifixus est et resurrexit, novimus quia ascendit in cælum, et in circuitu ejus sunt angeli. » Item idem in psal. LIV : « Donec sacerdotum finiatur, sursum est Dominus : sed tamen hic etiam nobiscum, veritas Dominus. Corpus enim in quo resurrexit, uno loco esse oportet; veritas autem ejus ubique diffusa est. » Item idem in sermone 27 super Joannem (n. 4, col. 503) : « Christus secundum unitatem personæ in cælo erat, quando in terra loquebatur. Sic erat Filius hominis in cælo, quomodo Filius Dei in terra. Filius Dei in terra in suscepta carne : filius hominis in cælo in unitate personæ. »

In quo notandum est quia forma illa humana, in qua Christus, coenans cum discipulis, tradidit illis seipsum in sacramento quasi alium, et tamen eundem : uno loco est in cœlis ad dexteram Patris integræ, sicut integræ fuit in cœna, quando in sacramento comedebatur a discipulis; et tamen et in humana, et in sacramentali forma, idem verus utrobius Christus, et in cœlo et in terris. Unde Leo papa in epistola Anatholio episcopo missa : « Qui licet in Patris sit dextera constitutus, in eadem tamen carne quam sumpsit ex virgine, sacramentum propitiacionis exsequitur. » Item Basilius in dialogo suo (Joan. Chrysost., lib. iii De sacerdotio, c. 4) : « Qui sursum sedet ad Patris dexteram, sacrificii tamen tempore hominum manibus continetur. » Unde etiam sacerdos vice Christi corpus Dominicum in terreno altari conficiens, nec tamen aliquid suis meritis, sed totum divinæ potentiae et gratiæ attribuens, orat in Canone Decum Patrem, dicens : Jube hæc ablata tibi per manus et virtutem Filii tui, angeli tui, qui est angelus magni consilii, non in hoc humile et visibile altare ubi modo est, sed in sublime altare tuum, id est Filium tuum, quem usque ad dexteram tuam in conspectu majestatis tuæ sublimasti, deferri; ut fiat nobis corpus et sanguis dilecti Filii tui : ostendens ipsum Filium, iussione Patris in cœlis esse offerentem, et hostiam, et id super quod offertur; quia omnino fidei et gratiæ ejus innitimus, quod terrena corpora in Christum converti, ipsumque in cœlestibus ad dexteram Patris sedentem, pro nobis interpellare, et in sacramento altaris consecrari et esse credimus.

Cum ergo dictum sit quia corpus Christi tale accipimus in sacramento, quale post resurrectionem est in seipso, cuius gloriæ et virtutis corpora nostra post resurrectionem futura sint videamus, ut visis membris, facilius prærogativam tantæ dignitatis in capite cognoscamus.

Ait Augustinus in libro Enchiridion (cap. 91,

t. VI, col. 230) : « Resurgent sanctorum corpora sine ullo vitio, sine ulla corruptione, sine oneris difficultate. In quibus tantæ facilitas, quanta felicitas erit, propter quod et spiritualia dicta sunt, cum procul dubio sint futura corpora, non spiritus. » Item Augustinus in libro xiii De civitate Dei (cap. 20, t. VII, col. 340) : « Surget corpus spirituale, quia spiritui summa et mirabilis obtemperandi facilitate subdetur, usque ad implendam immortalitatis indissolubilis securissimam voluntatem, omni molestie sensu, omni corruptibilitate, omni tarditate detracta. » Et post pauca : « Corpora carnis sunt habitura substantiam, sed nullam tarditatem corruptionemque carnalem spiritu vivificante passura. Quod si tantæ facilitatis futura sunt corpora sanctorum, ut ad implendam voluntatem spiritus nulla sua tarditate impediantur, quid de corpore Christi capitum nostri credendum est, cui non modo facilitas qua non tardetur ad faciendum quæ voluerit, sed etiam, ut ipse ait, omnis potestas data est in cœlo et in terra, ut cum Deo in unitate personæ omnia possit? Si corpora nostra spiritualia futura sunt quia spiritui (38) corporaliter juncta, quid corpus Dei nisi divinum, quia Deo unitum? Carnem igitur divinam substantialiter quidem eandem cum Deo non dicimus: sed profecto cum Apostolus dicat, quia omnia subjecta sunt ei, præter eum qui sibi subiect omnia (I Cor. xv, 27) : et ipse Filius Dei testetur, quia omnis potestas ei data est, sic in unitate personæ Deo conjunctam credimus, ut quod habet Deus per naturam, hoc ipsa per gratiam. Cum ergo nos habituri simus, et angeli modo habeant, ut quantacunque intervalla locorum, nullo fere temporis intervallo, nimia sua celeritate pertransant, non tamen hoc habent, ut unde recedant, ibi remaneant. Quo privilegio sola caro Christi, quæ super omnem creaturam a Deo exaltata est, super omnem et præter omnem naturam insignita est, ut per omnipotentiam, quæ ei data est in cœlo et in terra, ubicunque, quomodounque sibi placuerit, non de loco ad locum transeundo, sed ibi, ubi est, remanendo, et alibi ubicunque voluerit existendo, tota et integra et substantialiter sit et in cœlo et in terra. Quam enim omnipotentiam ab eo, qui totus ubique est recipere, si ipsa ubicunque vellet substantialiter tota esse non posset? Vel in quo differret ab angelis, quibus est superexaltata, si non aliter nisi de loco ad locum recedendo, posset esse in cœlo et in terra? Artificio humano molentis mola circuitus sui nimiam celeritatem, stabilitatem esse mentitur. Natura humana in ictu oculi tot terrarum maris, et aeris spatia ab occidente ad orientem in videndo solem transvelans atomum momenti æquare videtur, et cum celeritas angelorum sit velocior, in quo his creaturis caro Christi superexaltabitur, si quod est in cœlo et in terra, non potestati, sed celeritati ascribitur (39)?

(38) Alias personaliter.

(39) Auctor perspicax sapienter reject opiniōinem

CAPUT XV.

Quod corpus Christi divisum et a fidelibus sumptum permanet incorruptum et integrum.

Ut ergo et in cœlo et in terra omnipotentiam se habere ostenderet Christus, deislicum corpus suum cœlo illatus et mundo datus, quod quantum ad humanam formam nobis abstulit, non minus tamen substantialiter et vere in sacramento corporis et sanguinis sui nobis obtulit, ut hic et ibi præsens etiam corporaliter, utpote qui unius personæ cum illo est qui nusquam deest, et ibi reconciliationem cum Patre, et hic in altari redēptionem, remissionemque peccatorum nobis operetur sicut semel fecit in cruce, dum ipsum corpus suum in ora fidelium datum, et singulis dividitur, et unum totum universis individuum et integrum habetur, sumptum non consumptum, ut sicut individuum cum dividitur, sic incorruptum cum sumptum fuerit, credatur. Quomodo enim incorruptionem nobis largiretur, si in se ipso corruptionem resurgens pateretur? Aut quomodo sacramento suo nos sibi incorporans, ut corpus capili, vel nos nobis ut membra membris unum faceret, si in seipso non unitus, sed divisus et comminutus dentibus sumentium esset? Quomodo tamen corpus Christi et cœlo et mundo præsens, et dividatur indivisum, et sumatur inconsuptione ratio stupet, fides ipsa miratur; sed ex adjunctæ divinitatis potentia qua ubique tota præsens est in corpore suo spirituali, imo per omnipotentiam sibi collatam, divino jam facto id fieri posse, non diffidens veneratur. Si enim facta, vel miracula, vel dicta quibus Filius Dei majestatem suam mundo aperit, perfecte rimari velimus, inveniemus hominem, quem sibi univit in una persona, in nulla disjunctum gratia, ut etiam pro parte carnis omnia, ut dictum est, sint ei subjecta, præter eum qui subjecit sibi omnia. Sed huic miranti et mirandæ fidei, utrum sancti consentiant videamus. Augustinus in sermone De verbis Domini: « Invitat Dominus servos, et præparavit cibum seipsum. Quis audeat manducare Dominum suum? Et tamen ait: Qui manducat me, vivet propter me (Joan. vi, 58). Dum enim Christus manducatur, vita manducatur; nec occiditur, ut manducetur, sed mortuos vivificat quando manducatur, quia surrexit occisus, nec quando manducatur, partes de illo facimus. Et quidem in sacramento sic fit. Norunt fideles quemadmodum carnem Christi manducant. Unusquisque partem suam accipit, per partes manducatur et integer manet: totus in cœlo, totus in corde tuo. »

Item Eusebius Enniseanus: « De hoc pane vetus narrat historia: Nec qui plus collegerat, habuit amplius, nec qui minus paraverat, reperit minus, eo quod eucharistie saera perceptio non in quantitate, sed in virtute consistat. Quod corpus sacer-

quam proposuit doct. Stöller in *Theol. dogm. De sacram. euch.*, p. 217, corpus scilicet Christi sisti præsens in SS. sacramento per motum velocissimum.

A dote dispensante, tantum est in exiguo quantum esse constat in toto (40): quod cum Ecclesia fidelium sumit, sicut plenam in universis, ita integrum esse probatur in singulis. De hoc pane cum assumentur, nihil minores habent singuli quam universi. Totum unus, totum duo, totum plures sine diminutione percipiunt, quia benedictio hujus sacramenti seit distribui, nescit distributione consumi. Item Augustinus in sermone De verbis Domini: « Putatis quia de hoc corpore quod videtis partes' facturus sim, et membra mea coacisurus, et vobis datus? Quid ergo si videritis Filium hominis ascendentem ubi erat prius? Certe qui integer ascendere potuit, consumi non potuit. Ergo de corpore et sanguine suo dedit nobis salubrem refectionem, et tam magnam breviter solvit de integritate sua questionem. Manducant ergo et bibant; vitam manducant, et vitam bibant. Illud manducare, refici est. Sed sic reficeris, ut non deficiat unde reficeris. Manduca vitam, bibe vitam, et integra est vita. »

Item Ambrosius de mysteriis initiandis (cap. 8, col. 337): « Considera nunc utrum præstantior sit panis angelorum, an caro Christi, quæ utique est corpus vitæ. Manna illud e cœlo, hoc supra cœlum. Illud cœli, hoc Domini cœlorum. Illud corruptioni obnoxium si in diem alterum servaretur; hoc alienum ab omni corruptione. Quod quicunque religiose gustaverit, corruptionem sentire non poterit. » Item Ambrosius, Dominica quinta post Epiphaniam (44): « Singuli accipiunt Christum Dominum, et in singulis portionibus totus est; nec per singulas minuitur, sed integrum se præbet in singulis. »

Sed quomodo impossibile videatur, ut caro Verbi Dei, quæ multo spiritualior et potentior est verbo nostro, sit tota et integra in ore omnium sumentium, cum verbum nostrum unum idemque, totum et integrum sit in auribus omnium audientium? Quod evidenter ipse Christus in seipso manifestans, in cœna corpus et sanguinem suum discipulis suis distribuit: et cum ipse a singulis sumptus comedenteret et biberetur in sacramento, ipse tamen vivus et integer mansit in seipso. Sed quid mirum si Christus comeditur et integer manet, cum Sarepta vidua non minus oleum comedenterit; quia, testante sacra historia, *leythus olei non est immunitus*, cum eadem Scriptora dicat, *abiit et fecit iuxta verbum Eliæ, et comedit ipse et domus ejus?* (III Reg. xvii, 15.) Unde Ambrosius (Joan. Chrysostomus) in epistola ad Hebræos (hom. 17, tom. XII, p. 168): « In Christo semel oblata est hostia ad salutem sempiternam potens. Quid ergo nos? Nonne per singulos dies offerimus? Offerimus, sed ad recordationem mortis ejus; et una est hostia, non multæ. Quomodo una et non multæ? Quia semel oblatus est Christus, hoc autem sacrificium exemplum est il-

(40) Sic S. Thomas iisdem fere verbis utens scripsit: *Tantum esse sub fragmendo, quantum loco legitur.*

(41) Præfatio missæ.

lius; idipsum, semper idipsum. Proinde hoc idem in locis offertur, multi sunt Christi? Nequaquam, sed unus ubique est Christus; et hic plenus existens, et illuc plenus, unum corpus. Sicut enim quod ubique offertur unum corpus est, et non multa corpora, ita et unum sacrificium. Pontifex autem ille est, qui hostiam obtulit nos mundantem. Ipsam offerimus etiam nunc, quæ tunc oblata, consumi non potest.

Quod nos facimus, in commemorationem sit ejus, quod factum est. *Hoc enim facite, sicut in meam commemorationem* (*Luc. xxii, 19*). Quod igitur, ut sancti testantur, diversis locis, diversisque temporibus sacrificatur: non multa tamen corpora, sed ubique unum Christi corpus est, quod a diversis sumitur, et unum idemque corpus integrum est, omnipotenz, quæ Christo etiam pro carnis parte collata est attribuendum est; quæ, ut supra dictum est, in cœlo et in terra præsens etiam corporaliter potest esse, ubicunque, quomodounque sibi placuerit: ut ideo ubicunque voluerit sit caro Christi, contra naturam carnis integra et præsens (*42*), quia facta in cœlo et in terra omnipotens. Quod autem Augustinus ait: « Et quidem in sacramento sic sit, unusquisque accipit partem suam, et per partes manducatur; ne hoc quidem impedit ejus integratatem aliquatenus:» Fieri enim hoc dicit in sacramento, quod videtur, non in re sacramenti, quæ non videtur, corpore scilicet Christi quod invisible est. Cum enim, ut idem Augustinus ait, corporalia sacramenta sint quasi quedam verba, quia signa rerum sunt hæc ut illa, sicut variis nominibus appellatus Cephas, Simon, Petrus, idem est Petrus, sic Christus non est alius, quamvis variis sacramentis representatus; quia, cum species panis et vini duo sint sacramenta, non tamen in eis duo diversi Christi, sed in utroque unus est Christus, qui nec distributione ipsius sacramenti in seipso dividitur, nec pro quantitate portionis majus vel minus accipitur, quia in spirituali sua virtute semper totus esse creditur, ita ut nec qui plus sacramenti acceperit, abundet, nec qui minus, deficiat; quia semper idem est totus, in magno totus, in parvo totus, in integro totus, in fracto totus, quia quomodounque varientur signa, semper idem est in seipso.

Unde merito Eusebius ait: « Vere unica et perfecta hostia, sile aestimanda non specie, nec exteriori censenda visu, sed interiori affectu.» Unica enim est, quia non varietate locorum vel temporum sunt multæ, sed una semper hostia perfecta, quia nec augeri potest nec minui. Et quia species elementorum, panis scilicet et vini, Christi figura est non veritas, ideo non aestimanda specie, vel exteriori censenda visu, sed interiori fidei affectu; quia, etsi videatur sacramentalis species elementorum variari in signo, corpus tamen Christi immutabile cre-

A ditur in seipso. Sicut ergo manna specie tenus erat unimodum, sed ita intrinsecus variis saporibus condiebatur pro voluntate, vel voluptate utentium, ut multorum corporum sapor in una esset specie, sic econtrario omnimoda est corporis Christi veritas interius in varia sacramentorum quantitate, ut, sicut legitur de manna, nec qui plus collegerat habuit amplius, nec qui minus paraverat reperit minus. Ita in sacramento corporis Christi, nec in minori defectus; nec in majori sit abundantia; quia non in specie vel quantitate sacramenti, sed in virtute Christi est gratia.

CAPUT XVI.

Quod immolatio Christi in altari, non dicitur quod iterum occidatur, sed quod vera ejus immolatio representata, idem in altari nunc, quod tunc in cruce operetur.

Videndum autem est, cum Ambrosius (*Joan. Chrysost.*) paulo ante dixerit, quia in Christo semel oblata est hostia ad salutem sempiternam potens, cur quasi quotidiana nostra oblatio post illam semel oblatam veram, non esset vera; vel post illam potentem et sufficientem ad salutem, esset superflua, quæsierit. Quid ergo nos? Nonne per singulos dies offerimus? Sed sciendum quia si nostra quotidiana oblatio alia esset quam illa in Christo semel oblata, non vera esset, sed superflua. Cum enim oblatio illa in Christo semel oblata, et vere sit vera, quia vere vita æterna et sufficiens, ut eam nobis conserat, ipsa sola nostra oblatio, quam aliam vitam posset promittere vel conferre, si esset alia? Aliam enim oblationem, aliam oporteret conferre salutem, vel ad eamdem ad quam conferendam sola Christi sufficit oblatio, esset superflua et vana. Quia ergo impossibile est aliam conferri salutem, oportet eamdem esse illam semel oblatam, et nostram quotidiam oblationem, ut eadem sibi ipsi non sit superflua, sed eadem semper sufficiens et semper necessaria.

Primum itaque utrum eadem nostra et illa sit videamus, deinde utrum semper eamdem semper idem salutis sequatur effectus. Sed Ambrosius (*Joan. Chrysost.*), quasi respondens suæ questioni, ait: « Offerimus, sed ad recordationem mortis ejus; et una est hostia non multæ, quia semel oblatus est Christus. Hoc autem sacrificium exemplum est illius: idipsum, semper idipsum.»

Notandum ergo quia quotidianum nostrum sacrificium idem ipsum dicit cum eo, quo Christus semel oblatus est in cruce, quantum ad eamdem veram hic et ibi corporis Christi substantiam: quod vero nostrum quotidianum illius semel oblati dicit esse exemplum, id est figuram vel formam; non dicit ut hic vel ibi essentialiter aliud Christum constitut, sed ut eundem in cruce semel, in altari quotidie alio modo immolari et offerri ostendat; ibi in veritate passionis qua pro nobis occisus est, hic in figura et imitatione passionis ipsius, qua Christus non iterum vere

(42) *Contra naturam carnis, quæ nondum per resurrectionem facta est spiritualis, ut Algerus explicavit cap. 14.*

patitur, sed ipsius vere memorie passionis quotidie nobis iteratur. Quod et ipse Ambrosius (Jean. Chrys.) notans subjecit : « Quod nos facimus, in commemorationem sit ejus quod factum est. Hoc enim facite, inquit, in meam commemorationem. Non aliud sacrificium, sed ipsum semper offerimus magis autem sacrificii recordationem operamur. » Non ergo est in ipsius Christi veritate diversitas, sed in ipsius immolatione actione, quæ dum veram Christi passionem et mortem quadam sua similitudine figurando representat, nos ad imitationem ipsius passionis invitet et accendat contra hostem nos roboret et munit, et a vitiis purgans et virtutibus condecorans, vita æternæ nos idoneos ac dignos exhibeat. Licit enim ejus oblatio in cruce semel, sufficerit ad omnium salutem et redemptionem, tamen quotidie est eam necessaria ad muniendam et mundandam humanam fragilitatem, quæ quotidie tentatur et labitur, vel criminalibus, vel saltem venialibus peccatis, sine quibus hæc vita duci non potest. Non enim hac singulari victimæ tantummodo peccatorum absolutionem a Deo consequimur, sed et contra tentationes munimur; quia, cum ex perceptione corporis Christi viderit adversarius hospitium nostrum occupatum cœlestis fulgori presentiæ, intelligens locum testamentis suis intercludi per Christum, fugiet ac recedet.

Sciendum igitur quia, licet oblatio Christi semel in cruce sit vera, quotidiana autem in altari sit figurata; prorsus tamen eadem hic et ibi nostra salutis est gratia, hic et ibi vera, sufficiens, et semper necessaria, quia hic et ibi idem verus Christus votens est ad omnia.

Quod quam evidenter sancti attestentur, subjectis eorum auctoritatibus videamus, tam de Christi hic et ibi essentiali veritate, quam de nostra salutis hic et ibi vera et aqua utilitate. Augustinus, in libro Sententiarum Prosperi : « Semel oblatus est Christus in seipso, et tamen quotidie immolatur in sacramento. Quod ita intelligendum est, quia in manifestatione sui corporis, in distinctione suorum membrorum omnium, verus Deus et verus homo semel tantum in cruce pependit, offerens Patri seipsum, hostiam vivam, passibilem, mortalem, vivorum atque mortuorum redēptionis efficacem: eorum videlicet, quos altitudo divini consilii redimendos judicavit, præscivit, prædestinavit, modis atque temporibus quibus id fieri congruebat. » Dicit ergo Christum in manifesto corpore suo, et in distinctis membris humanitatis sue, semel passum in cruce: qui non manifester, sed invisibiliter est in sacramento quotidie, non passus, sed quasi pati representatus. Vera enim passione Christum iterum immolari nullatenus congruebat, tum quia impossibile erat immortalem occidi, tum quia crudele erat in sacrificio Ecclesiae hominem more bestiarum sacrificando laniari, dentibus vorari. Quia itaque in Deum simul esse non poteramus crudeles et devoti, incuruentum esse congruebat, quod pium erat fidelibus Christi, ut non vera Christi passione et morte ab eis immolatio com-

A plereatur, in qua Christus propitiationem suam et sequi omnibus dignaretur. In quo enim meliores essemus his qui eum crucifixerunt, nisi pietate et devotione disferremus ab eis, qui eum perdere præsumperunt? Unde Ambrosius in Epistolam ad Hebreos (Joan. Chrysost.) : « Sed in ista carne et sanguine nil crudelium, nil corruptibile mens humana concipiat, sed vivificatricem substantiam atque salvatricem et ipsius Verbi propriam factam in pane et vino credit; per quæ, si digne sumantur, nobis est peccatorum remissio collata. » Unde Augustinus in libro De sacramentis altaris : « Veritas ait: Caro mea vera est cibus, et sanguis meus vera est potus (Joan. vi, 56). Alioquin quomodo verum erit: Panis quem ego dabo, caro mea est pro mundi vita, nisi vera sit caro?

Sed quoniam Christum vorari dentibus fas non est, voluit hunc panem et vinum in mysterio vere carnem suam et sanguinem consecratione Spiritus sancti potentialiter creari, et quotidie pro mundi vita mystice immolari, ut sicut de Virgine per Spiritum vera caro sine coitu creatur, ita per euindem ex substantia panis et vini, mystice idem corpus Christi consecretur.

Iteratur autem quotidie hæc oblatio, licet Christus semel passus sit, quia quotidie peccamus, saltem peccatis, sine quibus mortaliter inservit vivere non potest. Et ideo quia quotidie labimur, quotidie Christus pro nobis mystice immolatur. Haec autem immolationem non vero, sed imaginario actu passionis et mortis fieri, et tamen veram salutem operari, testatur Gregorius in quarto libro Dialogorum (cap. 58, col. 472): « Hæc singulariter victimæ ab æterno interitu animam salvat, quæ nobis mortem Unigeniti per mysterium reparat. Qui licet surgens a mortuis, jam non moritur, et mors ei ultra non dominabitur (Rom. vi, 9), tamen in seipso immortaliter atque incorruptibiliter vivens, pro nobis iterum in hoc mysterio sacræ immolationis immolatur. Eius quippe ibi corpus sumitur, ejus caro in populi salutem partitur, ejus sanguis non jam in manus infideliū, sed in ora fideliū funditur. Ille ergo pensamus quale sit pro nobis sacrificium, quod pro absolutione nostra passionem unigeniti filii semper imitatur. » Quamvis ergo non dixerit, passionem Unigeniti operatur vere, sed imitatur imaginariè, tamen testatur illam victimam, nos vere ab æterno interitu salvare. Unde Venerabilis Beda in homiliis suis: « Non solum lavit nos peccatis nostris in sanguine suo, quando sanguinem suum fudit in cruce, verum etiam quotidie lavat nos in sanguine suo a peccatis nostris, cum ejusdem beatæ passionis memoria ad altare replicatur, cum panis et vini creatura in sacramentum carnis et sanguinis ejus inessibili Spiritus transfertur sanctificatione: sive corpus et sanguis illius non infidelium manibus ad perniciem ipsorum funditur et occiditur, sed fideliū ore suam sumitur in salutem. » Item Eusebius Emissenus: « Quia corpus assumptum

ablaturus erat ab oculis nostris, et sideribus illatus, necessarium erat ut nobis in hac die sacramentum corporis et sanguinis sui consecraret, ut coleretur jugiter per mysterium, quod semel offerebatur in prelum; ut quia quotidiana et indefessa currebat pro hominum salute redemptio, perpetua etiam esset redemptionis oblatio, et perennis illa victimam vivaret in memoria, et semper praesens esset in gratia. Item Augustinus in sermone De quarta feria (cap. 4): « Si sanguinem Christi tota cum reverentia percipis, cognosces per illum tua tibi dimitti peccata. » Item in eodem (cap. 6): « Tu, anima Christiana, vide ne deseras mensam sponsi tui, ut pulchra permaneas. Carnes ejus quotidie manducabis, ut vitam æternam habeas, et sanguinem ejus potabis. »

Quotidianam igitur Christi immolationem peccatorum remissioni, vitæ æternæ adeptioni necessariam, et sufficientem nobis astruximus. Ipsi autem Christo non suppicio passionis vel occisionis esse molestam, sed quadam ipsius passionis imaginatione nobis utilem ad memoriam concitandam, et devotionem augendam, et imitationem provocandam ostendimus. Cur enim beatus Ambrosius (Joan. Chrysost.) ad recordationem mortis ejus hostiam Christi quotidie offerri diceret, et nostrum sacrificium, exemplum illius sacrificii, si tantis beneficiis nos vellet esse ingratios et non magis devotione et imitatione nostra, tantæ gratiæ esse obnoxios? Sed tamen quia consacramentales et concorporales sumus Christo, licet non vera, sed imaginaria passione in seipso immoletur, vera tamen et non imaginaria passione in membris suis immolatur, quando nos, qui in memoriam passionis suæ sacramentum tantæ suæ pietatis agimus sacrificando ipsum, flendo et cor nostrum vera compunctione alterendo, mortem tam pii et dilecti Domini et patris annuntiamus. Sicut enim cum Petrus diceret: *Domine, quo vadis?* Christus respondit: *Venio Romam iterum crucifigi*, vel sicut Paulus ait: *Supplex en qua desunt passionum Christi in carne mea* (Coloss. 1, 24): ita et omnibus membris suis compatitur, ut et sibi compatiens conregnare facilius credatur, quia vera dignabitur eos esse particeps suæ gloriæ, quorum non dedignatur esse partipes ærumnæ. Cum enim vinum pro Christo, aqua sacrificetur pro populo, et utrumque unus sanguis fiat, quid nisi capit et membrorum inde compassione et morte unitatem significat? Unde Augustinus in lib. x De civitate Dei (c. 20, l. VII, col. 256): « Hujus rei sacramentum, quotidianum voluit Ecclesia esse sacrificium, quæ cum capitis ipsius corpus sit, seipsam per ipsum dicit offere. » Non enim potest corpus crucifixi esse, qui crucifixus non est. Unde Apostolus: *Per quem mihi mundus crucifixus est, et ego mundus* (Galat. vi, 14). Unde Gregorius in Dialogorum libro iv (c. 59, col. 472): « Qui passionis dominice mysteria celebramus, debemus imitari quod agimus. Tunc ergo vere pro nobis Deo hostia erit, quæ nos ipsos hostiam fecerimus. » Item Ambrosius

A in libro De sacramentis: « Quia crucis ipsius signatus es forma, ab ipsius passione accepisti signaculum atque similitudinem, ut ad ipsius formam resurgas, ipsius vivas figura, qui peccato crucifixus est et Deo vivit. »

Quia igitur beneficis et exemplis tam eximium, tamque utile nobis est corporis Christi sacramentum, videamus ne nobis tantam gratiam aliquis error supplantet, sed potius ipsa fidei veritas, sicut certos ad ea quæ exhibet, sic fortes constitutus ad ea quæ monet. Infirmi enim, qui circumferuntur omni vento doctrinæ, statim ut audiunt quæ ignorant, de fidei veritate dubitant, quos, quantum possumus, Deo annuente, sanare studeamus. Quia enim sacramentum est figura veritatis Christi, et in figura sacramenti fit figura imaginaria actionis sacrificii, in tot figuris veritatem latere titubant, maxime cum dicatur Christus semel immolari in seipso, et quotidie in sacramento, quasi verus intelligi debeat, cum dicitur in seipso, et non verus, sed imaginarius in sacramento. Sed sciendum quia Christus immolari dicitur in seipso, id est in humana forma, et in sacramento, id est in panis et vini forma; non quin tam vere hic immoletur in seipso quantum ad substantiam, sicut ibi, sed ut notet hic et ibi diversam ejusdem substantiæ formam.

CAPUT XVII.

Quod dupliciter vel tripliciter dicitur corpus Christi.

Hac de causa etiam sancti de corpore et sanguine Domini varie loquuntur, sed non contrarie, adeo ut beatus Hieronymus illud dupliciter, Augustinus autem tripliciter astruat accipi debere. In quo ne sibi vel aliis sanctis dissentire videantur, quomodo corpus Christi duplex credendum sit videamus.

Ait Hieronymus in epistolam ad Ephesios (lib. I, c. I, tom. VII, col. 553, ed. 1769): « Dupliciter sanguis Christi et caro intelligitur, vel spiritualis illa atque divisa, de qua ipse ait: *Caro mea vere est cibus, et sanguis meus vere est potus;* et: *Nisi manducaveritis carnem meam et biberitis sanguinem meum, non habebitis vitam æternam:* vel caro illa quæ crucifixæ est, et sanguis qui militis effusus est lancea. » Quod non dixisse quantum ad duplicitem substantiam credendus est, sed quantum ad duplicitem ejusdem substantiæ formam, qua nunc in humana, nunc in panis et vini intelligitur forma. Quod Augustinus apertius ostendit, qui cum tertium modum corporis Christi dixisset Ecclesiam, de eodem dupli corpore, unde Hieronymus ita disseruit (loc. cit., col. 608): « Corpus Christi est et illud mysticum quod ex substantia panis et vini per Spiritum sanctum consecratur. » Et addidit: « Ceterorum illud corpus, quod natum est ex Maria virgine, in quod illud transfertur, etc. » Quod istud per consecrationem altaris in illud transferri et converti dicit, nota eamdem substantiam. Quod autem discernit, dicens, hoc vel illud, facit, ut dictum est, secundum diversam formam. Quam substantiæ

Aidentitatem perfecte subinveniens, ait de tertio corpore Christi, quod est Ecclesia. Ad quem, si recte communicamus, mentem dirigimus, ut nos corpus ejus ex ipso et ab ipso carnem ipsius illo manente integro sumamus. Cum enim earnem ipsius ex ipso nos monet ab ipso sumere, quid nisi dantem et donum idem significat esse? Et addidit: « Quæ nimirum caro ipsa est, et fructus ipsius carnis, ut idem semper maneat, et universos qui sunt in corpore pascat. » Hoc corpus dicit Eusebius, siderebus illatura, coli jugiter a nobis per mysterium. De hoc sacerdos in fine cujusdam missæ orat, ut quod nos specie gerimus, rerum veritate capiamus; idem quidem notantes in substantia, diversum in forma. Quam suam duplicitatem in ecœna ipse Christus ostendit, cum ipse in humana forma præsens scipsum in sacramento discipulis exhibuit. Hanc duplicitatem non substantiæ, sed formæ, sancti notaverunt, quoties de corpore Christi ipsum non ipsum dixerunt, ut ipsum secundum substantiam, non ipsum sit secundum formam.

Cum igitur corpus Christi in humana forma, corpus Christi in sacramento, corpus Christi Ecclesia tripliciter dicatur, his qui in sacris Scripturis hoc discernere nequeunt, magna confusio nascitur, ut quod de uno corpore Christi dicitur, de alio dictum esse credatur.

Est et alia item confusio; quia, cum corpus Christi tripliciter dicatur, corpori Christi in altari panis et vini attribuunt sacramentum, ipsumque corpus Christi in altari, sacramentum faciunt corporis Christi in humana forma. Dum ergo forma panis et vini, sacramentum corporis Christi in altari, et ipsum corpus Christi in altari sacramentum dicitur humani corporis Christi, quod ipsum est non idem ipsum esse contendunt, sed hoc quasi diversum ab illo constituant. Dicit enim aliquis: Illud in altari, quod tu asseris esse verum corpus Christi, in sacris litteris appellatur species, similitudo, figura, signum, mysterium, sacramentum. Hæc autem vocabula ad aliquid sunt, nulla vero quæ ad aliquid sunt, possunt esse id quod sunt ea ad quæ referuntur: non est igitur sacramentum, corpus Christi. Et sic de cæteris vocabulis.

Venit his vocabulis in nullo præjudicatur fidei qua creditur, et veritati quam tenemus. Ut enim superius dictum est, quantum ad visible sacramentum, species et similitudo illarum rerum sunt nomina: quæ ante fuerunt, panis scilicet et vini, non corporis Christi; corpus vero et sanguis Christi vocantur nuncupative, eo locutionis modo, quo res significans, solet rei significatae vocabulo nuncupari. Unde Augustinus in libro Locutionum Genes. cap. 59 (cxlili, l. III, col. 334): « Locutio notanda est, ubi aliqua significantia earum rerum quas significant nomine appellantur: inde est quod ait Apostolus: *Petra autem erat Christus* (I Cor. x, 4), non ait: *Petra significabat Christum*. »

CAPUT XVIII.

Quod invisible corpus Christi in sacramento, sacramentum sit visibilis corporis Christi in humana forma, verum veri, idem ejusdem.

Et hoc quidem sacramentum vel figura, diversa est a re sua, ut res visibilis ab invisibili, ut supra dictum est. Sed tamen non juste quisquam movebitur, si etiam eadem vera caro, idemque sanguis Christi sui ipsorum sacramenta existant, secundum aliud atque aliud accepta, imaginaria panis fractione et sanguinis de calice effusione, ita representando verum fractionem corporis sui et effusione sanguinis in passione: verbi gratia, sicut ego senex balbutiendo et reptando et alia puerilia mea imaginando representarem me puerum, non aliud tam, sed me ipsum, essemque ego ipse figura et figuratus: actio tamen qua me ipsum representarem in me sene, esset imaginaria illius, quæ in me pueru fuisse vera. Sed et Christus post resurrectionem suam diversa actione diversaque temporum ratione, sui ipsius typum gessit et figuram. Ut enim ait Augustinus apprens duobus discipulis, dum flinxit se longius ire, significavit se post paucos dies ascensurum in cœlum, quod iter longius est remotum a communi hominum vita. Christus itaque longius sese ire ficens, sacramentum est Christi ascendentis in cœlum. Ideo ejusdem, nec tamen usquequa ejusdem. Idem namque verus Christus et ficens et ascendens: verum tamen aliud est signum terreni itineris, aliud est veritas in cœlum ascendentis.

Nec aliquis ita desipit, ut propterea neget fingen tem se longius ire, esse verum Christum, quia signum longioris itineris, significat se verum Christum in cœlum ascensurum. Ne ergo in re tanta, fide rudes titubent, divina gratia aspirante, quid de hac re sentiendum sit, sanctorum auctoritates ostendunt, ut corporis Christi in sacramento sacramentum significans et significatum, in panis et vini forma, itemque in hominis forma substantialiter et vere unum eumdemque Christum credant esse.

D Et de sacramento quidem panis et vini, quod significat et sit nuncupative corpus Christi, superius dictum est. Quod vero verum corpus Christi invisible post resurrectionem sit sacramentum visibilis corporis Christi, in passione scilicet sui ipsius, testatur Augustinus in libro Sententiarum Prosperi: « Caro ejus est, quam forma panis operata in sacramento accipimus, et sanguis ejus quem sub vini specie et sapore potamus: caro videlicet carnis, et sanguis sacramentum sanguinis. Carne et sanguine utroque invisibili, intelligibili, spirituali, significatur corpus visible Domini nostri Iesu Christi, et palpabile: plenum gratia omnium virtutum, et divina maiestate. »

Item in eodem: « Sicut ergo cœlestis panis, qui vere Christi caro est, suo modo vocatur corpus Christi, cum revera sit sacramentum corporis Christi, illius videjet, quod visible, palpabile, mortale, in

cruce positum est : vocaturque ipsa carnis immolatio, quæ sacerdotis manibus fit Christi passio, mors, crucifixio, non in rei veritate, sed significante mysterio : sic sacramentum fidei, quod baptismus intelligitur, fides est. » Unde item beatus Augustinus in epistola ad Bonifacium (98, n. 9, tom. II, col. 267) : « Nonne semel immolatus est Christus in se ipso ? Et tamen in sacramento non solum per omnes Paschæ solemnitates, sed omni die populis immolatur ; nec utique mentitur qui interrogatus, eum responderit immolari. Si enim sacramenta quamdam similitudinem earum rerum, quarum sacramenta sunt, non haberent, omnino sacramenta non essent. Ex hac autem similitudine, plerumque etiam ipsatum rerum nomina accipiunt. Sicut enim secundum quemdam modum sacramentum corporis Christi, corpus Christi est, sacramentum sanguinis Christi, sanguis Christi est, ita sacramentum fidei fides est. »

In quo notandum est immolationem quam non rei veritate dixit fieri, sola similitudine sacramenti veram immolationem Christi representantis, mortem, passionem, crucifixionem, ipso mysterio significante debere intelligi : sive baptismus, quod est sacramentum fidei, non in rei veritate, sed sola similitudine fidem dici. Quod vero veram carnem Christi suo modo corpus Christi dixit vocari, cum revera sui ipsius sacramentum sit, non ita intelligendum est, quasi non vere dicatur corpus Christi, sed suo modo, id est sibi singulariter proprio ; quia, cum omne corpus sit visibile atque palpabile, solum corpus Christi post resurrectionem mutata natura non substantia non est corporale, sed spirituale, invisibile, ut dictum est superius. Quod vero dixit ad Bonifacium : « Sicut sacramentum corporis Christi secundum quemdam modum corpus Christi est, ita sacramentum fidei fides est ; » intelligendum est de forma panis et vini, quæ non vere, sed figurate et nuncupative dicitur corpus Christi. Quia igitur Augustinus ad comprobandum, quod sacramentum fidei fides diceretur, duas similitudines dedit : unam actualis sacramenti, immolationis scilicet imaginarie, alteram vero realis, formæ scilicet panis et vini, ut, sicut immolatio imaginarie figurate vocatur mors, et crucifixio Christi, et sicut forma panis et vini figurate vocatur corpus Christi, sic sacramentum fidei, scilicet baptismus, figurate vocetur fides. Notandum quod in altera harum similitudinum cœlestem panem, qui vere Christi caro est, non communi, sed suo, et quasi proprio modo corpus Christi vocari dixit, quia scilicet corpus illud non corporale, sed spirituale et divinum præ omnibus corporibus singulariter vidit. In altera autem sacramentum corporis Christi, id est formam panis absolute secundum quemdam modum corpus Christi dixit, quia communi figura non existentium quod dicuntur, illud dici corpus Christi notavit. Quod autem invisible corpus Christi sacramentum visibilis corporis Christi dixit, intelligibiliter tantum per exteriorem aliquam actionem, et non sensualiter accipendum est.

A Quomodo enim more cœterorum sacramentorum visibilium, id quod videri non potest, rei visibilis esse poterit signum, nisi per exterioris alicujus actionis circa se imaginem ?

CAPUT XIX.

Quod sacramentum duobus modis significat, vel sua ex se similitudine, vel alicujus actionis erga se.

Quia itaque de tertio corpore Christi, quod est Ecclesia, superius satis dictum est, quia scilicet consacramentalis est capiti suo Christo, et ut caput et membra unum corpus cum ipso est per gratiam, aliud tamen per substantiam, quot modis sacramenta suis rebus similentur, et eas significant in triplici corpore Christi videamus.

B Duobus enim modis id facere videntur, scilicet vel sua ex se similitudine, vel alicujus exterioris actionis circa se. Sua ex se similitudine sacramentum significat, sicut cum Dominus dicit : *Caro mea vere est cibus, et sanguis meus vere est potus; et: Ego sum panis vivus qui de caelo descendit (Joan. vi, 55)*; quia, sicut cibus et potus temporalem vitam, sic ipse dat æternam. Unde ait : *Si quis manducaverit ex hoc pane, vivet in æternum (ibid.).* Et merito. Si enim tanta vis est in cibo qui non vivit, nec manet, ut latenter vitam hujos temporis soveat et retineat quandiu Deo placuerit, quanto magis Christus cibus vivens immortaliter, vitam æternam conferre credendus est, quibus sibi placuerit ? Magis enim credendus est vitam conferre, qui vitam in se habet et vita est, quam qui non habet. Cum enim sit via, et veritas, et vita, corpus ejus nobis viaticum est, ne moriamur et desiciamus in via, sed perducamus ad vitam; veritas est, ne ejus promissionibus fallamur; vita est, ut ea in preventione feliciter fruamur. In hac ergo mortali vita immortali cibo vitae nos pascit, ne in æternum moriamur.

C Nec solum sua ex se similitudine cibi et potus nomine et specie, significari se voluit vitam æternam, sed etiam ex panis et vini similitudine significari voluit aliud corpus suum, id est Ecclesiam. Unde Augustinus in sermone De sacramentis fidelium, feria u. Paschæ (t. V, col. 976) : « Quia passus est pro nobis, commendavit nobis in isto sacramento corpus et sanguinem suum, quod etiam fecit nos ipsos. Nam et nos corpus ipsius facti sumus, et misericordia ipsius quod accipimus, ipsi sumus. » Et post pauca : « Ad aquam venistis, conspersi estis, panis Dominicus facti estis. Quomodo unum videtis esse quod factum est, sic unum estote vos, diligendo vos. » Item in sermone 26, super Joannem (t. III, col. 500) : « Hunc itaque cibum et potum, societatem vult intelligi corporis et membrorum suorum, quod est Ecclesia. » Et post pauca : « Hujus rei sacramentum, id est unitatis corporis et sanguinis Christi, de mensa Dominica sumitur, quibusdam ad vitam, quibusdam ad exitium; res vero ipsa ejus sacramentum est, omni homini ad vitam, nulli ad exitium, quicunque ejus particeps fuerit. » Cum enim cibo et potu id appetant homines, ut nou-

esuriant neque sitiunt, veraciter non præstat nisi iste cibus et potus, qui eos a quibus sumitur, immortales facit, id est ipsa societas sanctorum, ubi pax erit et unitas plena atque perfecta. Propterea quippe Dominus corpus et sanguinem suum in eis rebus commendavit quæ ad unum aliquid religuntur ex multis. Namque aliud in unum ex multis granis conficitur, aliud in unum ex multis acinis confluit. Ecclesiasticam societatem, cibum et potum ac panem Dominicum dixit, tum quia vere satiat in æterna beatitudine, tum quia multos in unum redigit vera charitate: quam societatem qui vere accepit, non potest privari æterna salute. Quia ergo sacramentum corporis Christi, ipsum Christum, vel ejus Ecclesiam sua ex se similitudine signat, videamus si similitudine alicujus exterioris actionis circa se idem faciat.

Augustinus in libro Sententiarum Prosperi: « Dum frangitur hostia, dum sanguis de calice in ora fidelium funditur, quid aliud quam Dominicæ corporis in cruce immolatio, ejusque sanguinis de latere effusio designatur? Ideo etiam ipse corpus suum fregit et tradidit, ut signaret, quod sponte sua in passionem se frangeret et traderet pro nobis, qui solus potestatem habebat ponendi animam suam: quod etiam in altari vice sua imitantur sacerdotes, ut idem repræsentent, id est corpus Christi, sacramentum Christi et Ecclesiæ per exteriorem actionem. » Ait Sergius papa (43): « Triforme est corpus Domini, pars oblatæ in calicem missa, corpus Christi quod jam resurrexit, monstrat; pars co-mesta, ambulans adhuc super terram; pars in altari usque ad finem missæ remanens, corpus jacens in sepulcro, quia usque ad finem sæculi corpora sanctorum in sepulcris erunt. » Item Julius papa in decretis episcopis per Ægyptum missis (44): « Calix Dominicus, juxta canonum præceptum, vino et aqua permistus debet offerri, quia videmus in aqua populum intelligi, in vino ostendi sanguinem Christi. Ergo cum in calice vino aqua miscetur, Christo populus adunatur, et credentium plebs ei, in quem credit, copulatur et jungitur: quæ copulatio et conjunctio aquæ et vini sic miscetur in calice Domini, ut mistio illa non possit separari. Nam si vinum quis tantummodo offerat, sanguis Christi incipit esse sine nobis; si vero aquam solam, plebs incipit esse sine Christo. » Sciendum tamen, quia licet prius mystice viuum et aqua misceatur, post consecrationem tamen nonnisi sanguis bibitur, quia prius per aquam baptismatis renati, postmodum non solum concorporales, sed et consanguinei Christo spiritualiter efficimur. Ad signandum autem Christum, vinum, et ad signandum populum aqua miscetur, quia etsi vinum de aqua, dignius tamen per item, et Christus de carne nostra per Mariam generatur, et potentius ad reficiendum

(43) Apud Gratian., dist. II, c. 22, t. I, p. 455, ed. Pithœor. Paris., 1687. Est apocryphum.

(44) Falso ascribitur Julio, apud Gratianum, can.

A et inebrandum quam aqua invenitur, quia calix Domini, inebrans, quam præclarus est (*Psal. xxi*, 5) dom sui amoris fervore mens debriata, omnium terrenorum obliscitur? Unde etiam inusitato et stupendo miraculo postquam spiritum emisit, de latere Christi sanguis et aqua contra naturam manavit, ut regenerationis et redemptionis unum nostræ salutis opus esse mystice signaret, dum hoc duplice sacramento unum corpus Christi et Ecclesiæ per Spiritum sanctum conformaret. Unde et tria sunt, quæ Christo testimonium dant in terra, spiritus, aqua, et sanguis (*I Joan. v*, 7); quia et mirum fuit mortales de cœlo secundum promissionem Christi Spiritum sanctum accipere, et mortuum more viventis non saniem, sed sanguinem; imo supra morem vivorum et mortuorum, cum sanguine aquam de vulnere lateris fundere: quod tamen scilicet miraculum, sic constat fuisse et mysterium.

Sed quid currat per singula? Quidquid sit in officio missæ, sacramentum est Christi et Ecclesiæ. Unde et Augustinus in libro De Trinitate: « Quia morte Domini liberati sumus, hujus rei memores in edendo et bibendo carnem et sanguinem, quæ pro nobis oblata sunt significamus. Quod enim corpus Christi in sacramento manibus fidelium tenetur, frangitur, dentibus alteratur, et ipsis incorporatur, significat eum in passione manibus impiorum tentatum, et usque ad mortem fractum, et propter nostra scelera attritum; Ecclesiam vero, corpus suum scilicet, hujus suæ passionis imitatione sibi incorporatam et conformatam. Quod ipsi Christo jam immortali et incorruptibili facto nullus putet esse indignum, si fidelium devotione hoc sibi in sacramento repræsentet, ad Dominicæ passionis imitationem, quod ipse Dominus passurus fieri præcepit ad suam commemorationem: ut tantæ rei memoria excitata, præsentiaque divinæ auxilio et exemplo rorata, velit et possit per ipsius gratiam quod nullatenus præsumit per suæ fragilitatis naturam. Quod enim in Christi corpore permisum est malis ad suam damnationem, nec ignominiosum visum est Deo Patri propriam nostram salutem, multo magis ipsi placitum et gloriosum est, ut fidelium suorum manibus devote in sacramento frangatur, dentibus alteratur, sicut ipse præcepit, in suam commemorationem, non in veritate quidem passionis, crucifixionis, mortis, ut supra dictum est, sed significante mysterio, ut ipse quidem fractus et attritus integer permaneat, et redemptionis suæ gratia omnibus divisa proficiat. Quod ut certius innotescat fidelibus, Berengarius Andegavensis heretici confessio, quam de hujus rei catholica fide scripsit, et Romæ præsente Nicolao papa II (an. 1059, Iabbe, IX, 1050), coram 113 episcopis jurejurando firmavit, ad medium deferatur. |

« Ego Berengarius, indignus ecclesiæ Sancti Mau-7, De consecr., dist. II. Referendum est ad con-Bracar., ann. 675.

ritii Andegavensis diaconus, cognoscens veram, catholicam et apostolicam fidem, anathematizo omnem hæresin, præcipue eam, de qua hactenus infamatus sum, quæ astruere conatur panem et vinum quæ in altari ponuntur, post consecrationem solummodo sacramentum et non verum corpus et sanguinem Domini nostri Jesu Christi esse, nec posse sensualiter nisi in sacramento solo, manibus sacerdotum tractari, vel frangi, vel fidelium dentibus atteri. Consentio autem sanctæ Romanæ Ecclesie et apostolice sedi, et ore et corde profligitor de sacramentis Dominicæ mense eamdem me fidem tenere, quam dominus et venerabilis papa Nicolaus, et hæc sancta synodus auctoritate evangelica et apostolica tenendam tradidit, mihique firmavit, scilicet panem et vinum, quæ in altari ponuntur, post consecrationem non solum sacramentum, sed etiam verum corpus, et verum sanguinem Domini nostri Jesu Christi esse, et sensualiter non solum sacramento, sed et in veritate manibus sacerdotum tractari, frangi, et fidelium dentibus atteri; jurans per sanctum homouion trinitatem, et per hanc sacrosanctam Christi Evangelia, etc. »

CAPUT XX.

Quia in sacrificio est sacramentum corporale, et corpus spirituale, duæ sunt etiam ejus comeditiones, una corporalis, altera spiritualis; et boni quidem duabus comeditionibus sumunt corpus Christi, malum tantum una.

Quia igitur assertione Berengarii hæretici in sancta synodo panis et vinum post consecrationem non solum sacramentum, sed etiam verum corpus et sanguis Domini est, quod etiam Augustinus modis omnibus approbare contendit, sacrificium Ecclesiæ duobus confici, duobusque constare visibili elemorum specie, et invisibili Christi carne et sanguine, sacramento scilicet et re sacramenti: secundum hæc duo, sunt etiam duæ comeditiones corporis Christi in Ecclesia, una corporalis, altera spiritualis; una fit ore, altera fit corde. Quarum corporalis communis est bonis et malis; his ad salutem, illis ad judicium, spiritualis autem tantum bonis. Et corporali quidem ore corporaliter manducamus et bibimus, quoties de altari Dominico ipsum Dominicum corpus substantialiter per manum sacerdotis in sacramento panis et vini accipimus; corde vero spiritualiter comedimus et bibimus, quoties, ut ait beatus Augustinus, hoc quod pro salute nostra Filius Dei in cruce peperit in memoria recondimus; et non solum ad hujus rei commemorationem sed etiam ad imitationem crucifigendo carnem nostram cum vitiis et concupiscentiis, nos ipsos accendimus. De corporali comeditione ipse Dominus ait: *Accipite et comedite; hoc est corpus meum, quod pro vobis tradetur. Bibite, hic est sanguis meus, qui pro vobis effundetur (Matth. xxvi, 26).* Item Apostolus: *Qui manducat et bibit indigne, iudicium sibi manducat et bibit (I Cor. xi, 29).* De spirituali vero comeditione ait Augustinus in serm.

A 26 super Joannem (col. 498): « Panem cœlestem spiritualiter manducate, innocentiam ad altare apportate. » Et post pauca, ultramque etiam comeditionem discernens, subjecit: « *Hic est panis de cœlo descendens, ut si quis ex eo manducaverit, non moriatur (Joan. vi, 50).* Sed quod pertinet ad virtutem sacramenti, non quod pertinet ad visibile sacramentum, qui manducat intus, non foris, qui manducat corde, non qui premit dente. » Item idem in libro De verbis Domini: « Tunc autem vita erit unicuique corpus et sanguis Domini si, quod in sacramento visibiliter sumitur, in ipsa veritate spiritualiter manducetur, spiritualiter bibatur. » Item Gregorius in Homilia paschali (lib. II, n. 7, t. I, col. 1533): « Sanguis agni super utrumque postem ponitur, quando non solum ore corporis, sed etiam ore cordis haerit. In utroque enim poste Agni sanguis positus quando sacramentum passionis illius cum ore ad redemptionem sumitur, ad imitationem quoque intenta mente cogitatur. »

CAPUT XXI.

Quod sicut nec minus a malo, nec magis a bono sacerdote consecratur veritas corporis Christi; sic nec minus a malo, nec magis a quolibet bono sumitur quantum ad substantiam.

Quamvis igitur spiritualis comedio corporis Christi prior et dignior sit quam corporalis, quia illa tantum bonis, hæc autem communis est et bonis et malis, cum utraque tamen sit ad salutem necessaria, et quantum ad substantiam Dominicum corporis, vera; videtur quærendum cur B. Augustinus dixerit, quia tunc erit unicuique vita corpus Christi, si in ipsa veritate spiritualiter manducetur; quasi non in ipsa veritate corporaliter sumatur, et mali qui corpus Christi sacramento tenuis tantum sumunt, non verum illud sumant, quia non spiritualiter illud capiunt. Unde etiam aliqui errantes Christum a sacramento suo separari autumnant, ita ut malos purum sacramentum et non corpus Christi sumere astruant, et ipsum Judam proditorem quibusdam sanctorum auctoritatibus contendant in cœna Domini communioni corporis Christi non interfuisse, quasi corpus Christi non possit nisi qui incorporatur Christo vere sumere.

D Propositis itaque his, quibus suum concipere videntur errorem, nos, Deo volente, subsequenter liberius astruemus ipsam veritatem, qua scilicet bonos vere omnino credamus corpus Christi sumere; malos autem vere quidem quantum ad substantiam, et non vere quantum ad effectus gratiam.

Ait Augustinus in serm. 27 super Joannem (n. 10, col. 506): « Carnem Christi et sanguinem non edamus tantum in sacramento, quod et multi mali, sed usque ad participationem Spiritus, ut in corpore Domini tanquam membra maneamus, ut ejus Spiritu vegetemur. » Item idem in libro Sententiarum Prosperi: « Escam vitæ accipit, æteritatis poculum bibit, qui in Christo manet, et cujus habitator est

Christus. Nam qui discordat a Christo, nec carnem Christi manducat, nec sanguinem bibit, etiamsi tantum rei sacramentum ad judicium suum præsumptionis quotidie indifferenter accipiat. » Ecce malos carnem Christi tantum in sacramento quasi non vere, sed tantum figurate sumere; itemque eos, etiamsi sacramentum accipiunt, carnem Christi non manducare, astruere videtur; quod tamen non dicit quantum ad substantiam corporis Christi veritatem, quam licet indigni ad judicium suum, vere tamen sumunt, sed quantum ad gratiam sacramenti virtutem quam negligunt. Sed iterum B. Hilarium Pictaviensem in expositione super Matthæum (cap. 30, t. I, col. 799), quasi testem hujus rei faciunt, qui manifeste videtur asserere, a Domino Judam a tanti sacramenti communione exclusum, quia indignum. Ideoque cum non potuisse bibere sanguinem Christi in mysterio, quia eum non erat bibitur in regno. Dicit enim ita: « Post quæ Judas proditor indicatur, sine quo Pascha accepto calice et fracto pane conficitur. Dignus enim æternorum sacramentorum communione non fuerat, quia æterne vitæ indignus erat. Nam discessisse statim hinc intelligitur, quod cum turbis reversus ostenditur. Neque sane cum eo bibere poterat in mysterio, qui non erat bibitur in regno, cum universos tunc libentes ex vitiis istius fructu bibituros secum postea polliceretur. »

Si itaque Augustinus ita vere et non vere a sacramento malos removisse, et Hilarium ita ipsum Judam a communione exclusisse ostenderimus, ut sibi ipsis vel aliis sanctis non sint contrarii, manifestum erit, Deo volente, quia mali corpus Christi sumunt, vere quantum ad substantiam, et non vere quantum ad gratiam. Et prius quidem verba beati Hilarii concorditer cum aliis sanctis exponantur. Sine Judæ enim Pascha, id est transitum ad vitam confici dicit, quia spiritualiter ejus particeps non fuit. Unde etiam subjet: « Dignus enim æternorum sacramentorum communione non fuerat, quia æterne vitæ indignus erat. Quod ex affectu operis approbat, quia statim post buccellam ad perditionem exivit. » Quod se non secundum corporalem et temporalem communionem dixisse, sed secundum spiritualis et æternam, cuius tantum boni participes sunt ostendit, cum subjungit: « Neque sane cum eo bibere poterat in mysterio, qui non erat bibitur in regno. » Quomodo enim corporaliter corporale cum eo bibere sacramentum non posset, qui eatenus ab ordine apostolice et suo consortio remotus non fuerat, cum teste Apostolo et ceteris sanctis malos quotidie videamus sumere indifferenter corpus Domini non ad salutem, sed ad judicium? Nisi ergo Judæ illa impossibilitas sumendi corpus Domini spiritualiter ascribatur, cum ceteri mali illud corporaliter sumere possint et consueverint, ipsum solum non potuisse quod ceteri possunt, procedere non videtur. Quia ergo tolerabiliter expositum est, Judam a confectione corporis Christi

A spiritualiter ut indignum absuisse, si testantibus aliis sanctis corporaliter adfuerit, et ipsum sacramentum ab ipso Domino sumperit, videamus.

Ait Leo papa in sermone De passione Domini (cap. 3, col. 220) cuius initium est: « Scio quidem, dilectissimi: Discubentibus discipulis, ad edendam mysticam coenam, cum in Caiphæ atrio tractaretur quomodo Christus occidi posset; ille corporis et sanguinis sui ordinans sacramentum, docebat qualis hostia Deo deberet offerri, ne ab hoc quidem mysterio traditore submoto, ut ostenderetur nulla injuria exasperatus, qui voluntaria erat impietate præscitus. » Et post pauca: « Cur, infelix Juda, tanta benignitate non uteris? Non apostolici ordinis honor, non sacramentorum tibi communio denegatur. » Item Augustinus in serm. 26 super Joannem: « Non ut putant quidam negligenter legentes, tunc Judas corpus Christi accepit. Intelligendum est enim quod jam omnibus eis distribuerat Dominus sacramentum corporis et sanguinis sui, ubi et ipse Judas erat, sicut S. Lucas evidentissime narrat; ac deinde ad hoc ventum est, ubi secundum narrationem Joannis apertissime Dominus per buccellam intactam atque porrectam suum exprimit traditorem. »

Quia igitur Leo traditorem a mysterio corporis Christi non esse submotum, et ipsam sacramentorum communionem non ei suis negatam, itemque Augustinus ipsurn Judam interfuisse ubi Dominus sacramentum corporis et sanguinis sui omnibus discipulis distribuerat, Luca enim evangelista teste affirmat, videndum est quomodo Judas et ceteri mali corpus Christi sumere et non sumere intelligentur, ne tanti Patres in quibus erat unus spiritus, non dissensionis, sed pacis, a se dissentire videantur. Quam quæstionem ipse Augustinus in sermone De blasphemia Spiritus sancti tractans, ait (serm. 71, n. 17, tom. V, col. 391): « Illud etiam quod ait: Qui manducat meam carnem, et bibit meum sanguinem, in me manet, et ego in eo (Joan. vi, 57), quomodo intellectui sumus? Nunquid etiam illos hic poterimus accipere, de quibus dicit Apostolus, quod judicium sibi manducant et bibant, cum ipsam carnem manducant, et ipsum sanguinem bibant? » Nunquid et Judas magistri venditor, et traditor ipsius, quamvis ipsum manibus ejus coasectam sacramentum carnis et sanguinis ejus cum ceteris discipulis, sicut apertius Lucas evangelista declarat, manducaret et biberet; mansit in Christo, et Christus in eo? Sed profecto est quidam modus manducandi carnem Christi, et bibendi sanguinem, quo modo qui manducaverit et biberit in Christo manet, et Christus in eo. » Item idem in sermone de verbis Evangelii: « Quid est Christum manducare? Non hoc solum est in sacramento corpus ejus accipere. Multi enim indigne accipiunt, de quibus Apostolus ait: Qui manducat et bibit calicem Domini indigne, judicium sibi manducat et bibit (I Cor. xi, 29). Sed quomodo manducandus est Christus? Quomodo

ipse dicit : *Qui manducat carnem meam, et bibit sanguinem meum, in me manet et ego in eo. Si in me manet et ego in eo, tunc manducat et bibit. Qui autem in me non manet nec ego in eo, et si accipit sacramentum, acquirit magnum tormentum.* » Quod non dicitur quidem quasi Christus a sacramento suo propter malitiam alicujus amentis separetur quantum ad veritatem suæ substantiæ, sed quantum ad effectum suæ gratiæ; quia, cum corpus suum det in sacramento, ut perfecta unitate ita incorporetur corpori suo, ut in se maneat tanquam capite suo, et ipse in eo tanquam membro suo, non potest uniri tam mundum caput foedo et putrido membro. Ait enim Augustinus in sermone super Joan. 26 (loc. cit.) : « *Qui manducat me, et ipse vivet propter me.* Participatio Filii per unitatem corporis ejus et sauguinis, quod illa manducatio potatioque significat, nos efficit meliores. Vivimus ergo nos propter ipsum, manducantes eum, id est ipsum accipientes vitam æternam, quam non habebamus ex nobis. » Quamvis autem ista significatio unitatis non compleatur in malis, ut meliores efficiantur et vivant propter Deum, non tamen minus est substantialiter et vere corpus ejus quod sumunt. Unde Augustinus in libro v De baptismo (cap. 8, tom. IX, col. 146) : *Sicut Judas, cui buccellam tradidit Dominus, non malum accipiendo, sed bonum male accipiendo, locum in se diabolo præbuit, sic indigne quisque sumens Dominicum sacramentum non efficit, ut quia ipse malus est, malum sit, aut quia non ad salutem accipit, nihil acceperit. Corpus enim Domini et sanguis Domini nihilominus erat etiam illis, de quibus dicebat Apostolus : Qui manducat et bibit indigne, judicium sibi manducat et bibit.* Quia ergo superiorius satis astrictum est, quod corpus Christi manducare in veritate substantiæ possunt etiam mali, in veritate autem spiritualis gratiæ possunt tantummodo boni, cum etiam superiorius dictum sit, quod corporalia sacramenta sunt quasi quedam verba videamus, si in verbis accedit etiam aliqua similitudo ad hanc rem manifestandam sacramentis. Sicut enim verbum est sonus, significans et continens intellectum, ita sacramentum est species panis, significans et continens Christum. Et sicut verbum a quibusdam auditur et intelligitur, et sic omnino modis percipitur, a quibusdam vero auditur, sed non intelligitur, et tunc percipitur quidem exterius aure quantum ad sonum, non etiam interius corde quantum ad intellectum, nec minus tamen continet intellectum si non intelligitur, quam habet sonum si non auditur; sic incredulus vel indignus, ore quidem sumit sacramentum exterius in panis specie, nec tamen interius sumit corde corpus Christi in unitatis et conformitatis veritate; noui tamen sacramentum minus est corpus Christi in veritate substantiæ, cum qua percipiatur etiam a malis, quam cum et veritate substantiæ, et veritate spiritualis gratiæ, omnimodo percipitur a

A bonis. Unde etiam Augustinus in psal. LIV (tract. xxvii in Joan., n. 6, col. 504) : « *Verba quæ locutus sum vobis, spiritus et vita sunt.* Intellexistis spiritualiter, spiritus et vita sunt; intellexistis carnaliter, etiam sic illa spiritus et vita sunt; sed tibi non sunt. Spiritualiter intelligite quæ locutus sum. » Sicut ergo verba spiritualiter intellecta et non intellecta, semper spiritus et vita sunt: sic corpus Christi spiritualiter et non spiritualiter sumptum, non minus est in veritate substantiæ, quamvis tibi non, qui quis indigne accipis, in veritate gratiæ. Quodammodo enim quasi sentis corpus Christi corporali gustu, sed non sapientia spirituali affectu. Et pro quanta parte saporem dulcedinis et suavitatis ejus non percipis, corpus Christi tibi non est, quod tamen pro quanta parte exteriorius sumere presumis, corpus Christi non minus est, sicut et verbum non est verbum audienti et non intelligenti, sed tantum sonus, et tamen non minus est verbum. » Cum ergo malos corpus Christi vere sumere, ipsumque Judam a summo sacerdote Christo cum ceteris apostolis accepisse sancti testentur, astructum etiam videtur, non esse nobis noxiun, si a nobis vel nobiscum mali male sumant sacramenta, cum Judas ab ipso Christo cum ceteris apostolis accepit, nec etiam a pravis minus vere consci ipsa sacramenta, cum ipse proditor tanti officii ministerium a summo pontifice accipiens cum ceteris, *Hoc facite in meam coniunctionem,* audierit. Si enim, sicut ei a Domino injunctum fuerat, corpus Domini consecrisset, nunquid vere minus ab ipso pravo, quam a quovis bono factum fuisset? Quia enim Judas accusatus et damnatus non fuerat, ideo Christus conscientiam ejus perversam, quamvis sibi notam, damnare noluit, ut nos instrueret, quod aliquorum pravitas, nec conversatione, nec sacramentorum consecratione vel coparticipatione bonis aliquatenus nocere possit. Unde Augustinus in libro (45) De corpore Domini : « *Intra catholicam Ecclesiam in mysterio corporis Christi a bono majus, nihil a malo minus perficitur sacerdote,* quia non iu merito consecrantis, sed in verbo efficitur Creatoris, et in virtute Spiritus sancti. Si enim in merito esset sacerdotis, nequaquam ad Christum pertineret. » Item Augustinus ad Parmenianum libro 11 (cap. 10, t. IX, col. 37) : « *In omnibus questionibus intelligendum admonemus, quia scilicet omnia sacramenta cum obsint indigne tractantibus, prosunt tamen per eos digne amentibus.* » Item Augustinus contra Donatistas : « *Communio malorum non maculat aliquem participatione sacramentorum, sed consensione factorum.* » Item idem in homiliis suis : « *Ut sufferas etiam eum quere nosti malum, atteude Apostolum dicentem : Unusquisque onus suum portabit (Galat. vi, 5).* Non enim cum illo communicas avaritiam sed Christi mensam. Et quid obest si communices cum illo mensam

Christi? Qui manducat et bibit indigne, judicium sibi manducat et bibit: sibi, inquit, non tibi. » Quia igitur, ut ait Leo, *Judæ Dominus nec negavit apostoli ordinis honorem in consciendis sacramentis, nec communionem in ipsis percipiendis, multum providit Ecclesiæ suæ, ostendens per hunc (46) solum innoxiam ei fore malorum prælationem vel conversationem, in quo nisi esset præscisa tanti causa schismatis, multi magis superbe quam religiose calcibus etiam a se repellenter eos qui apud se minoris esse viderentur estimationis.* Unde Augustinus in sermone 49 super Joannem (n. 10, col. 632): « Quid voluit Dominus admonere Ecclesiam suam, quando unum perditum inter duodecim habere voluit, nisi ut malos tolerenius, ne corpus Christi dividamus? Ecce inter sanctos est Judas, ecce sur est et sacrilegus; talis cum discipulis ad coenam Dominicam accessit, conversari cum eis potuit, inquinare eos non potuit. »

CAPUT XXII.

Quomodo vere et salubriter sumi possit corpus Christi.

Malos quidem male sumere sacramenta, sed tamen vere ostendimus: nunc qualiter boni non solum vere, sed et salubriter sumere valeant, videamus.

Ait Clemens papa in epistola sua: « In perceptione corporis et sanguinis Domini, magna discretio adhibenda est. Cavendum est enim, ne si nimium in longum differatur, ad perniciem animæ pertineat, dicente Domino: *Nisi manducaveritis carnem filii hominis et biberitis ejus sanguinem, non habebitis vitam in vobis.* Si vero indiscrete accipiat, timendum est illud quod ait Apostolus: *Qui manducat et bibit indigne, judicium sibi manducat et bibit.* Ideo Juxta ejusdem Apostoli vocem: *Probet seipsum homo et sic de pane illo edat, et de calice bibat (I Cor. xi, 28),* ut videlicet ab operibus carnis purificans corpus animamque suam, præparet se ad percipiendum tantum sacramentum. »

Item beatus Hilarius (47): « Si tanta non sunt peccata ut excommunicetur quis, non se debet a medicina corporis Domini subtrahere. Unde timendum est ne diu abstractus a corpore Christi, alienus remaneat a salute. Qui peccare quievit, communicare non desinat. »

Item Ambrosius (De sacram. l. IV, c. 6, t. II, c. 372): « Si quotiescumque effunditur sanguis Christi, in remissionem peccatorum effunditur: qui semper pecco, debo semper accipere, debo semper habere medicinam. »

Item beatus Cyprianus (De orat. Domin. p. 209, ed. 1726): « Eucharistiam quotidie ad cibum salutis accipimus. » Quod distinguens Augustinus scribit ad Januarium (epist. 54, cap. 3, t. II, col. 125): « Dixerit quispiam non quotidie accipiendam eucharistiam, alius affirmet quotidie: faciat unusquisque quod secundum fidem suam pie credit esse facien-

(46) Alias hoc.¹

(47) Hilarius papa, apud Gratianum, De consec.

A dum. Neque enim litigaverunt inter se, aut quisquam eorum se alteri præposuit Zachæus et ille centurio, cum alter eorum gaudens in domo sua suscepit Dominum, alter dixerit: *Domine, non sum dignus ut intres sub tectum meum (Matth. viii, 8; Luc. xix, 6).* Ambo Salvatorem honorificantes, quamvis non uno modo, ambo peccatis miseri, ambo misericordiam consecuti. » Item idem alibi: « Quotidie eucharistiae communionem percipere, nec laudo nec vitupero: omnibus tamen diebus Dominicis communicandum suadeo et hortor, si tamen mens sine affectu peccandi sit. Nam habentem adhuc voluntatem peccandi, gravari magis dico eucharistiae perceptione, quam purificari. Et ideo quamvis peccato quis mordeatur, peccandi de cætero non habeat voluntatem, et communicaturus satisfaciat lacrymis et orationibus, et confidens de Domini miseratione, accedat ad eucharistiam intrepidus et securus. Sed de illo hoc dico, quem mortalia peccata non gravant. »

Quibus sanctorum verbis, magna nobis indicitur bene operandi necessitas, ne corpus Domini indigne sumendo, sumamus judicium, vel sumere cessando, hoc modo etiam alienati a vita, mortis nihilominus incurramus periculum. Necessario enim Agnus sumendus est, ut a vastante angelo protegamus. Sed si tantam medicinam sumere vel non sumere periculum est, quo evademus? Sed ne his angustiis circumventa humana desperet infirmitas, Augustinus unicuique sumendi et non sumendi propriæ discretionis relinquit arbitrii quamvis pro certo a tanta medicina, vel peccati pertinacia, vel ipsius sacramenti negligentia subtrahi, magnum salutis sit detrimentum. Non est enim sine magno gracie privilegio, quod Deus etiam corporaliter humani corporis et cordis uti digatur diversorio; nec tantum ad hospitandum ut in templo suo, sed ad incorporandum sibi ut membrum capiti suo. Quid enim ad salutem nobis deerit, cum ille qui salus est omnium, nobis unitus fuerit? Non est ergo desperanda invicta Dei gratia, quantamcumque hostis fraudem, quantamcumque nostram fragilitatem attenderimus, quia vel hostis fraude, vel nostro vitio angustiorem Dei gratiam constituiimus, si hostem potentiores ad nocendum, quam Deum ad liberandum, nos autem habiliores ad labendum, quam ipsum ad stabilendum crediderimus. Quid vero est quod ait Apostolus: *Ubi abundavit delictum, superabundavit et gratia (Rom. v, 20),* nisi haec potentior sit ad salvandum, quam illud (48) ad perdendum? Non est ergo metuenda bene operandi necessitas, quibus in Deo tanta ipsius necessitatis est facultas, ut quidquid bene voluerimus, per eum qui omnia potest possimus. Unde etiam B. Hilarius inchoantibus et imperfectis condescendens, ne quis Dei gratia diffidat, consilium dedit, ut qui peccare quievit, communicare non desinat, quamvis eos in affectu peccati. II, can. 15, p. 455.

(48) Alias ad perimendum.

candi sunt, vel de criminalibus digne non pœnituerunt, vel ab his ministris qui extra Ecclesiam sunt conscientes, sumere interdicat auctoritas. Quia igitur sicut magna spe, sic magna discretione sumendum est corpus Domini, cum de perfectis satis superius dictum sit, quod corpus Domini sint et sumant, quia Christus in eis et ipsi in eo maneat, de imperfeciis, qui corpus Christi fieri et suinere volunt, qualiter hoc idonee faciant videamus.

Ut ergo de criminaliter peccantibus sua decreta serventur, quia etiam in Ægypto datus est agnus Israelitum (*Exod. xii, 3*), sed inde statim exitur, dandus est item Agnus Dei peccatoribus, ut a vastante angelo protegantur, sed deinceps peccatis renuntiaturis. In quo quia ab ipsa figura Agni traximus similitudinem, ab ipsa comparemus etiam sumendi discretionem. In sua domo agnus comedi, nec inde aliquid efferi præcipitur, quia cum extra Ecclesiastici non sit locus veri sacrificii quantiscunque polleat moribus quis, non rite dat vel sumit Agnum, nisi Catholicus, unitatem scilicet Ecclesiae servans, tam fide ne sit haereticus, quam obedientia ne sit schismaticus. Unde Hieronymus in Isaiam (Comm. in Epist. ad Ephes., l. iii, c. 6, t. VII, col. 679) : « Etenim pascha nostrum immolatus est Christus (*I Cor. v, 7*), qui non foris, sed intus et in domo una comeditur. » Accinctis autem renibus, calceatis pedibus, baculos tenentes, agnum jubemur comedere cum lactucis agrestibus festinantes, ut castitate præcincti, et ne a serpentibus in via huic sœculi mordeantur, exemplis sanctorum Patrum munientes gressus actuum nostrorum, virga disciplinae castigantes carnis intemperantiam ; comedamus agnum cum lactucis agrestibus, id est amara compunctione plenis, ita cum desiderii fervore festinantes ad patriam. Est enim phase, id est transitus Domini, quo ex hoc mundo transivit ad Patrem : cum quo desidia tardus, et super ollas carnium in sœculi Ægypto remoratus, transire non prævallet, ut illuc perveniat ubi Christus in dextera Dei sedet. Sed, ut dictum est, ideo se unit nobis in sacramento, ut quod nobis est impossibile, possibile fiat in ipso.

Unde etiam ne quod dabat inane videretur et frivolum, nec ante nec post, sed ipsa passionis et transitus sui hora sacramentum corporis sui dedit et sanguinis ; ut unde dabat exemplum, daret etiam mysterii exordium, quatenus memoria nostræ arctius passionis suæ characterem imprimeret, spei nostræ certius transitus sui, et nostri viaticum delegaret, cum illud sicut primus primum, sic in extremo temporalis vita suæ sub novi testamenti assignatione daret extremum. Testamento enim sanguinis sui, data redēptione et peccatorum remissionē, pactum quod habebamus cum morte delevit, vita æternæ fœdus nobiscum pepigit, et tanti testamenti sacramentum ad confederandam sibi sanctam Ecclesiam in commune omnibus reliquit, ut unde habemus gustum in via, satietatem queramus in

A patria, et ipsum per ipsum inveniamus, cum in manifesta sua apparuerit gloria. Cum enim corpus Christi sumpserimus, et corpus ejus facti fuerimus, transibit ipse in nobis ad Patrem, transibimus et nos in illo, ut cum illo in tanti transitus labore unum facti, unum semper simus in perventionis gaudio.

Sciendum autem non tantum spiritualiter, sed et corporaliter sumendum esse corpus Domini, quia et sanguis, qui a vastante angelo protexit, utroque postea respersus est, ut verum Agnum non minus ore corporis quam ore cordis sumi debere signaret, quia qui utrumque, corpus scilicet et animam venit redimere, utrique se voluit in sacramento suo communicare, ut dum anima crederet quod corpus gustaret, utrique una spes salutis æqualiter in Christo proveniret.

Videndum autem cum ad edendum Agnum lex dederit in calceamentis cætelam, ne a vitiis fallamur, in baculo disciplinam, qua perpetrata corrugamus, in lactucis compunctionem, ut non solum exterior, sed et interior pœnitentiam agamus, in festinatione, desiderii ardorem, quo ad cœlestia suspireremus ; cur accinctis renibus abstinentiam libidinis expressius indixerit, cum de cœteris vitiis nihil nominatim, sed communiter omnium vel cœtelam vel disciplinam figuraverit ?

Unde sciendum, quia Agnum Dei sine macula, qui Virginis est filius, luxuriosi et incesti sumunt præciculosius ; quia, cum in sacramento Christi ei uniri debeamus, conformitate passionis et munditiae, nihil sic adversatur passioni crucis, ut voluptas, nihil sic munditiae ut fœditas, nihil sic ejus unioni ut fornicariæ societatis unitas. Libido enim appetitus suo allicit et incendit, actu suo fœdat et enervat, usu lubricat et illaqueat : adeo ut placendo displicens, displicendo placens, difficile aut nullam sui pœnititudinem admittat, et nisi valida manu misericordiae Dei subventum fuerit, miserabil sine suo, amatores suos sine fine perdat. Ut enim prætermittam eam quæ extra naturam abominabilis est et nefanda, et intra naturam in incestibus et adulteriis detestanda, vel in fornicationibus et stupris lethifera, illa etiam in conjugiis quæ est licita, etiam si non ausert vitam, adeo tamen minuit coronam, ut cum virginitas centesimum, viduitas sexagesimum, coniugalis copula extreum et tricesimum referat fructum. Si ergo ita humiliat ; ubi quod non expedit, sanat indulgentia, quantum nocet illa, cui divina imminet indignationis censura ? Hæc enim pestis, quo præ cœteris vitiis est nature familiarior, eo ad cavendum difficultior ; quia, cum repellitur, nolenti se ingerit importuna, cum admittitur, volenti incumbit blande onerosa, et dum sic sensim infundit amorem suum, prorsus extirpat amorem cœlestium. Sed quid econtra faciendum est, ne percamus ? Quia ad vitam non pervenitur nisi per angustam viam difficultem ; sed, cooperante Deo, non impossibilem ingrediamur semitam, ut quia humana non proficit

mus, angelicam in terris vitam ducamus, quatenus castitatis munditia, corde et corpore Christi munditiae conformes, ne cœlesti alimonia indigne reficiamur: simus spe et conversatione cœlestes, quia panis angelorum nonnisi angelicæ vitae est stipendum. Unde etiam pravi dum communicare præsumunt, cibo qui incommunicabilis est pravitati, ut ait Apostolus, imbecilles sunt, et dormiunt multi, quia non dijudicant corpus Domini (*I Cor. xi, 30*):

A ut vel corporalis infirmitatis molestia corrigan tur per Dei misericordiam, vel dormitione mortis corporalis vitam amittant temporalem et æternam. Ad quod periculum vitandum consulens Apostolus ait: *Probet se homo, et sic de pane illo edat, et de calice bibat* (*I Cor. xi, 28*); quia revera sollicite debet perpendere cujus sit actionis, vel saltem intentio nis, qui tantæ vult fieri particeps communionis.

LIBER SECUNDUS.

CAPUT PRIMUM.

Quod sacramentum corporis Christi nullatenus sol-vatur in digestionem vel aliquam fœdam corrutionem.

Quia superiori libello de veritate et potestate corporis Christi, aspirante sua gratia, aliquantulum explicuimus, de ipsius sacramenti quæstiunculis, quantum Deus dederit videamus. Diximus superius non minus ore corporis quam ore cordis corpus Domini esse sumendum: sed ex hac ipsa visibili et corporali comeditione, quæ sacramento tenus fit, nascitur hæresis fœdissima stercoranistarum. Dicunt enim tantum sacramentum sicut corporali comedioni, sic et secessui esse obnoxium. Volunt autem hoc astruere cum multis argumentis, tum ipsius Christi testimonio, ita in Evangelio dicentis: *Omne quod intrat in os, in ventrem radit, et in secessum emittitur* (*Matth. xv, 41*), cum constet hoc eum dixisse non de spirituali cibo, sed de communi et carnali. His igitur obscenis hæreticis periculosum esset super hoc aliquid respondere, magisque dignum aures nostras obturare, nisi periculosius esset eos in scandalum Ecclesiæ talia proponere, et tantam eorum falsitatem nos nullis fidei catholicæ rationibus reverbare.

Quibus primum illud beati Hilarii opponimus (lib. viii, *De Trinitate*, n. 14, t. II, col. 223), quo non humano aut sæculi sensu in Dei rebus monet loquendum. Deinde illud ipsius sapientiae elogium: *Altiora te ne quæsieris, et fortiora te ne scrutatus fueris*: sed quæ præcepit Deus, illa cogita semper, et in pluribus operibus ejus ne fueris curiosus (*Eccli. iii, 22*). Quoniam enim modo panis efficiatur caro, vinum vertatur in sanguinem Christi, utriusque essentiae mutata natura, vel utrum vadant in secessum more ciborum communium, justus qui ex fide vivit scrutari et ratione concipere non querit. Unde Gregorius in Homilia paschali (hom. 22 in *Evang.*, u. 8, t. I, c. 1535): «*Quod ex Agno remanet, igne comburimus: quando hoc quod de mysterio lucarnationis ejus intelligere non possumus, potestati sancti Spiritus humiliter reservamus.*» Scimus enim hoc sacramentum omnimoda

reverentia esse a communibus escis secernendum. B Quia, ut ait Apostolus: *Qui manducat et bibit indeigne, non dijudicans corpus Domini*, id est a cœteris escis non discernens, etc. Licet enim simili modo, quantum ad comeditionem per os in ventrem mittatur, absit tamen ut tantum sacramentum secessui credatur obnoxium, in quo si buvusmodi naturæ ordo compleatur, mysterium fidei nimis sua indignitate humilietur. Si enim, ut ait Eusebius, haec hostia fide æstimanda est, non specie, nec exteriori censenda visu, cum hujus hostiæ substantia credatur Christus, cur pro specie panis, qua opertus est, adjudicatur ei secessus indignitas, cum exteriori specie vel visu non sit censensus? quod non solum est contra fidem, sed et contra naturæ rationem. In illis enim speciebus panis et vini, vel nulla est nisi corporis Christi substantia. vel fides nostra est irrita. Panis enim et vini substantia in corpus et sanguinem Christi conversa, dum facta est quod non erat, desistit esse quod fuerat. Si ergo substantia panis ibi non est, quid (49) defœdari et corrupti usque ad secessum potest? Nam substantia Christi, quæ vere ibi est, et in quam substantia panis et vini conversa est, nullatenus corrupti credenda est, quia incorruptibilis est. Unde Ambrosius: «*Corpus Christi alienum est ab omni corruptione quod quicunque religiose gustaverit, corruptionem sentire non poterit.*» Et merito. Quam enim incorruptionis gloriam nobis largiretur, qui in seipso tantam corruptionis ignominiam patet? Sed et qui, quamvis hoc mortis legibus debere videretur, corruptionem videre non potuit in sepulcro, quomodo corrupti credendus est in hominis stomacho? Cibi corporei qui angelis oblati ad comedendum leguntur, per divinam potentiam prorsus absulti, secessum naturæ suæ debitum evaserunt; et cibus spiritualis, qui dat vitam æternam mundo, incurrit secessum naturæ suæ in debitum, majestate indignum, potentia omnimodo contrarium? Unde Ambrosius in libro *De sacramentis* (*De mysteriis initianis*, c. 9, t. II, c. 341): «*His sacramentis pascit Christus Ecclesiam suam, quibus animæ firmat substantiam.*» Et post pauca:

(49) Alias defecari.

Quid edamus et bibamus per Prophetam Spiritus sanctus expressit, dicens : Gustate et videte, quoniam meus est Dominus (Psalm. xxxiii, 9). In illo sacramento Christus est, quoniam corpus est Christi. Non ergo corporalis esca, sed spiritualis est. Si ergo spiritualis et non corporalis esca, quomodo corporali secessui obnoxia? Cibus enim spiritualis nobis communis est cum angelis, quia panem angelorum manducavit homo; cibus carnalis, communis est nobis cum bestiis. Bestialis, defectum patitur digestionis; angelicus, gloriam servat incorruptionis.

Sed notandum quia escam quare Ambrosius non corporalem astruit, Augustinus corporalem dicit: in quo ne dissentiant, sciendum est quod Augustinus corporalem dicit, quia sacramento tenus corporaliter sumitur; Ambrosius corporalem negat; quia, cum substantialiter spiritualis sit, non corpus, sed animam vegetat. Quia igitur Augustinus secundum sacramenti speciem escam hanc dicit corporalem, ne in ipsis speciebus sacramentalibus corporalis deputetur secessus, quomodo nec in ipsis esse possit videamus.

In quibuslibet substancialiis formarum, colorum, savorumque qualitates fundantur, quae qualibet alteritate superveniente, non manent in eis, et quod sic mutantur, non sit corruptione secessus, sed sola sui alteratione defectus. Verbi gratia: cum albedo mutatur in nigredinem, nunquid defectu suo alicujus secessus patitur digestionem? Sic in formis et qualitatibus corporis Christi et sanguinis, si aliquis deprehenditur defectus, non usque ad secessum est humiliandus, quia cum a corporibus, quibus naturaliter insunt, sine stercore deficiant, quomodo que deficientibus substancialiis suis in sacramento Christi mirabiliter reservantur, defectu suo indignitatem secessus naturae suae contrariam incurvant? Sed et cum de ceteris sacramentalibus speciebus, columba scilicet et igne, in quibus sanctus Spiritus apparuit, Augustinus contra Maximinum dicat, quia corporales illae species, peracto significationis officio, transierunt et esse ulterius destiterunt, nihil indignius de his corporalibus speciebus quae Christi contegunt corpus, est sentiendum. Officium enim hujus visibilis sacramenti est corporali comeditione et potu ostendere, quod Christus Ecclesiae suae incorporetur: quid deinceps de ipso fiat, si supradictae rationes non videntur sufficere, Deo cuius est, fideliter et honeste committatur? Melius est enim Deo humiliter committere quod scire non possumus, quam perverse contra eum fingere, et sentire quod tamen nescimus.

Sed querunt dialectici, cum substanciali panis in corpus Christi conversa, jam non sit panis, in quo fundamento remanent qualitates ut idem qui fuerat panis color et sapor habeant fundari et existere, cum substancialia ipsius sacramenti, id est, corpus

A Christi, nec colore panis sit coloratum, nec sapore sapidum. Ad quod respondendum est, quod sicut Deus in omnibus est mirabilis, sic et in istis. Facit enim in suo sacramento accidentales qualitates existere per se, quod in ceteris est impossibile. Sed qui virginis dedit fecunditatem sine semine, quid mirum si sine substantialiis fundamento facit qualitates existere? Cum ergo in tanto sacramento non sit quae corrumpi possit panis et vini substantialia, sed tantum panis et vini, quae deficere quidem, sed ita (50) defecari non potest cum suis qualitatibus forma, qua etiam opera creditur, corporis Christi, quae est incorruptibilis substantialia, non est tibi de stercore suspicandum, ubi non est aliqua bujus fecunditatis natura, sed tantummodo di vine virtutis miraculum.

Non sunt igitur observanda Graecorum haereticorum, qui merito Stercoranistæ vocantur, deliramenta, qui dicunt participatione corporis et sanguinis Christi, solvi ecclesiastica jejunia usque ad crapulam, et ebrietatem ventrisque distentionem, putantes celestem escam velut terrenam indifferenter accipi, et in sordidum ventris secessum emitti. Sed absit a cordibus fidelium, ut in diebus jejuniorum quotacunque hora missæ celebrentur, solvi credant jejunium; quia, cum non sit corporalis, sed spiritualis esca, corporalis per eam non solvit abstinentia.

Sed nec observandum est quod in quibusdam apocryphorum monumentis decernitur, ne scilicet communis cibus accipiatur, donec sumpta sacramenta per se digerantur, ne vel commissione alterius cibi corrumpantur. Neque enim Dominus in cœna post esum agni paschalis sacramenta corporis sui dedit discipulis, si ex ciborum communium administratione corruptionem vidisset suis accidere sacramentis, quamvis Ecclesia non hoc imitabile in ipso decernat certis de causis, sed prorsus aliis. Dignum enim erat, ut ipse mediator Dei et hominum, finis legis, initium gratiarum, post esum agni paschalis, post completionem legis veteris, novo sacramento, novum gratiarum testamentum institueret ad vesperam, ut utrumque hoc in fine mundi se agere declararet. Dignum nihilominus ut Ecclesia, cui talis officia causa non suppetit, ut post umbram veritatem instituat, talem ordinem in Christo, non imitetur, decernens ob reverentiam tanti sacramenti, ut jejuno corpore dum sobrietas viget, carnis fervor quiescat, animus ad intelligendum serenior est, cibo spirituali howo interior prius resiliatur, quatenus ipse qui in nobis præminet, celestis cibi fortitudine corroboratus facilius regat corpus sibi subjectum, ne ad superflua vel noxia relaxetur. Unde Augustinus ad Januarium (51, n. 8, t. II, c. 126): « Placuit Spiritui sancto, ut in honorem tanti sacramenti in os Christiani prius Dominicum corpus intraret, quam ceteri cibi. » Neque enim quia prius cibos dedit

(50) Alias defecari.

Dominus, propterea pransi aut cœnati fratres ad illud sacramentum accipiendum convenire debent, aut sicut faciebant quos Apostolus arguit et emendat, mensis suis ista misere. Sed etsi quis spiritualiter refectus, ob eamdem sacramenti reverentiam aliquandiu jejunet, ut hospiti suo Christo sobria hilaritate condelectetur, bonum est, quamvis ablata omni suspicione stercore, sicut ante cibum, sic et post, in periculo vitæ constitutis dari concedatur si necesse est.

Sed opponunt haeretici : Si multi panes et multa vina sacrentur, diu hominem inde posse vivere, ut non de præterito, sed de hoc præsenti et diuturno victu illum astruant interim secessum habere. Dicent etiam aliquos per multa tempora hoc expertos, eo desiderio, ut etiam in hac vita cibo alerentur angelico, quos ne defectu propriæ carnis, ut in infirmitatibus solet, secessum habuisse videantur, ita eos carne vegetatos his cibis et saginatos, sicut et communibus astruunt, ut cum negatur defectus carnis, probetur secessus sacra fuisse communio-

Sed, Deo annuente, nec sic vincent haeretici, quia credendum quidem est, quod coelestis cibus qui confert vitam æternam potest, quibus sibi placuerit, conferre temporalem; sed, ne indigestionem solvi credatur, qui defectu carnis sua secessum facit infirmo, de ipsa carne nec tamen deficiente non potest secessum dare sano? Sareptanæ vidua lecythus consumebatur, nec minuebatur; et quid mirum si per tanti cibi virtutem caro aliquius comedens et vegetetur, et crescat, et digeratur, nec deficiat? Quinque panes hordeacei post saturitatem quinque millium hominum usque ad inopplendos duodecim copiosos creverunt; et cum illi, Deo jubente, in sua consuptione acceperint augmentum, quid mirum si eodem volente caro humana in sua digestione non patiatur defectum? Aliquos quidem de sanctis Patribus legimus nullum aliud edulium sumentes, sola communione Dominicæ diebus Dominicis refectos, multis annis vixisse, sicut Eliam in fortitudine cibi illius quem angelus ministraverat, quadraginta diebus jejunasse (*III Reg. xix*) sed cuius potentia, nisi illius, qui omnia quæcumque voluit fecit in celo et in terra? Qui enim de nihil fecit omnia, sicut potest carnem alere sine carnali victu, sic etiam ei dare secessum sine carnali defectu.

Sed iterum opponunt haeretici ad tanti sacramenti indignitatem, quod panis et vinum in sacramento mucidum vel putridum fiat, panis a muribus corrodatur, et in ventre eorum inveniatur, ignibus etiam comburatur.

Sed quia, ut ait Augustinus, ideo sacramenta dicuntur, quia in eis aliud videtur, aliud intelligitur, ita quod sit in eis, aliter videtur, aliter intelligitur. Sicut enim in quolibet corpore sine detimento substantiæ, albedo nigredine, vel quælibet qualitas superveniente contraria qualitate disperlitur, sic in

A sacramento Christi, qui quid mutationis specie tonus, vel formæ, vel cæterarum qualitatum seu sororium corrosione, seu vetustatis mucore, vel quibuscumque modis fieri videtur, ad sacramenti substantiam, Christum scilicet, non autem, quem certissime scimus incorruptum permanere in cœlis, quidquid in ejus sacramento coartare videatur in terris. Sicut enim in proprio corpore, modo horum lanus, modo peregrinus, modo phantasma, prout fides erat intuentum, apparuit, extrinsecus autem alapas, sputa, flagella suscitavit, sic etiam ad probationem fidelium et scandalum infidelium usque in fine saeculi talia fieri permittit in suo sacramento, uide electi exerceantur, reprobi inderentur. Dum enim Christus in sacramento occultatus, tanta que sua indignitate dissimulatus, non minus tamen ibi creditur esse, nec minore reverentia a fidelibus colitur; fides hoc modo probata, dum contra hoc quod videt de Deo sentit, majora meretur: infidelitas autem majori suo scandalo indurata damnatur, quæ ibi contemnit Christi reverori substantiam, ubi in repellenda sacramenti sui indignitate, nullam videtur ejus potentiam. Sed si ibi Christus vel sue præsentiae evidenter innotesceret, vel sue potentiae miraculis claresceret, quod fidei esset meritum, cui sue cognitionis laus manifestum daret experimentum?

C Fit etiam aliquando hujusmodi indignitas, ad puniendam vel corrugendam ministrorum negligentiæ, pro eo quod corpus Domini indigne tractaverint, vel contra ecclesiasticas regulas minus attente, vel diutius quam deberent servaverint. Nonne enim manna, si in alterum servaretur diem purificebat, quia interdictum erat a Domino; et tamen si pridie Sabbati collectum, usque in Sabbathum servaretur, incorruptam permanebat, quia sic erat institutum ab eo.

D Quidquid ergo deformitatis in Christi sacramento contigerit specie tenuis, non debet a nobis fidem extorquere veritatis ejus, quia qui in corpore suo cum verus Deus esset, multa indigna pertulit, nihilominus in sacramento suo perficit, quamvis vere ibi sit. Ut enim ait Gregorius in Dialogo suo (*Homil. 59 in Evangelia, t. I, col. 1651*), in specie leprosi Christus Martyrio monacho apparuit, qui cum bajulatus de collo ejus evanisset, subsequenter ait: « Quia non me erubisti, o Martyri, in terra, nec ego erubescere te debeo in celo. » Qnis igitur in sacramento Christi quilibet indignitates debeat erubescere, cum pro digna ejus reverentia coelestem remunerationem debeat obtinere? Senex Simeon Salvatoris quasi brutam et insensatam infantiam, ejusque exilem et debilem quam in ulnis gerebat formam, vilibusque pannis obsitam personam non attendens, majestatem Deitatis in tantillo corpore agnivit et credidit, Dominum vocavit, se ejus servum professus est, ut ab eo in pace dimitteretur oravit, salutare Dei se videre perhibuit, lumen esse ad revelationem omnium gentium, et gloriam plenis

sue Israel prophetavit. Ut ergo quaslibet indignitatis in sacramento Christi fides vera non erubescat, sciendum est quia, sicut multa aguntur in sacramento Christi quae non videntur, in eo multa videntur fieri quae aliter dispensantur. Gregorius enim dicit in ipsa immolationis hora celos aperiri, angelorum chorus adesse, etc., quae quamvis vere sunt, non tamen videntur (lib. Dialogorum iv, cap. 58, col. 472). Item idem ait: « Caro ejus in salutem populi partitur, ejusque sanguis funditur, sitque aliter quam videatur cum ipse integer perseveret et virus. » Sed quid mirum de his? Ipsum corpus Christi videtur panis esse, et non est panis. In eo igitur quod videtur esse et non est, fieri multa videntur quae non sunt, velut, quia Christus Martyrio leprosus apparuit, nunquid Christus speciosior sole, vera lepra respersus fuit? In vitis Patrum legitur, aspiciente quodam sanctissimo Patre angelum Domini quibusdam indigne communicantibus corpus Domini subtrahere, et pro illo carbones porrigerere. His igitur aliud videbatur, et aliud siebat. Item legitur Tharsitius martyr corpus Domini ferens, cum a pagani comprehensus requireretur quid ferret, et sanctum canibus dare nollet, martyrium obtinuisse. Cumque illi mortuo curiose quererent quid ferret, corpore Christi cibitus sublati, linteamina ... tantum quibus ipsum continebatur, reperta sunt. Sic et alia multa in hoc spirituali sacramento invisibiliter fieri credenda sunt, angelico ministerio.

Quidquid igitur in sacramento Christi specie tenus, ut dictum est, fieri etiam monstruose videatur, seu pro aliquorum negligentia panienda vel corruganda, seu pro fide probanda^{et} *in reuenda*, seu pro perfidorum scando et ruina, fidem Christi non evacuat, quia, dispensante aliter Deo, nullatenus ad sui corporis indignitatem attinere credendum est. Nec solum corpori Christi, sed et ipsi sacramento visibili eadem causa macorem negamus et putredinem, qua superius digestionem, quia cum illa species sine panis et vini substantia sint, quomodo mucescere et putrescere magis quam digeri possint, non facilis patet causa. Ipsi vero speciebus, cum non sint aeternae, defectum negare non possumus; sed ipsum defecum ita dicimus simplicem, ut nullam fidelitatis admittamus corruptionem. Possunt tamen videri mucidae et putridae, quamvis ita non sint, sicut Christus hortulanus, peregrinus, prout erant intuentium mentes; sed hac visione cum eis quibus sit ira agitur, ut supradictae cause in eis compleantur.

Quod autem ventrem distendere vel inebriare dicuntur, ne hoc quidem suum esse approbamus: sed quando ista (51) facere videntur, eisdem superficiliis causis id fieri credimus. Si autem in vomitu obrutorum vel infirmorum hujusmodi forma comprehenditur, vel etiam in ventre bestiarum quid aliud protenditur, nisi quia cum ebriositas vel impenitentibus infirmis, ut dignum est, manere contempsit;

(51) Alias ita.

A vel eos a quibus servari et sumi debuit bestiis detinores ostendit? Cum enim praeter peccatum Creatori, qui ubique est, omnia munda sint, quomodo videtur immundius esse in ventre muris quam in ventre adulteri impenitentis?

Quod autem etiam a religiosis incendio tradi, et ibi disparere dieuntur ipsae sacramentales species, non ad indignitatem Christi sit, quasi ignibus exarantes tradatur, quod impossibile est, cum sit omnium elementorum Deus, sed quoties aliqua talis indignitas ipsi sacramento negligenter acciderit, ut horrorem sumendi inquit ipsae sensuales species, quas ibidem Deus atroxissimo suo consilio post mutationem sue substantiae remanere voluit, ignibus traduntur, ut ostendant quod secum est, deficiendo et disparendo sine omni fœditate in illo purissimo ignis elemento.

Quapropter, sicut summa sumi reverentia, sic summa etiam servari debet diligentia; quia restante dignitate, tantaque salutis, negligentia vel obliuioni subjacere non debet, sed quod magna Dei gratia agitur, decet et oportet ut magna Ecclesiae sollicitudine, devote et indesinenter super omnia honoretur.

CAPUT II.

Cur visible sacrificium, invisibili Deo sit.

Queritur autem cum sacrificium Ecclesia constet visibili elementorum specie, cur Deus illud visibile esse voluerit, cum ipse invisibilis sit et a veris adoratoribus Patrem in spiritu et veritate adorandum esse dixerit (Joan. iv, 24), et Psalmista sacrificium Deo spiritum contributum astruxerit? (Psalm. L, 19.) Sed sciendum quia in sacramento visibili presentia invisibilis corporis sui exhiberi nobis voluit, ut sic nostram magis excitaret memoriam ad recolendam tantam suæ pietatis gratiam. Sicut enim cum omnia possit, non in nobis ipsis, sed in exterioribus almonis temporalem vitam nostram retinaci voluit, ne nobis debet videremur quod sumus, sed ei potius a quo sunt illa munera unde vivimus, sic etiam visibili suo sacramento quo vita aeterna pigius accipimus, admoneri nos voluit ejus gratias esse referendum quod ab ipso vitam aeternam accipimus, quam in nobis non habebamus, uno per nos perdideramus. Sicut ergo, teste Apostolo, invisibilita, ipsis a creatura mundi per ea quæ facta sunt intellecta conspiciuntur (Rom. i, 20), sic invisibilis presentia suæ signum sacramentum suum esse voluit, ut sic intellectum nostrum de sua reddens gratia certiore, affectum nostrum faceret erga se ardentiorem. Ne autem existimetur, cum ipse invisibilis sit, visibilium sacramentorum sacrificia ei non congruere, sit Augustinus in libro x De civitate Dei (cap. 19, tom. VII, c. 235): « Qui autem putant haec visibilia sacrificia diis alienis congruere, illi vero tanquam invisibili invisibilia, et majori maiora, meliorisque meliora, qualia sunt puræ mentis bonaque voluntatis officia, profecto nesciunt haec ita esse

signa illorum sicut verba sonantia signa sunt rerum. Quocirca sicut orantes et laudantes ad Deum dirigimus significantes voces, cui res ipsas in corde quas significamus offerimus; ita sacrificantes non alteri, visibile sacrificium offereendum esse neverimus, quam illi, cujus in cordibus nostris invisible sacrificium nos ipsi esse debemus. Sciendum enim est nos qui non solum spiritus, sed et corpora sumus, corporalia etiam sacrificia exhibere debere, ut sicut ex utrisque consistimus, ne quod otiosum remaneat, ex utrisque Deo corporaliter et spiritualiter serviamus.

CAPUT III.

Cur sacrificium Ecclesiae non constet solo sacramento, vel corpore et sanguine Christi sine sacramento, vel cur utroque.

Quæritur autem quare sacrificium Ecclesiae non constet solo sacramento, vel tantum corpore et sanguine Christi sine sacramento, vel quare utroque?

Ad quod respondetur: Quia si solo sacramento, id est, pane et vino consecrato et non mutato constaret, non esset causa, quare Novi Testamenti sacrificium Veteri Testamento superordinatum esset cum sicut illud tantummodo fuit umbra et figura futurorum, sic istud tantummodo esset et commemoratio præteriorum. Cum enim Christus dixerit: *Hoc facite in meam commemorationem*, quid nisi figuraret et repræsentaret præteritam Christi passionem? Conseruamus ergo novam umbram veteribus, simplicem simplicibus, ut quæ ex his præpolleant tam corporaliter quam spiritualiter videamus.

Cum enim præsens sacramentum, si tantummodo sacramentum est, corporalis cibus sit sicut fuit, nonne manna quod Deus de cœlo pluebat, et omne delectamentum saporis in se continebat, erat dignius et melius? Itenque panes propositionum, similitudines, et vituli, et cætera quæ ille populus sacrificabat, nonne meliora erant ad reficiendum, quam modicum panis et vini vix ad degustandum? In novo enim sacramento ablata fide gratiæ interioris, exterior species in panis mica vel vini gutta nullius est aestimationis, quia et in eo ideo nullius aestimationis exteriora facta sunt, ut ei quæ interius creditur gratiæ, omnis impenderetur summa devotionis. Cassa enim videretur tot hominum assistentium, et huic sacramento ministrantium vel adorantium veneranda sedelitas, nisi ipius sacramenti longe major crederetur quam videretur veritas et utilitas. Cum ergo exterius quasi nulla sint, quibus tanta impenduntur venerationis obsequia, aut insensati sumus, aut ad intima mittimur magna salutis mysteria.

Sed et sacramentali officio non præpollet novum veteri. Cum enim sit memoria tantum et figura passionis Christi, tanto indignius est novum renuntiando præterita, quod memoria cujuslibet hominis est, quanto vetus melius et divinus est, prænuntiando eadem futura, quod solummodo prophetia

A divinæ est. Si enim panem non vere carnem Christi sed umbratice tantum in memoriam crucifixæ ejus carnis dicimus, nonne novum sacramentum umbratum et figura, sicut et vetus erit? Ideo autem deterius, quia illud umbra futurorum fuit spiritualiter, istud præteriorum carnaliter. Sed et effectus non præpollet, quia nec peccata remittit, nec coeli janua aperit. Cum enim solummodo vetus in cibis et potibus et variis baptismatibus, et justitiis carnis non potuerit juxta conscientiam perfectum facere servientem, ut ait Apostolus, quia umbram quidem futurorum bonorum habebat (*Hebr. x, 4*), non ipsam imaginem rerum, quomodo novum similiter sit umbra remissione peccatorum, profectu virtutum, juxta conscientias munditiam, perfectum servientem reddere poterit? Quia ergo vetus in hac vita, perfectam meritorum conferre non potuit gratiam, ideo nondum reserata paradisi janua non statim post hanc vitam, perfectam mercedem contulit, se distulit coronam, sanctis quidem animabus requiem tribuens a labore, sed requiem cum gloria non retribuens pro labore. Cum igitur nec ventris saturitate, nec sacramentali prophetia, nec effectu spiritualis gratiae, temporalis et æternæ, novum veteri præpollet, quomodo magis quam illud proficere habeat? Nisi enim in hac vita conferat plenitudinem gratiae, post hanc vitam non conferet plenitudinem quietis et gloriæ. Si ergo novum sacramentum neque corporaliter neque spiritualiter melius esset antiquo, quare ei superordinari deberet nulla esset ratio. Quid ergo dignius contulisset Christus quam Moyses, Filius Dei in domo propria, quam servus in aliena? Si autem umbram umbra mutaret nec compleret, quando vel a quo veritas veteribus sacramentis figurata et promissa complenda esset, si ille qui veritas est, non veritatem, sed umbram pro umbra daret? Dedit ergo Ecclesia sue Veritas veritatem, Christus corpus suum et sanguinem, ut quod vetus umbra non poterat, ipse redemptionem remissionemque peccatorum, quam semel fecerat in cruce, faceret similiter in altari quotidie, et quotidiano peccatorum contagio salubrioris quotidiano subveniret remedio, idemque ipse qui futurus erat electis vita et premium, in præsenti esset medicina et viaticum. Nisi enim ipse sacerdos qui eos penetrat, fieret nobis via ad seipsum, cœli janua nobis clausa foret in æternum: quæ ideo post passionem Christi reserata est credentibus, quia idem qui est sacerdos sacrificium factus unitur sibi commorientibus, ut dum unum flunt cum ipso, ubi ipse est (52) ipsi sint in ipso. Unde etiam ad magnam spem justis et peccatoribus, in passione Christi, eadem die latro, eadem die justus, eadem die cum Christo in paradisum est assumptus, præ omnibus justis prius; ut non solum constaret eadem die paradisi januam hominibus reserata, sed et constaret Dei gratiam non articulo temporis astringi, non peccatorum quantitate vinciri, cui

(52) Alias ibi.

ad æternæ vitæ præmia statim conferenda suscepit A vix unius horæ penitentia post tot flagitia. Quis ergo dubitet Christi passionem vere omnium peccatorum esse remedium, quæ tam sero, tam cito, quasi omnium peccatorum primitias justificavit et salvavit sceleratissimum? Tantam gratiæ prærogativam in sacramento Christi beatus Ambrosius intuens, ait in sermone De sacramentis ad neophytes (De myst. c. 8, l. II, col. 537), nova sacramenta veteribus præferebantur: « Summo studio volumus comprobare, quod et antiquiora sunt sacramenta Ecclesiæ quam Synagogæ, et præstantiora quam manna. » Et paulo post: « Probatum est antiquiora esse Ecclesiæ sacramenta, nunc cognosce potiora. Revera mirabile fuit quod Deus manna pluerit patribus, sed tamen qui illum panem manducaverunt, omnes in deserto B mortui sunt. Ista autem esca quam accipis, iste panis vivus qui descendit de cœlo, vitæ æternæ substantiam subministrat et corpus est Christi. Considera nunc utrum præstantior sit panis angelorum an caro Christi quæ utique est corpus vitæ. Manna illud e cœlo, hoc supra cœlum. Illud cœli, hoc Domini cœlorum. Illud corruptioni obnoxium, hoc alienum ab omni corruptione. Illis aqua de petra fluxit, tibi sanguis e Christo. Illos ad horam satiavit aqua, te sanguis diluit in æternum. Judeus bibit et sitit; tu cum biberis, siti non poteris. Illud in umbra, hoc in veritate. Si illud quod miraris umbra est, quantum istud est, cuius et umbram miraris? Cognovisti præstantiora. Potior est enim lux quam umbra, veritas quam figura, corpus auctoris quam manua de cœlo. » Et paulo post: « Accipe quod dico, diviniora esse sacramenta Christianorum quam Judæorum. Jure ergo nova sacramenta superordinata sunt veteribus, quæ ita eis præminent veritate, dignitate, potestate et gratia, ut omnia compleant quæ illis fuerant immobilia. Quam vere enim Christus seipsum daturus est sanctis ad gloriam in futuro, tam vere ad omnem gratiam dat seipsum Ecclesiæ suæ modo, quamvis non ita manifeste sed sub sacramento. Si enim sine sacramento velamine corpus suum et sanguinem daret, qnis sumere non abhorrebet? »

D Ut enim superius aiunt Augustinus et Hieronymus, homines hominem comedere, flagitiū esset aut facinus, quia interdictum est divinis et humanis legibus. Unde etiam discipuli audientes quod carnem suam daret ad manducandum et sanguinem ad bibendum, putantes quod crudum aut coctum aqua, vel veru assūm, visibiliter daturus esset seipsum, recesserunt ab eo, dicentes: Durus est hic sermo. « Igīt, ut ait Ambrosius (lib. De sacram. vi, cap. 1, col. 380), ne plures hoc dicerent, velut quidam eset horror crux, sed maneret gratia redemptoris, ideo in similitudine quidem accipis sacramentum, sed veræ naturæ gratiam virtutemque consequeris. »

Et ut probemus Christum salubrissimi sumi cum sacramento quam sine sacramento, quid inde pro-

veniat; modis omnibus attenteremus. Aut enim eum vivum sumeremus aut mortuum. Sed sumi mortuum est impossibile cum sit immortalis: Christus enim resurgens ex mortuis, jam non moritur (Rom. vi, 9). De cætero, quam vitam ali eo speraremus quem mortuum sumeremus? Non igitur per partes concisum, vel elixatum, vel assatum, ut illi putabant, possunus eum sumere. Si autem vivum, aut in eo statu quo fuit ante passionem, aut in eo quo fuit post resurrectionem. Sed si in eo statu quo fuit ante passionem, quis deglutire posset hominem triginta annorum vivum et integrum? Quod si etiam fieri posset per eamdem potentiam, qua ipsum corpus integrum per integra matris virginalia traxerit, non ergo fides haberet meritum, cui tanta evidenter sua ratio præberet experimentum. Si autem in eo statu quo post resurrectionem est, glorificatum ergo corpus summum quale in cœlo est ostendens, intolerabilem claritatem suam oculis intuentium offerret, et non sustineret humana fragilitas. Unde Augustinus in libro ad Orosium: « Clarificata carne utique Christus resurrexit, sed noluit in ea clarificatione discipulis apparere (Matth. xvii), quia non possent oculis talēm claritatem perspicere. » Si antequam moreretur et resureret, quando transfiguratus est in monte, discipuli eum videre non potuerunt, quanto magis clarificata carne Domini eum videre non potuerunt? Si autem sua potentia claritati visum nostrum contemperaret, non suo loco aut tempore in contemplationem suæ gloriæ reuinseritionem suam nobis præordinans, meritum auferret, quia amplius laborare non liberet, sicut et Petrus in transfiguratione dixit: Bonum est nobis hic esse; faciamus hic tria tabernacula (Matth. xvii, 4). Quod, ut ait Leo, non erat improbum sed inordinatum. Unde et ipse Christus filios Zebedæi petentes sibi sedem a dextris ejus vel a sinistris (Matth. xx, 20), prius misit ad laborem quam ad requiem dicens: Calicem meum bibetis, quia vidit eis magis expedire, ut per meritorum ordinem dignius et fructuosius ad præmia pervenirent.

Quia igitur nec per se sacramentum, nec per se expediebat in sacrificio suo dare corpus suum, sacramentum unum omnibus legalibus sacramantis dignius superordinavit, quo et nobis predictas incommunitates horroris vel splendoris corpus suum abscondendo auferret, et veritate sui corporis umbras et figuræ sacrificiorum veterum complendo ut superfluas repelleret, et eis ipsa sui sacramenti figura quia plus quam figura est, præcelleret. Licet enim Augustinus dicat quia sacramenta in signis diversa sunt, in re quæ significatur paria, hoc tamen singulare sacramentum, dum figura et corpus Christi est, sicut Joannes, quia quod prædicti ostendit, propheta et plus quam propheta fuit (Matth. xi, 9): ita etiam hoc sacramentum figura est et plus quam figura, significando quidem per consignificantibus, sed significans et significatum existendo, præcellens tantum significantibus. Nec

solum plus Dominus umbras et figuras veteres ut A superfluas, superveniente novitate et veritate sui sacrificii disputit, sed et multiplicitatem sacrificiorum veterum singularitate sui sacrificii abbrevians, occupationem exteriorem nobis minuit, beneficiorum nobis gratiam multiplicavit, uno unico suo sacrificio redemptionem remissionemque peccatorum faciens, profectaque fidei, ceterarumque virtutum, ad vitam æternam perducens. Sciendum enim quod ideo Deus tam multa sacrificia dedit in lege, ut nullum eorum sufficiens esse ostenderet, quia cætera essent superflua, si unum sufficere posset, ut unum suum sufficiens magis desideraretur, et interim in eis, et si modicum sentiret suffragium in eorum tamen multitudine majori occuparentur exercitio, quo Deum disserent colere, et ab idolorum cultura recedere, et certiori tot figurarum instruerentur testimonio quo futuram veritatem non dubitarent sperare.

Egregium igitur et super omnia excellens sacramentum nobis providit Deus in sacrificio suo, quo corporis et sanguinis sui veritatem panis et vini qualitatibus tectum abscondit digna causa, ne sileat infidelibus pateat, et eorum blasphemias vilescat, neve nos judicent inhumanos et crudeles, utpote humani corporis comedentes et sanguinis bibitores. Fidelibus autem quibus paravit ad salutem, in panis et vini specie et sapore sumendi fecit aptitudinem, ne, ut superius dictum est, si carnis et sanguinis humani colorem videret, saporemque sentiret, humana pietas abborret; C splendore autem ejus si intolerabili præstringeretur, stuporem inenti, incurreret; si gloriose demulceretur, bonorum operum torpore hebesceret. Sicut enim carnalem nobis occupationem abstulit, extirpata multitudine sacrificiorum veterum, ut mentem spiritualibus expediret; ita inusitatis quibuslibet sacrificii sui circumstantiis impedire voluit, quo spiritualius et liberius nos sibi in suo sacramento uniret. Ne ergo insolita visione mens turbaretur, consuetam suo sacramento reliquit speciem, ut ad interiora contemplanda puriorem fideli dirigeremus aciem. Per acceptancem enim hujus sacramenti Christus perfecte uniri et incorporari debemus, et in hac vita conformitate innocentiae quantum possumus, et post hanc vitam simili beatitudine quantum digni fuerimus; nec decet ad exteriora distendi, nec ad multiplicia dissipari, quos ab omnibus, ut unum cum Christo sint, oportet recolligi.

Quod tamen Ecclesia sue Deus voluit esse tam fructuosum, non omnimodo voluit esse otiosum; quia, dum in mysterio, quod non est appareat, quod est occultatur, fidei lucta proponitur ut meritum augeatur; dum contra hoc quod videtur, credens quod non videtur, de credita intus veritate, de superata exteriori falsitate dupliceum assequitur gratiam. Cætera enim Christi miracula cum sint infidelibus in signum ut convertantur, hoe solum fidelibus datur ad meritum ut illo erudiantur. In illis enim quæ Deus in extrinseca materia fecit, roboratur fides,

B in hoc autem solo quod ex seipso facit, fides exercitatur, ut victa et invicta felicius coronetur. Victa, inquam, ne comprehendat, sed invicta ne diffidat; dum exteriores quidem sensus, objecta panis et vini specie, colore, odore et sapore, ipsum quod fuerat mentiendo, paneum et vinum quod non est nituntur astruere; interior autem intellectus, ipsum quod est corpus scilicet Christi contemplans, nec comprehendere sufficiens, non tamen desistit credere.

Hanc credendi difficultatem sancti attentes et caventes, de hac sacramentali confectione astruenda diu multumque laboraverunt, quia non solum invisi bilitate, sed etiam inusitatum esse viderunt, et admirabile, ut invisibilis sacerdos, visibiles creature in substantiam suæ carnis invisibiliter convertat, et quod terrenum est cœlestis faciat, ut qui pro nobis tanta in se operatur, nobis de nobis majora promittat. Qui enim aquam pro nobis figurate oblatam sicut et vinum pro se oblatum in veritatem et unitatem sui sanguinis mutat in suo et nostro sacramento, quanto magis nos secum faciet unum in æternitatis suæ præmio? Sed et in tanti mysteriis fidei, intellectus intrinseci et exteriorum sensuum luctam subinnuens ait Angustinus in sermone De verbis Domini: « Quod videtis in altari panis et calix est, quod etiam oculi vestri rennuntiant, quod autem fides postulat instruenda, panis est corpus, calix est sanguis. »

Sed potest animo cuiuspiam cogitatio talis suboriri, Dominus Jesus Christus novimus unde carnem acceperit, de virgine Maria scilicet, nutritus est, crevit, sepultus est, resurrexit, cœlum ascendit, illuc levavit corpus suum, unde venturus est judicare vivos et mortuos. Ibi est modo sedens ad dexteram Patris. Quomodo ergo panis corpus ejus, vel quod habet calix, quomodo est sanguis ejus? Ista ideo, fratres, dicuntur sacramenta, quia in eis aliud videtur, aliud intelligitur; quod videtur, speciem habet corporalem; quod intelligitur, fructum habet spiritualem. In quo videtur innui, quasi quæratur cum Christus in humana forma rationabiliter se gesserit, vel natura humana, vel potentia divina, et in cœlo usque ad diem judicij corporaliter manus sit: quis corpus Christi huc deduxerit, vel panem nostrum illuc levaverit, ut tam subito in corpus Christi mutari possit? Quod quia ineffabile est, quomodo corpus Christi hic fiat, et ibi maneat, ad intelligentiam spiritualem et fidem talia cogitantes revocat, qui etsi sciri non potest, credi potest; quia quod videtur, non materiale corpus panis est, sed species corporalis; quod autem intelligitur Christus est, qui omnia quæcumque vult in cœlo et in terra potest. Sicque dum exteriorum sensuum testimonio non acquiescit, nec interiore inquisitione comprehendens, de veritate tamen non titubat; sit per Dei gratiam, ut in tali suo agone fides nostra exerceatur, excreendo augeatur, augeendo perficiatur, perfecta coronetur. Unde Au-

gustinus in sermone super Joannem LXVIII (n. 5, col. 680): « Fides quæ eorum, qui Deum visuri sunt, quandiu peregrinantur, corda mundantur; quod non videt, credit. Nam si vides, non est fides. Credenti colligitur meritum, videnti redditur præmium. Eat ergo Dominus, eat ne videatur, lateat ut credatur; credilius desideretur, ut desideratus habeatur. Quia ergo in hac peregrinatione nostra expedit latere Christum ut credatur, » etc.

Bene igitur Christus sub sacramento dedit nobis scipsum, ut per hoc nobis et fidei meritum, et gratiae suæ angeat beneficium: dum in terrena quadam, et prorsus stolidæ panis et vini forma, majestatem sapientiae Verbi Dei substantialiter comprehensam, incomprehensibilem credere et venerari non erubescimus, quæ quantitate et qualitate sua ita ejus excellentiae videtur indigna, ut nullatenus etiam æstimari debeat, nisi quia ipse est Deus, qui omnia quæcumque voluit fecit in cœlo et in terra, nisi quia etiam caro ejus ipsa est cui data est omnis potestas in cœlo et in terra, ut potestate tali sit in unitate personæ in cœlo et in terra quandocunque, quomodo cumque sibi placuerit. Hac fide ipsum sacramentum quasi divinum quiddam adoramus, quasi vivum quiddam et rationabile alloquimur et rogamus: Agnus Dei qui tollis peccata mundi, misericordia nobis; quia non quod videtur, sed quod vere est, Christum ibi esse credimus.

CAPUT IV.

Cur fides tantopere exigatur in hoc sacramento corporis Christi.

Quæritur autem quare fides tantopere exigatur in hoc sacramento? Quia videlicet falsa fide inundus perii, quando Adam plus diabolo quam Deo credere præsumpsit, dum in ligno scientiæ boni et mali velito plus speravit divinitatem assequi, quæ ab hoste promittebatur, quam incurrere mortem quam Deus minabatur. Sicut ergo diabolus non umbram in ligno inobedientiæ, sed ipsum verum et visibilem fructum exhibens, promisit id quod non videbatur, scilicet, *eritis sicut dei* (Gen. III, 5), sic et Deus non umbram, sed ipsum qui in ligno pendit obedientiæ, in suo visibili sacramento exhibens, promittit vitam æternam quæ non videtur, ut dum ea re plus ei modo creditur quam hosti, ut dignum est, sanetur hac vera fide illa perfida fides, qua olim plus diabolo quam sibi injuste creditum est. Sicut igitur non in ligno velito, sic nec in Christi sacramento debet visus aut gustus, sed fidei vigere judicium, quia sicut pomum visu decorruunt et suave ad comedendum, cibus vitalis videbatur, et mortem intulit, sic è contrario sacramentum corporis et sanguinis Christi videtur cibus mortalitatis nostræ, cum vere vita æterna sit. Quapropter utrique rei media vera fides videtur necessaria, Adæ, ut crederet mortem esse in pomo, et ita

A vitaret; nobis, ut in sacramento Christi vitam credamus, et ita assequamur. Utrique (53) enim ex se contrarium visui esse effectum parit, illud dum videotur cibus voluptatis et vitæ, mortem inferens; istud dum videotur cibus mortalitatis vitam æternam exhibens. Sicut igitur a Petro post trinam negationem tria confessio repetita est, sic ab homine ut salvari possit, pro perfida fide qua periit, vera fides exigenda est, quia tantum sacramentum nec sine fide potest intelligi, nec nos etiam per illud sine fide salvari.

CAPUT V.

Cur magis consecretur in pane et vino et aqua corpus et sanguis Christi, quam in cæteris corporum speciebus.

B Quæritur item quare in pane et vino consecretur magis corpus Christi quam in cæteris corporum speciebus, cum cibo mortalitatis non videatur apte vita immortalis designari? Sed sciendum quia Christus in hoc sacramento non se hoc modo significari voluit, quo se habet cum Patre per naturam, sed quo se habet nobiscum per gratiam; quia non scilicet quod sit Patris sapientia, sed quod sit omnium hominum vita, ut sic suam charitatem nobis magis commendaret, et nostram erga se magis accenderet. Vita vero æterna, cum in corporum speciebus nulla perfecta similitudine exprimi potuerit, nulla tamen aptiori quam illa, quæ aliquo modo vita est, quia humanae vitæ alendæ et retinendæ congruit. Quia eniū C temporalis cibus et potus noster vita æterna esse non poterant nec debebant, nomine eorum et specie Christus se significari voluit vitam æternam, ut non solum consueta cibi similitudine congrueret in sumendo, sed et eadem cibi similitudine nobis proficeret in sperando: dum scilicet, sicut cibus et potus sunt nostra vita temporalis, quandiu Deo placuerit, sic et multo amplius ipse panis colestis sit vita æterna, quibus ipso voluerit.

D Et quid miram si Creator creature conserre posset vitam æternam, cum etiam creature creature retinere potuerit æternaliter eam? Sicut enim lignum vitæ in paradiso positum est, quo æternaliter homo in corpore viveret, sic Christus in Ecclesia lignum vitæ seipsum posuit, ut in se creditibus vita æterna esset: quod non solum fuit ipsius Christi mysterium, sed et fidei nostræ magnum firmamentum. Quia si hoc creature non viventi fuit naturale, ut corpori vitam æternaliter retineret, quanto magis vero ligno vitæ viveritis, creatori Christo est omnipotens, ut corpori et animæ gloriōsius conferat æternaliter vitam? Unde etiam quia cibo et potu ita vivimus, ut alterutro carere nequeamus, utrumque in sacramento suo esse voluit, ne si alterutrum deesset, quasi imperfecto vitæ signo, ipse non plena, sed imperfecta vita signari videretur.

Dignum etiam fuit, ut eisdem speciebus quibus alitur et creaturæ caro et sanguis in quolibet homine

(53) Alias utrumque.

naturaliter, consecratur etiam in Dominico homine spiritualiter, non solum propter commodiorem aptitudinem sacramentalis perceptionis, sed et ut adjuvetur fides aliqua evidentia similitudinis, quia si panis in carnem, et vinum in sanguinem cuiuslibet transformatur naturaliter, quanto magis, si Deus voluerit, in carnem et sanguinem suum transfertur omnipotentialiter.

Se! et aliis speciebus non potuit optius significari in nobis unitas sue incorporationis, quam eis quae in communib; cibis et potibus familiarius et verius solent incorporari nobis. Item ipsius Ecclesiastici corporis unitas ad invicem optius signatur: quia sicut panis ex multis granis, et vinum ex multis acnis, sic Ecclesia ex variis personis colligitur. Item, quia panis et vinum proprio proprius cibus et potus est, non bestiarum sed hominum; ideo Christus utriusque est usus mysterio, ut singularis et propria hominum crederetur refectione, cui etiam postmodum per apostolos aquam admisceri voluit, qui communis potus est bestiarum et hominum, ut ad unitatem tanti mysterii pertinere signaret, non solum justorum sed et peccatorum, si ponitare vellent, consortium: ut quod suum erat, ipse per se in exordio sacramenti prius exsequeretur, et nos quod nostri erat mysterii postmodum adderemus. Idem (54) autem cibus mortalitatis videri voluit exterius in sacramento, cum intrinsecus vere vita eterna sit, nostro contemplaverit mysterio, ut quia eodem suo sacramento interius renovamur ad vitam, nec tamen exterius immutamur ad immortalitatis gloriam, ita in suo sacramento nihil exterius immutaretur, sicut et in nobis nihil exterius innovaretur: cum tamen interius idem hoc in nobis inveniremus, quod de ipso crederemus, quia: vitam de vita recipereimus. Quia igitur nos needum apparemus quod sumus, ideo Christus noluit apparere quod est, ut sit desiderabilior, qui tunc quidem apparebit quod est, quando nos apparebimus quod sumus, ut sit gloriior. Unde divus Joannes in Epistola sua: *Filii Dei sumus, et nondum apparebit quid erimus* (I Joan. III, 2). Et Paulus: *Cum autem apparuerit Christus vita nostra, tunc et nos cum ipso apparebimus in gloria* (Colos. III, 4). Sicut ergo in Euanus peregrinis a fide peregrinus apparuit in specie (Luc. xxiv, 13), sic nobis peregrinis in mundi exilio peregrina et extranea sibi specie apparebat in sacramento, ut quia quod de nobis exterius apparebat mortale est, mortalitatis cibus ipse exterius videatur, cum tamen per ipsum qui immortalitatis est aliquid, intus vere et invisibiliter mors eterna sanetur.

CAPUT VI.

Cur sumpto corpore Christi non statim etiam in carne vivamus eterniter, cum ipsum sit vita eterna.

Quæritur etiam quandoquidem tantum sacramentum vita est, cum Christus dicat: *Qui manducat*

A meam carnem et bibit meum sanguinem, habet vitam eternam (Joan. vi, 55), quare non statim etiam in corpore per vim tanti sacramenti vivimus eterniter, cuni ipse non in futuro dixerit, *habebit vitam eternam, sed habet praesentialiter?*

Sed sciendum quia sicut Adæ dictum est: *Quacunque die retitum comederas, morte morieris* (Gen. II, 17), et tamen eadem die non in corpore, sed in anima mortuus est, sic Christus dicit *Qui manducat meam carnem, et bibit meum sanguinem, habet vitam eternam*, non quod in corpore statim eterniter vivat, sed ut animam quæ prius in Adam mortua fuit quam corpus, per unitatem tanti sacramenti resuscitatam astricta, ut scilicet recto ordine, ipsa quæ peccando a Deo, qui vita eterna est, divisa, prius fuit mortua, per communionem tanti sacramenti, iterum conjuncta Deo et unita credatur, et sit sicut prius rediviva. Quia enim peccando Adam a Deo divisus est, ideo Deus postmodum in morte corporali, dividuum eum facit a seipso, ut in corporis et animæ divisione cognosceret, quia ipse ejus anima, Deo qui vera est vita, non adhæsisset. Quia igitur mos exterior, mortis intrinsecæ tam erat figura quam poena, ideoque hinc terrendo, hinc monendo erat quedam ipsius culpæ medicina. Si Deus prius abstulisset poenam medicinalem, quam culpam mortiferam, incurabiles non redderet, quia ablata poena magis condelectaremur culpæ, et ita culpa vigente et obstante, nullus divinae relinquetur locus gratiæ. Cum igitur culpa mors sit animæ, interim punienda erat per temporalis mortis molestiam, et sic sananda per gratiam, ut interim in regno mortis amaritudo passionum et laborum, peccata excoquens, purgaret, et ita gratia coelestis virtutum germina, quo liberius eo uberior inserens, nos vitæ eternæ reformaret.

Propter peccatorum igitur excoctionem et purgationem non erat interim mors temporalis auferenda, sed eterna, ne aut immundi et impuri requiem obtineremus illicitam, aut imbelles et inimiciti, justitiae recipremus mercedem nobis indebitam. Non enim esset divinæ discretionis æquitati condignum, ut vel sociata sibi perversorum inimunditia suam suscaret puritatem, vel immeritorum ignavium remunerans, nullo magis merito boni quam lapidi tantæ gloriæ largiretur dignitatem. Ne itaque peccati obstinatione incurabiles fieremus, magna sua gratia mortem non abstulit temporalem ne in eternum moreremur; vitam eternam distulit, ut majori etiam merito, majorique fructu recipremus; quia pro certo nisi ita esset, ad fidem Christi omnes convolarent, tantummodo propter præsentis vitæ eternitatem; et ita dum tante securitatis torpore non exercebentur ad bonum, futuræ gloriæ Christi manus omitterent lucrum. Unde etiam Deus Adæ miscericorditer prohibuit lignum vitae, dicens: *Videte ne forte sumat de ligno vite.* Quia si ille qui in

(54) Alias Qnod.

anima perierat per lignum inobedientiae, viveret etiam in carne aeternaliter per concessum lignum vite, ex toto periisset; dum carne aeternaliter vivens, et in anima peccando aeternaliter moriens, incurabilis esset ut daemones, vel etiam post hanc vitam cum carne viciuri aeternaliter ut mali homines. Mali enim etiam in corpore vitam aeternam habebunt, quam tamen magis mortem dixerim, quia Deo qui vere vita est, non placebunt, et ideo sine divina gratia misera eis erit aeternitas, quia aeterna miseria.

CAPUT VII.

Cum temporalibus meritis aeterna retributio fiat.

Quæritur iterum quare aeternitas felicitatis vel poenae retribuatur temporalibus meritis, recatus vel justitiae?

Ad quod respondendum est, quia Deus non temporalem actionem sed perpetuam boni vel mali remunerat vel damnat voluntatem, que si in aeternum viveret, in aeternum in suo proposito permaneret, ideoque juste aeternitatem retributionis aeternitati voluntatis appendit. Unde etiam cum ut ait Apostolus, passiones hujus temporis non sint condignae ad futuram gloriam, que revelabitur in nobis; quia si ab initio mundi usque ad finem (Rom. viii, 18), non modo quis pro Deo laboraret, sed et pateretur, non tamen esset condignum, ut hoc temporali commercio aeternitatem mercaretur, ne tamen malis diutius licet peccare ad majorem sui poenam, ne etiam bonus in mundi exilio tuleret vivere, si nimis foret eius dilatio ad patriam, breviauit Deus humanæ vitae dies propter electos, ne pravorum afflictione, vel nimio suo labore deficerent. Sed et ne minutio temporalis laboris aliquod aeterni premissi videtur dispensandum, ipsius precursoris sui vitam quo nemo major, ipso teste, surrexit, triginta duorum et semis annorum esse voluit, cui etiam ipsius, qui super omnes est, eodem numero consummavit, ut quia Deus non curat ex quanto tempore, sed ex quanto corde sibi servatur, perfectionem meriti non tempori ascriberet, sed virtuti. Ecce enim in tantillo tempore plenam obedientiam Deo Patri servavit, quod nullus ab origine mundi facere potuit. Et quis diutius eo vixisset, si temporis diuturnitate in, et non virtutem meritorum perfectioni sufficere vidisset? Sed et quomodo Joanne nemo major surrexisset, cum abraham, Isaac et Jacob, et ceteros quamplures in obsequiis divinis diutius laborasse constet? Sed evidens est pro certo, quia etsi plures eo laboraverunt diutius, nemo serventius et purius qui tempore juventutis suæ inventus est in tentatione fidelis et fortis, quo caro spiritui semper magis est rebellis, adeo ut occidens etiam Herodem increpare non metueret in carcere, quia fratri suo uxorem suam praesumpserat tollere.

CAPUT VIII.

Cur panis in carnem, et vinum in sanguinem per se consecrentur.

Quæritur quoque quare panis in carnem, vinum

A in sanguinem per se consecrentur, et illud per se caro, et illud per se sanguis dicatur, cum in carne totus Christus, et in sanguine totus Christus sumi credatur, nec tamen divisim duo Christi, sed in utroque unus solus Christus?

Ad quod respondetur, quia iste mos inolevit in Ecclesia ab ipso Christo, qui corpus suum et sanguinem divisim consecravit et dedit, non ad divisionem substantiae suæ, ut illi duos Christos acciperent, cum in utroque unum Christum acceperint, sed ad discretionem figuræ, ut panis dum dentibus teritur, carnem Christi in passione attritam, et dum vinum in ora fidelium funditur, sanguinem de latere Christi fusum signaret.

Sed nec ideo corpus et sanguis per se dicitur, B quasi corpus exanime, et sanguis effusus et divisi a corpore credi debeat, cum utrumque unus sit Christus immortalis, indivisus; sed in memoriam passionis ejus ita dicitur, quia in ipso sacramento mortem Domini annuntiare debemus. Unde etiam aqua in sacramento admiscetur, non solum ut capiti suo Christo, populum ecclesiasticum uniri significet, sed etiam ut aquam que de latere Christi cum sanguine fluxit, representet. Dicuntur autem duo diversa sacramenta panis et vinum, quantum ad diversas suas species, cum tamen sint unum, quantum ad unam eamdem suam significationem. Unde Augustinus sacrificium Ecclesiae dicit duobus confici, duobusque constare: uno scilicet sacramento, quia panis et vinum idem significant, et una re sacramento, quia corpus et sanguis unus est Christus. Alioquin non duobus, sed quatuor constaret Ecclesiae sacrificium, essentque sicut duo sacramenta panis et vinum, sic due discretæ res sacramenti, corpus et sanguis, quod est impossibile, cum Christi corpus non sit exsangue et mortuum.

Ideo etiam corpus et sanguis divisim in sacramento videntur, ut quia Christus pro nobis mortuus est, nos qui corpore et anima perieramus, corpus per corpus, et animam per animam redimens, corpus et animam suam pro nostra redemptione in morte divisa fuisse signetur, dum corpus ejus in sepulcro jacuit, anima vero ad liberandas sanctorum animas ad inferna descendit. Cum igitur in tali mysterio corpus per corpus, anima autem Christi significanda esset per aliquam visibilem speciem, nihil inventum est in creaturis, per quod vicinus et aptius representaretur, quam per sanguinem, qui est sedes animæ. In quo etiam ut signetur animas nostras et corpora, animæ Christi et corpori uniri et conformari debere, simul corpus et sanguis sunt in fidibus, ut sumpto corpore et anima Christi, toto Christo totus homo, in anima et corpore vivificetur; dum ipsa caro Christi, ut dictum est, non exsanguis et mortua, sed viva et vivificatrix creditur. Unde, ut ait Augustinus, nec caro sine sanguine, nec sanguis sine carne, jure communicaatur. Item Gelasius Majorico et Joanni episcopis: Comperimus quod quidam sumpta tantum corpo-

ris sacri portione a calice sacri cruxis abstinunt, A qui procul dubio aut integra sacramenta accipiunt, aut ab integris arceantur, quia divisio unius ejusdemque mysterii, sine grandi sacrilegio non potest provenire (55). »

CAPUT IX.

Cur corpus Christi magis consecretur in pane candido quam nigro, vel cuiuscunque coloris, cum sanguis consecretur in cuiuscunque coloris vino.

Quæritur autem quare in candido pane consecretur magis corpus Christi, quam in nigro, vel cuiuscunque coloris, cum sanguis consecretur in vino albo vel rubro, vel cuiuscunque coloris.

• Pane quidem cuiuscunque annonæ sive coloris non prohibetur fieri corpus Christi, si necessitas fuerit; sed decet revera cum candidissimum esse et mundissimum si facultas non desuerit, qui transferri debet in splendifissimum corpus immaculati Agni. Sicut enim mucor et vegetas in tali sacramento prohibentur, ne irrogent sumentibus fastidium, sic in eo nihil debet esse, quod sumendi minuat desiderium.

CAPUT X.

Cur magis consecretur corpus Christi in pane azymo quam fermentato.

Item quæritur quare in azymo pane consecretur caro Christi magis quam in fermentato, vel fæcato, cum sanguis consecretur in vino seu defecato et puro, seu cum fæce, ut musto de racemis statim expresso? Quare igitur fæx vel fermentum in pane refutatur, cum recipiatur in vino quo idem sacramentum conficitur?

Ut ergo supra dictum est, panis et vinum unum sacramentum est; quia in utroque unus Christus est, utrum ergo ex azymo an ex fermentato pane corpus Christi confici debeat inter Latinos et Graecos magna concertatio est, in tantum, ut illi istos Azymitas, isti illos Fermentarios quasi cuiuslibet heresist notent vocabulo, cum tamen, ut multis bonis catholicis videtur, non sit contra fidem Christianam seu azymum seu fermentatum sacrificetur (56), tum quia utrumque panis est, et sicut utrumque vitam transitoriam, sic corpus Christi dat æternam, tum quia etiam quamvis Christus de azymo pane corpus suum fecerit (forsitan non quia res quæ fierbat hoc exigebat, sed quia coenæ in qua hoc factum est, panem aliud non exhibebat), panem tamen fermentatum non prohibuit. Quamvis enim in veteri lege præceptum sit azymum panem in pascha comedì, ut per eum figuraretur Christus sincerus et mundus fore, et nos etiam qui manducaturi eramus corpus ejus, similiter moneremur purgari ab omni fermento malitiæ et nequitiae; figura tamen tali in pane illo non indigemus, de quo carnem Christi conficimus, quia qui de figura veteri ad veritatem transivimus, azymam et puram carnem Christi in quoconque pane consecratio sumimus.

(55) Apud Gratian. De consec. dist. II, c. 12, p. 454.

Astruunt etiam, quia sicut ad invocationem divini nominis, quæ in nullo sacramento nullari creditur, sed sola per Dei gratiam omnia in omnibus operatur, non obstat vel prosunt sacerdotum merita, quo magis vel minus sunt ecclesiastica sacramenta, sic nec color, nec species aliqua panis et vini obstat vel pradest, quo minus vel magis corpus Christi fiat, dum tantummodo sit panis et vinum, quorum substantia, ut Christus præcipit, in substantiam corporis Christi et sanguinis transeat.

Dicunt tamen Graeci Latinos injuste azyma immolare, cum azyma veteris testamenti sit, et Christus omni vetustate ablata, utpote praesente veritate saluti humanæ superflua, non in azymo, sed in fermentato novum testamentum instituerit. Contendunt B enim quia novum testamentum non perficie instituisset, nisi omnino vetus tam in azymis quam in cœteris suis ritibus desistuisse. Delestantur ergo Latinorum sacrificia, quia in eis ipsoe judaizare reputant, immolando azyma.

Dicunt econtra Latini Christum in azymo pane novum testamentum instituisse, quia cum XVI linea ad vesperum vetus testamentum compleverit et novum instituerit, fermentatum in cœnæ finibus Israel inveniri non licuit; quapropter quia cena ipsa in qua hoc factum est panem tantummodo azymum exhibebat, azymo pane novum testamentum instituit. Quod si Christus non Judaizando fecit, quis nos eum irritando judaizare dixerit? Sed opponunt Graeci Christum fermentatum panem mirabiliter sibi exhibuisse, sicut de quinque panibus legitur millia hominum pavisse.

C Econtra Latini: Quia hoc miraculum eum fecisse non legitur, licet potuerit, quod tamen secerit nulla auctoritate firmatur; præsertim qui eotenus ita legem servaverat, ut ex ea nec iota unum solvere voluerit. Quia enim natus ex muliere, factus sub lege, debitor legis extiterat; si eotenus legem solvisset, legem transgrediendo peccator fieret, causa quo nostræ salutis periret. Nisi enim omnino innocens et mundus pro nobis immundis et injustis occumberet, non alienæ, sed suæ culpa debitum moriendo solvere, et sic Adæ peccato non deleto, regnum mortis æternæ non cessaret. Cum enim de observantiâ azymorum lex dicat: *Quicunque fermentatum comedenter, peribit anima illa de Israel* (Exod. XII, 15), justam occisionis suæ causam Judæi invenissent, si eum ut legis transgressorum punirent. Qui enim adversus eum tam studiose tot falsos testes subornaverunt, proditore ipso qui coenæ interfuit deferente, tam justam causam non reticuerint.

D Opponunt Graeci: Quia et si ante passionem legis debitor fuit, post resurrectionem legi nihil debuit, quia, ut ait Apostolus, Christus resurgens ex mortuis, jam non moritur, mors illi ultra non dominabitur, quod enim vivit, vivit Deo. Quoniam igitur post resurrectionem non legi, sed Deo vivit, ideo

(56) Hæc est vera sententia

ipse nil jam legi debens, baptismum novæ gratiæ, quod ante non fecerat, in remissionem peccatorum non Iudeis tantum, sed et omnibus gentibus prædilecti et præstari instituit. Unde etiam astrarunt, quia etiam Christus panem azymum consecraverit, non tamen hoc imitandum sit in ipso, sicut nec circumcisio cum baptisme, nec celebrationem veteris paschæ cum novo usurparus : quamvis ipse ut mediator novi testamenti ac veteris, illud complendo, istud instituendo, peragere sit dignatus ; quia ante passionem quidem aliqua novi testamenti ac veteris pro sua dignitate rite perfecit, sed post resurrectionem omni legalis vetustatis umbratica superfluitate remota, solius gratiæ veritatem omnibus instituit.

Dicant econtra Latini, quia revera hoc salubriter imitandum est in ipso, quod Ecclesie suæ faciendum tradidit, exemplo, testimonio, præcepto. Cum enim dixisset : *Panis quem ego dedero, caro mea est pro mundi vita, azymum panem benedixit, fregit et dedit, dicens : Hoc est corpus meum quod pro vobis tradetur.* Et addidit : *Hoc facite in meam commemorationem.* Cum ergo testatus sit azymum panem corpus summ factum, et sine exceptione præcepit hoc in sui memoriam faciendum esse ; quis, attestante Deo, non credit azymum panem corpus Christi fieri ? quis ad hoc idem faciendum non obediatur præcipiunt, sub exemplo idem faciendo ? Si mortiferum scisset Christus fidelibus suis fore de azymo corpus suum confidere, sicut cætera peccata ne hoc ficeremus interdixisset, vel saltem facere non præcepisset. Nunc autem cum dixerit, *Hoc facite, et azymum non exceperit, quis audet excipere quod ipse non exceptit ? ant quis audet prohibere quod ipse in sacramento suo non prohibuit ? Sed ipse faciens, nos hoc ipsum facere præcepit.* Cum dicit, *Hoc facite, convenienter subauditur, quod ego ; quis æque competenter subaudire andeat, sed non de hoc unde ego ?*

Ihem, si mutandum est fermentato azymum mutetur etiam quolibet alio liquore vinum. Si enim vinum recipitur, cur azymum refutetur ? cum sicut ex azymo, sic ex vino Christus vetus pascha linierit, et novum inchoaverit, et utrumque nobis in sacramento suo æque celebrandum tradiderit ? Judæi autem æque utuntur in suis cæremoniis vino sicut et azymo. Hoc utique Christus faciens, non fecit tantummodo ut præceptum de azymis in pascha servaret, sed etiam ut fermentarios quos prævidebat, reprobans, azymitas approbaret ; aut certe si etiam fermentarii approbarentur, ipse azymita, azymitas præponeret. Si enim divina sacramenta per eas elementorum species quæ digniores sunt, celebrare debemus, quem panem digniorem existimabimus (57), quam eum quem et vetus lex ad significandam, et Evangelium elegit ad exhibendam Dominici corporis veritatem ? In lege azymus panis afflictionis dicitur, ut per hoc etiam nos, qui memoriam passionis Christi in sacramento recolimus, animas nostras

A affligere doceamus. In gratia enim, ut ait Apostolus, non in fermento veteri, sed in azymis sinceritatis et veritatis epulari monemur (*1 Cor. v, 8*), ut per azymum sinceri et puri esse debere signemur.

Quid igitur ad consciendum Christi sacramentum dignius, quam illud quod et veritate et figura, salutem omnimodis operatur ? Nec tamen figuris utentes judaizare putandi sumus, quia licet in hoc idem faciamus quod Judæi, non tamen eadem causa facimus qua et ipsi, quia non facimus ut judaismum servemus. Et cum ipsi suis figuris futura tantum portendant, non Christum per azymum signum qualicunque futurum significamus, sed potius quod sine fermento, id est, infectione peccati fuit ille cuius corpus immolatur, representamus : et nos ipsis, secundum Apostolum, ut epulemur non in fermento malitiæ et nequitiae, sed in azymis sinceritatis et veritatis adinonemus.

Cum ergo nos Christum non tam futurum ut Judæi, qui figurant futura ei exspectant, sed fuisse purum, ut Christiani significemus, et nos tales fieri qualis ipse est, moneamus : in azymo frustra nos reprehendunt Græci, nisi forte velint, ut quia vetera transierunt, in quibus futurorum umbras necessarie erant, nullis figuris utuntur Christiani. Ubi est quod ait Apostolus : *Concepulti sumus cum Christo per baptismum in mortem* (*Rom. vi, 4*), si baptismus non est nobis figura mortis Christi et sepulturæ ? Sed forte non eisdem nos uti volunt figuris, quibus illi utuntur in suis cæremoniis ? Sed si idem velatur azymum quia eo utuntur Judæi in ritibus suis, ita etiam eorum vetetur fermentatum, quia eo etiam utuntur Judæi in sacrificiis suis. Unde in Levitico : *Offeret panes fermentatos cum hostia gratiarum, quæ offertur pro pacificis* (*Levit. vii, 13*). Item in eodem : *In Pentecoste offeretis panes primitiarum de duabus decimis similæ fermentatae* (*Levit. xxiii, 17*).

Quia ergo nulla ratio cogit ut azymum a Christi sacrificio repellatur, dignum est ut quod Christus instituit, omnis autem Ecclesia præter Græcam a primordio sui ex traditione principum Ecclesiæ, Petri scilicet et Pauli, celebravit, indesinenter conservet, donec Christus ad judicium veniat, sicut ipse instituit. Si enim quia Apostolus ait : *Vetera transierunt, ecce omnia facta sunt nova* (*1 Cor. v, 17*), credantur transisse omnia, et perisse veteris testamenti instituta, ibi est dilectio Dei et proximi, ubi sunt præcepta Decalogi, ubi est ordo levitarum et sacerdotii, dedicatio altaris et templi ? Hæc omnia ab illis ad nos non deficiendo, sed proficiendo transierunt. Encænia, Pascha, Pentecosten, Quadragesimam, quia in veteri lege instituta sunt, celebrari non desistimus ; pontifices, sacerdotes, levitas, reliquosque ecclesiasticos ordines ad exemplum veterum instituimus, et cætera quæplura in hunc modum.

(57) Alias existimabimus.

LIBER TERTIUS.

CAPUT PRIMUM.

Quod sancti quibusdam suis auctoritatibus videntur astruere, hæreticorum sacramenta esse irrita et noxia.

Quia de peccatoribus ministris, sed tamen ecclesiasticis, quod vera et rata sacramenta celebrant astruximus, nunc de extra Ecclesiam peccatoribus hæreticis scilicet vel schismaticis, quamvis non rata, si saltem vera sint quæ celebrant, videamus: maxime quia sancti aliquibus in locis ea sacramenta esse negant, et potius ea sacrilegia vocant.

Et quia de corpore et sanguine Domini, quod præsentis est negotii, major est dubitatio, de ipso, ipso auxiliante, sed et de cæteris, præsens fiat disputatio. Positis ergo auctoritatibus quibus sancti hæreticorum sacramenta detestantur tanquam irrita, et quantum ad ipsos noxia, subjungamus auctoritates et rationes quibus astruantur, quantum ad Deum, vera et sancta.

Ait Augustinus: « Extra catholicam Ecclesiam veri sacrificii locus non est. » Pelagius papa Victor et Pancratius inter cætera: « A schismaticorum sacrificiis, potius autem sacrilegiis abstinere debetis. » Item idem ad eosdem: « Non est corpus Christi quod schismaticus conficit. » Item Augustinus in Enchiridio (cap. 5, t. VI, c. 196): « Si quæ ad Christum pertinent cogitentur, nomine tenus invenitur Christus apud quoslibet hæreticos: re autem ipsa non est apud eos. » Item Cyprianus (58): « Constat eos oleum unde baptizati unguntur sanctificare, et eucharistiam apud illos fieri non posse: ubi spes nulla eum, et fides falsa, ubi omnia per mendacium geruntur. » Item Ambrosius in libro De initiandis rudibus (De myst., cap. 4, t. II, col. 330): « Non sanat baptismus perfidorum, non mundat sed polluit; quia in barum diluvio aquarum ad Deum non approximatur. » Item Hieronymus in Aggœum prophetam (cap. 2, t. VI, c. 764): « Omne quod fecerint hæretici, vel quod mihi obtulerint, vel vota vel cætera, contaminata erunt in conspectu meo. Quamvis enim sancta videantur specie sui, quæ offeruntur; tamen quia tractata sunt ab illo qui pollutus est in anima, polluuntur omnia. » Item B. Gregorius in Dialogo (lib. III, c. 31, t. II, col. 345): « Superveniente Paschalis festivitatis die, ad Erminigildum perfidus pater Ariannus episcopum misit, ut ex ejus manu sacrilege consecrationis communionem perciperet, atque per hoc ad patris gratiam redire mereretur. Sed vir Deo dilectus-ejus a se perfidiam dignis increpationibus repulit. » Item idem: « Cur non perpenditur quia benedictio illi in maledictio-

(58) Ita legitur in sententia episcoporum 87 de hæreticis baptizandis (inter opera S. Cypriani, pag. 330), quam damnavit sedes apostolica.

A nem convertitur, qui ad hoc ut fiat hæreticus promovetur? » Item: « Sacerdotium illuc subsistere non arbitror. » Item Cyprianus: « Ad hæc omnia accedit etiam illud malum, ut antistes diaboli undeat eucharistiam facere, cum nec sanctificari illuc oblatio possit, ubi Spiritus sanctus non est. » Et paulo post: « Falsa altaria et illicita sacerdotia, et sacrilega sacrificia, et omnia adulterata singentes: inter ethnicos et publicanos computentur omnes, quos constat a charitate atque unitate Ecclesiæ catholice recessisse. Ergo omnia quæ faciunt hæretici carnalia sunt, inania et falsa. Non statim suscipienda et assumenda sunt, quæ jacentur in Christi nomine, sed quæ geruntur in Christi veritate. Quomodo enim perfidere quæ agunt, et impertrare aliquid a Deo possunt, qui contra Deum quod ei non licet moluntur? » Item Gregorius in Moralibus (lib. XXIII, c. 4, col. 733): « Hæreticorum sacrificia Deo accepta esse nequeunt, nisi pro eis universalis Ecclesiæ manibus offerantur. » Item idem (lib. XV, cap. 3, n. 13, col. 1148): « In una namque domo agnus comeditur: quia in una catholica Ecclesia vera hostia Redemptoris immolatur. »

Ilis omnibus auctoritatibus videtur sancti astruere, extra Ecclesiam ab hæreticis vel schismaticis corpus Christi confici non posse cum nec Christus, nec Spiritus sanctus, per quem omnia sanctificantur, sit apud eos, nec locus sacrificii, nec sacerdotium subsistat apud eos: et ideo offerant sacrificia sacrilega, inania et falsa. Ad hoc etiam accedit, quod cætera sacramenta forma sunt tantum et figura sanctorum effectuum, non ipsa veritas, possuntque apud hæreticos vera quidem dici quantum ad formam, et inania et falsa, quantum ad effectus gratiam, quam apud eos non conserunt. Sed sacramentum corporis Christi cum nullatenus sit sine corpore Christi, si verum est apud hæreticos, nullatenus est inane et falsum apud eos, quia ubicunque est sacramentum corporis Christi, ibi et Christus, qui non est inanis et falsus, sed semper verus. Si ergo sacrificium eorum est sacrilegium, cum Christus sit sacrificium, ergo Christus est sacrilegus. Si non est acceptum Deo, ergo Filius in quo sibi Pater complacuit, Patri non est acceptus. Si non est accipendum et assumendum ab hominibus, ergo ille qui adorandus est ab angelis, est ab hominibus reprobandus et respondebus.

Quod de Christo, qui Agnus immaculatus est, sentire est nefarium, ut alieno scelere aliquatenus eum credamus contaminandum, qui omnia peccata mundi solus pertulit et abstulit. Ne ergo aliquatenus.

nus de eo credatur hoc inconveniens, consentiunt Pelagio, quod non sit corpus Christi, quod schismaticus conficit, et Cypriano, quod apud haereticos eucharistia fieri non possit, voluntque invocationem divini nominis, quam Gregorius sacralegam consecrationem vocat, in hoc irritam duci, qui Cyprianus dicit non statim suscipi debere, que jactatur in Christi nomine, sed quae geruntur in Christi veritate, ut dum omnino nihil esse astruant, quod haeretici confidere videntur, ignominiam illam a Christo auferant, quam sancti de sacrificiis, vel cæteris haeritorum sacramentis attestantur.

CAPUT II.

Quod solius Dei sit, omnia sacramenta facere semper vera et sancta quantum ad ipsum.

Sed si ita est credendum, quam late pateat inconveniens videamus. Primum invocationem divini nominis in sacramentis suis annullari, credere nefas est. Ait enim Augustinus ad Parmenianum (lib. II, c. 6, t. IX col. 32) : « Sacrificia, inquit, impiorum execratio est Domino. Etenim inique offerunt illa. » Et post pauca. « Sacrificia ergo impiorum eis ipsis offerunt qui offerunt impie. Nam unum idemque sacrificium propter nomen Domini quod invocatur, et semper sanctum est, et tale cuique sit, quali corde ad accipendum accesserit. » Item idem in homilia super Joannem 80 (n. 3, t. III, col. 703) : « Unde ista tanta virtus est aquæ, ut corpus tangat et cor abluat, nisi faciente verbo? Non quia dicitur, sed quia creditur. » Item ad Donatistas : « Si Deus adest sacramentis et verbis suis, per quoslibet adjunxit, et sacramenta Dei ubique recta sunt, et mali homines quibus nihil prosunt, ubique perversi sunt, id est intus et foris. » Item : « Ergo non foris, sed nec intus quisquam qui ex parte diaboli est, potest in se vel in quoquam maculare sacramentum quod Christi est. » Quomodo enim posset maculare in malus quod non potest consecrare vel meliorare bonus, quod solus efficit Christus et nullus aliis? Si enim alias efficeret, jam ad Christum non attineret. Sed quod bonum sine summo bono esse posset? Quamvis ergo omnia sacramenta Christi esse dicantur et Ecclesiæ, non tamen ita ut in eis Ecclesia Christo, quasi par conseratur, sed ut particeps Christi gratiæ astruatur, ut et solius Christi sint, quantum ad potestatem qua sunt; et Ecclesiæ, quantum ad utilitatem qua conseruntur, ut in eis et ille suam exhibeat gratiam, et illa suam suppleat indigentiam. Sciens enim Christus vel hominum peccata impedire, vel merita non sufficere ad vitam, sacramentorum suorum adhibuit gratiam, ut Ecclesia quod minus habet in meritis, divinis credens suppleri sacramentis, quanto in sua imperfectione Deo esset humilior, tanto in superabundantia beneficiorum ejus fieret perfectior. Quod ergo suis Christi gratia reservavit privilegios, nihil debere voluit ministrorum meritis vel officiis, sed quod secum est ita fecit sibi liberum, ut nec eorum

A dignitate sit melius, nec indignitate deterius, ne vel boni divino operi superaddidisse videantur, tanquam Deo meliores, vel mali minore, tanquam contra Deum fortiores, vel tanquam sint ipse Deus suum omnino deputare quod omnino divinum est. Ne ergo sacramenta Ecclesiæ bonorum vel malorum hominum, sed solius Dei esse astruantur, apud omnes indifferenter quantum ad se, vera et sancta esse creduntur; ut cum apud omnes ab eodem eadem sint semper, sicut Deus incommutabilis seipso nunquam pejor vel melior est, sic et sua sacramenta incommutabilitatem apud omnes eadem nunquam seipsis sint pejora vel meliora.

CAPUT III.

Quod sacramenta Christi pro meritis ministrorum fieri credenda non sunt, ne pereat unitas sacramentorum et Ecclesiæ.

Si enim pro meritis ministrantium apud hos vel illos melius vel pejus fieri putarentur, jam non Christi gratiæ, sed eorum meritis ascriberentur, et cum quidlibet nunc pejus nunc melius, non idem sed diversum sit, jam non staret unitas baptismi vel corporis Christi; quia baptismus ejus in his vel illis melior vel pejor, esset diversus, et similiter corpus Christi diversum. Si enim a malo mala, a bono bona, a meliori meliora fierent sacramenta, nonne pro variis meritis hominum, varia essent baptismata et Christi corpora? Et si multa corpora Christi, ergo non unus sed multi Christi; nec una Ecclesia, sed multæ, quod est nefas. Et quia constat multis Christos non esse, de unitate baptismi et Ecclesiæ videamus, ut de majori magis pateat, quod de minori sacramento probabitur.

Ait Augustinus super Joannein homilia 6 (n. 6, col. 332) : « Per hanc potestatem quam Christus solus sibi retinuit, et in neminem ministrorum transfudit, quamvis per ministros baptizare dignatus sit, per hanc stat unitas Ecclesiæ, quæ significatur in columba de qua dictum est: *Una est columba mea* (Cant. vi, 8), una est matris suæ. Si enim transferretur potestas a Domino ad nos, tot essent baptismata quot ministri, et non staret unitas baptismi. Quamvis ergo baptizent sive justi sive inconti, non tribuitur sanctitas baptismi, nisi illi super quem descendit columba, de quo dictum est: *Hic est qui baptizat in Spiritu sancto* (Joan. I, 33). Petrus baptizet, hic est qui baptizat; Paulus baptizet, hic est qui baptizat; Judas baptizet, hic est qui baptizat. Nam si pro diversitate meritorum baptismus sanctus est, quia diversa sunt merita, diversa erunt et baptizata. Sed quomodo cum baptizat bonus et melior, non idem iste bonus accipit et ille melius, sed unum est et æquale quod accipit: sic et eum baptizat malus; quod datum est, unum est, nec impar propter inparres ministros, sed par et æquale, propter *hic est qui baptizat*. »

Sed ne putetur dictum de his malis, qui vel ignorantur aut tolerantur in ipsa Ecclesia, ait Augustinus:

nus ad Cresconium grammaticum (lib. II, c. 21, t. IX, c. 422) : « Si queris quonodo baptizent quos damnavit Ecclesia, respondeo, sic eos baptizare, quomodo baptizant quos damnavit Deus, antequam de illis quidquam judicaret Ecclesia. » Item (lib. III, cap. 5, n. 6, c. 438) : « Si inter bonos ministros, cum sit alius alio melior, non est melius baptismus qui per meliorem datur, nullo modo est malus qui etiam per malum datur, quia idem baptismus datur ; et ideo per dispare ministros Dei munus aequale, quia non illorum, sed ejus est. » Item idem in libro VI De baptismo (cap. I : IX, col. 161) : « Etiam corde tardiores intelligent baptismum Christi nulla perspicuitate dantis vel accipientis posse violari. » Item idem in 6 : « Illud et in honore justo, et in homine iuncto semper sanctum est, quod neque alienus sequitur augetur, neque alicuius iniuritate minuitur. » Item idem in libro III De baptismo (cap. 2, col. 113) : « Catholica Ecclesia propterea non debet iterare baptismum qui apud hereticos datus est, ne judicare videatur iporum esse quod Christi est, aut eis non habere, quod intus cum accepterint, amittere utique foras excundo non possunt. Unus igitur idemque baptismus Christi est apud omnes, bonos scilicet et malos, damnatos et non damnatos, hereticos et non hereticos : ita ut per dispare ministros munus Dei semper aequale sit, quia non illorum sed ejus est, nec melius nec pejus quantum ad sanctitatem, nec minus quantum ad veritatem ; non a dante vel accipiente violatum, non recedenti ab Ecclesia amissum, non redeundi iterandum, ut in quo nullius momenti omnia hominum judicantur merita, sola Dei valore credatur gratia. Si enim pro meritis suis ab Ecclesia recedendo possent amittere, permanendo obtinere, quod ipsi possent conferre vel auferre, iporum non Dei videtur esse. » Item quod recedenti esset amissum, redeundi esset iterandum, si reuertitque duo baptisniata, quibus bis renasceretur spiritualiter, semel natu carnaliter. Item, si quod sit apud hereticos non est sacramentum, quod cum illis refutatur, iporum non Christi esse judicatur. Item annullatur apud eos invocatio divini nominis, iteranda ut valeat a Catholicis ; sicutque gratia Dei iam quasi per se impotens, quod valet hominum meritis debet, jam ubi non gratuita, sed meritis hominum obnoxia, dum apud hereticos nihil sine meritis, apud Catholicos autem operatur tantum pro meritis, et ita gratia iam non est gratia.

Unum igitur idemque apud omnes in sua veritate credendum est esse baptismus, ut catholicus eadem in sua unitate Ecclesia. Sicut enim unus est Pater noster qui est in celis, sic et sponsa ejus mater nostra Ecclesia una est quae generalis, sic et unum baptismus quo generalis ; quia, licet diversa sint aquae diversi locis et temporibus, non tamen confitetur nisi unum baptismus in remissionem peccatorum ; quia, teste Apostolo, unus Dominus, una fides, unum baptismus (Ephes. IV, 5). Similiter et diversi baptisni,

A semper unum baptismus. Si enim quot baptisni tot patres regenerare crederentur, esset regenerationis generatione deterior. Generatio enim carnalis ab uno homine coepit, ne contra se humana propage erigeretur, et a se dividetur per superbiam, si non ab uno, sed ab isto et ab illo melius et pejus habuisse originem primam. Quam multo deterior regeneratio spiritualis non ab uno Deo, sed ab isto et ab illo melius vel pejus fieret, si tot patres quot baptistas haberet. Secunda enim generatio nihil amplius conferens quam prima, non celestis sed terrena, sicut et prima, diceretur ; Aliisque Ecclesia terrenis patribus renati, quia filii Dei non essent, nec haeredes Dei, nec cohaeredes Christi fierent, quia in regeneratione sua tantu patris nobilitate et haereditate orbati essent. Ecclesia etiam divisa tot Patribus, variorum schismatum confusione periclitaretur, dum ego Apollo, ego autem Cephar, ego autem Pauli (I Cor. I, 12) ab omnibus adulterinis filiis, quasi in divisionem Christi perstreperetur. Et quae esset charitas ubi non esset unitas ? Cum igitur radix omnium bonorum sit dilectio, Ecclesia sine dilectionis unitate omnium bonorum privaretur et merito et praevio.

CAPUT IV.

Quod Deus pretiosa sacramenta in non pretiosis speciebus posuit, non ut essent vilia et abjecta, sed gratuita.

Ne ergo Ecclesia tot Patres habere videatur, quibus unitatem suam dissipet, et a nobilitate custodi degeneret, omnia sacramenta solius Dei creditur esse, quae quam gratuita, quam utilia, quamque magnifica fecerit, studeamus perpendere, et cum viderimus de quantiis rebus quanta Ecclesiae sue conferat, si enihi Dei sint ipsa, et per ipsa operari manifestissimum fiat. Omnes sacramentales species natura vel quantitate sua ita nullius aestimationis sunt in pretio, ut ad sacramentalem dignitatem nullo suo assurgere videantur privilegio : nisi quod dum naturali similitudine sua effectus sacramentalis praetendunt umbram vel imaginem, ad similem sancti Spiritus gratiam percipiendam magis acrebunt et certificant idem. Verbi gratia : In quatuor speciebus Ecclesiae sacramenta maxime consistunt, aqua scilicet, oleo, pane et vino. Aqua, licet omnibus sit necessaria, nulla tamen sua venalitate est pretiosa. Oleum vero, panis, et vinnum in sacramento ita paucitate sua effugient pretii quantitatem, ut nullam nisi in spirituali gratia sibi vindicare videantur utilitatem. Quod tamen non ideo fecit Deus, ut quia sacramenta sua specie tenus venalitati non sunt idonea, magis vilia videantur et abjecta, sed magis gratuita, ut dum in eis nihil videtur valere, nisi quod suum est, omnes de eis sibi soli habereant gratiae, qui in suis beneficiis nostram abstulit expensam ne gravaremur, nostra contulit incomparabilem gratiam, ut hilarius juvaremur. Si enim in quibuslibet pretiosioribus speciebus sacramenta sua Deus instituisset, que natura et quantitate sua ita essent pretiosa, ut mundus

totes non sufficeret ad ea comparanda, non quidem sacramentorum esset digna comparatio, sed difficultas et onerosa pauperibus ad ea fieret accessio. Ideo que ut gratia Dei omnimodo esset gratuita, in sacramentalibus speciebus non quæsivit dignitatem, sed aptitudinem. Quia enim aqua extinguit, mundat, et candidat præ ceteris liquoribus, ideo etiam in baptismate, carnis incentivâ extinguit, peccatorum tam originalium quam actualium labem abluit, innocentiae candorem reducit: et dum sic cœlestis Patria imaginem reformat, filios adoptionis regenerat. Oleum vero, quia athletis est congruum, incendio et lumini obnoxium, ut contra spirituales nequitias humana fragilitas fortius muniatur, oleo chrismaris et baptismate et in confirmatione perungitur, ut sic datus Spiritus geminæ dilectionis, animam fidei illuminet, dilectione inflammet, spe cœlesti muniat et roboret. Quia vero panis et vinum homini incorporatum, vita est temporalis, ideo Christus hoc sacramento nobis tanquam caput membris incorporatus fit vita æterna fidelibus. His tribus sacramentis baptismus rite perficitur: ut quia in Trinitatis nomine celebratur, Trinitatis etiam fidem suo ministerio attestans, per aquam Deo Patri nos regeneret, per corporis et sanguinis Christi communionem Filio Dei ad vitam nos concorporet, per oleum unctionis Spiritus sancti virtute confirmet, ut qui in initio regenerationis tanta Dei gratia indigni præveniamur, non desperemus ad vite palmam perduci, si cum eadem admitti voluerimus.

CAPUT V.

Quod tanta sunt Dei sacramenta ut omnium hominum superent merita.

Cujus ergo est tantam conferre gratiam, nisi solus Dei, qui in sacramentorum suorum excellentia ita omnium superat merita, ut ad eorum dignitatem vel potestatem aspirare omnino judicentur indigni? Quis enim de filiis diaboli potest regenerare filios Dei, nisi Pater Deus? Quis peccatores justificare potest, nisi qui pro peccatis nostris mortuus est Christus? Et cum spirituale sit quidquid in baptismismo geritur, quis hoc potest peragere, nisi Spiritus sanctus? Frustra enim hoc in Trinitatis nomine fieret, si ad alium quemlibet a Trinitatis potestate transiret. Non ergo presumat homo sibi deputare, quod solius Dei est facere. Ait enim Apostolus: *Divisiones gratiarum sunt: unus autem Dominus, qui operatur omnia in omnibus, dividens singulis prout vult (I Cor. xii, 4).* Unde etiam Christus cum dicere: *Nisi quis renatus fuerit ex aqua et Spiritu sancto (Joan. iii, 5),* de ministris omnino tacuit, quia de tanta gratia nihil ad eos attinere vidit. Unde beatus Augustinus super Joannem (*Tract. v, n. 15, col. 527*): « Sed dicit mihi haereticus: Non habes baptismum, quia malus tibi dedit. Si malus est, inquam, Christus, et malus mihi dedit. De officiis non disputo. Fuerint qualeslibet homines, ego a Christo accepi, ego a Christo baptizatus sum; ego novi, quia docuit me columba quam vidiit

A Joannes. Sint justi ministri si volunt; sin autem, securum me facit magister mens, de quo dixit Spiritus ejus: *Hic est qui baptizat (Joan. i, 33).* Si fuerit justus minister, computo eum cum Paulo, qui gloriam suam non querit, dicens: *Ego planter, Apollo rigor, Dens autem incrementum dedit (I Cor. iii, 6).* Neque qui plantat, neque qui rigat est aliquid, sed qui incrementum dat Deus. » Qui fuerit superbus minister, cum Zabulo computatur, sed non contaminatur donum Christi. Spiritualis enim virtus sacramenti ita est ut lux, et ab illuminandis pura excipitur, et si per immundos transeat, non inquitur. Cum ergo, teste Apostolo, ministri non sint aliquid, sed Deus qui operatur omnia in omnibus, quid ipsi cum nihil sint in Dei sacramentis operantur cum solus Deus operetur omnia? Unde item Augustinus super Joannem: « Baptismus talis est qualis est ille in cuius potestate datur; non qualis est ille per cuius ministerium datur. »

CAPUT VI.

Quod laico vel pagano baptizare permittitur.

Ut ergo ministris auferretur meritorum jactantia, concedunt sancti si necesse sit laico, nec abnegant pagano baptizandi gratiam, quibus sine officio, sine merito non tantum quid permetteretur, si hominum merita vel officia ad baptizandum necessaria viderentur. Unde Gelagius papa, cap. 7: « Diaconi absque episcopo vel presbytero baptizare non audeant, nisi predictis forte officiis longius constitutis, si necessitas extrema compellat, quod et

C laicis Christianis facere plerumque conceditur. » Item Isidorus: « Si quis per negligentiam ordinetur antequam baptizetur, debet ab eo baptizari et ipse ulterius non ordinetur. Romanus enim pontifex non hominem judicat qui baptizat, sed Spiritum Dei subministrare baptismi gratiam licet paganus sit qui baptizat. » Item Nicolaus papa ad consulta Bulgarorum, cap. 104: « A quodam ut audio, nescitis utrum Christiano an pagano, multos in patria vestra baptizatos asseritis et quid inde sit agendum consultatis. Hi profecto, si in nomine Trinitatis, vel tantum in Christi nomine, sicut in Actibus apostolorum legimus, baptizati sunt: unum quippe idemque est, ut sanctus exponit Ambrosius; constat non esse denuo baptizandos. » Ne tamen existimetur talis baptismus esse imperfectus, ait econtra Augustinus De baptismismo libro iv: « Potest dici aliud alio doctior, aliud alio magis vel minus baptizatus dici non potest. »

CAPUT VII.

Quod sanguinis effusione, vel sola fide baptismus compleatur.

Sed ne sibi etiam attribuant officiales, laicum vel paganum saltem vicem suam explevisse attenuant, gratiamque Dei ita liberam, ut nullis hominum meritis vel officiis astricta, quando vult, quomodo vult, cuicunque vult, seipsam infundat. Cum enim constet sanctos vel suo sanguine vel sola fide baptizari, quid hic officiales suis attri-

buent meritis, ubi nullus funguntur ministerii? A rectoque creditur prodesse parvole eorum dilem, a quibus consecrandus offertur. Et hoc Ecclesia commendat saluberrima auctoritas, ut ex eo quisque sentiat quid sibi prosit fides sua, quando in aliorum quoque Lenescium, qui propriam nondum habent, potest aliena commodari. O ineffabilis Dei gratia, qua ubi alterutrum deest necessitatis articulo, et fidem praevale sacramenti mysterio, et sacramenti vicem coimples fidei merito, ut nullis legibus tenebris astricte, ne quantum in te est salutis aeternae aliquatenus patiamur dispendia! Ne tamen sit mirum quod sine ministris Deus per se quod suum est operetur, quid in utroque legis et gratiae in initio fecerit videamus. Ait Dominus ad Moysem : *Congrega mihi septuaginta viros, et ducos eos ad tabernaculum fæderis, et auferam de spiritu tuo, tradamque eis* (*Num. xi, 16*). Non dixit : *Auferes, et trades, sed auferam et tradam.* Quod ne forte ducatur Moysi imputaretur, duo ex his qui descripti fuerant, ad tabernaculum non venerunt, et tamen Moys non ducente sicut et ceteri spiritum acceperunt. Similiter et in nova gratia, cum solebat tantum dari per impositionem manus, tamen adhuc loquente Petro cecidit Spiritus sanctus super omnes (*Act. x, 44*). Quis ergo divinam gratiam suis imputet meritis vel officiis, cum in legislatore, in apostolorum principe, Deus ad eam prout vult distribuendam, neutrum horum assumpserit?

CAPUT VIII.

Quod sicut in baptismate, sic in confiando Christi corpore, nihil a bono magis, nihil a malo minus fiat.

Quia igitur astructum est ad officialium merita baptismi gratiam non attinere, videamus etiam de Christi corpore et sanguine consciendo : quamvis ubi constat de minori satis etiam de majori videatur sacramento. Corpus enim Christi et sanguis non solum per baptismum est, sed et fundamentum ejus et completio, adeo ut sicut Eva de latere Adæ dormientis, sic et Ecclesia producta credatur de latere Christi in morte quiescentis; quia, sicut illa inde generata, sic ista inde regenerata. Unde mirifice sua profluxerunt sacramenta, aqua in regenerationem, sanguis in redemptionem. Unde Joannes in Epistola sua, ait : *Hic est qui venit per aquam et sanguinem Jesus Christus, non solum in aqua, sed in aqua et sanguine* (*I Joan. v, 6*). Et bene repetit, quia nihil profuissest aqua sine sanguine, qui non solum abluit, sed et redimit, sed et quia redimit, ideo abluit. Unde in Apocalypsi : *Hi sunt qui venerunt ex magna tribulatione, et laverunt stolas suas, et dealbaverunt eas in sanguine Agni* (*Apoc. vii, 14*). Ne igitur etiam de hoc majori sacramento aliquid sibi usurpet ministrorum arrogantia : quid sancti inde sentiant attendamus.

Ait Augustinus in libro De corpore Domini : « intra catholicam Ecclesiam in mysterio corporis et sanguinis Domini, nihil a bono magis, nihil a malo minus perficitur sacerdote, quia non in merito con-

socrantis, sed in verbo efficitur Creatoris, et in virtute Spiritus sancti. Si enim in merito sacerdotis, nequaquam ad Christum pertineret. Nunc autem sicut ipse est qui baptizat, ita ipse qui per Spiritum sanctum hanc creaturam suam efficit carnem, et transfundit in sanguinem. Credendum est enim quod in verbis Christi sacramenta confiantur. Cujus enim potentia creantur prius, ejus utique verbo ad melius recreantur. » Cum ergo Augustinus ea quae prius creata sunt, dicat iterum in sacramento creari, si hoc homines possent facere, constaret eos esse factores corporis Christi, et ita quasi creatores esse Creatoris sui, quod est impossibile. Ait enim Eusebius Emissenus : « Invisibilis sacerdos visibiles creatureas in substantiam corporis et sanguinis sui verbo suo secreta potestate convertit. » Item B. Ambrosius : « Ubi accesserit consecratio, de pane sit corpus Christi. Consecratio igitur quibus verbis est, et cuius sermonibus ? Domini Jesu. Ergo sermo Christi hoc conficit corpus. » Item Augustinus in homiliis : « Ante verba quando offertur panis dicitur, ubi verba Christi deprompta sunt, non jam panis, sed corpus Christi appellatur. Si ergo invisibilis sacerdos corpus suum verbo conficit, quomodo sit vel in verbo, vel in merito alicuius visibilis sacerdotis ? Cum vero nihil ad visibilem attineat sacerdotem, quomodo id a bono melius, a malo peccator sacerdote, a quo nullatenus ? Quod cum ita sit, jam non secundum diversa merita, diversa Christi corpora, sed semper unus Christus est, qui quibuscumque ministris sacrificantibus, solus est pro nobis offerens et oblatus. » Unde Augustinus in libro De Trinitate (lib. iv, t. VIII, col. 823) : « Quid tam grata offerri et suscipi possit, quam caro sacrificii nostri, corpus effectum sacerdotis nostri, ut idem unus ipse verusque mediator, unus esset qui offerebat, et quod offerebat ? » Item idem ad Parmenianum (lib. ii, c. 6, t. IX, col. 32) : « Sacrificia, inquit, impiorum execratio Domino, etenim inique offerunt illa. » Jam supra responsum est, quia non est iniquus Christus, qui seipsum pro nobis obtulit, et noster in celo mediator est, quo suam Ecclesiam gubernante, bonis mali non Oberunt, qui vel ignorantur, vel pro pace tolerantur.

CAPUT IX.

Quod sacramenta haereticorum de Ecclesia sunt, et in Ecclesia fiunt.

Sed opponunt, quia extra Ecclesiam non est locus sacrificii, nec est Christus, nec Spiritus sanctus apud haereticos. Econtra Augustinus ad Vincentium Donatistam (93, n. 45, t. II, col. 249) : « Ex catholica Ecclesia sunt omnia sacramenta Dominica, quae sic habetis et datis, quomodo habebantur et dabantur etiam priusquam inde exiretis, nec tamen ideo non habetis, quia non estis ibi unde dabatis. » Item ad Emeritum (87, n. 9, t. II, col. 212) : « Sacramenta quae non mutastis, sicut habetis approbantur a nobis, ne forte cum vestram pravitatem

A corrigerem volumus, illis mysteriis quae in vestra pravitate depravata non sunt, sacrilegam faciamus injuriam. » Item Augustinus in libro De baptismo (lib. i, c. 8, t. IX, c. 85) : « Qui seipso a societate ceterorum separantes, charitate violata, unitatis vinculum rumpunt, si nihil faciunt eorum quae in unitate acceperunt, in omnibus separati sunt, et ideo quem sibi sociant, si ad Ecclesiam redierit debet omnia quae non accepit, accipere. Si vero nonnulla eadem faciunt, non se in eis separaverunt, et ex ea parte Ecclesia connectuntur. In sacramenti sanctitate, qua contra nos non sunt, pro nobis sunt in schismatis vulnere, quo cum Christo non colligunt, spargunt. » Cum igitur ex catholica Ecclesia sint omnia sacramenta Dominica, nullo excepto, etiam apud haereticos qui etiam ex ea parte Ecclesia connectuntur, quia ea rite celebrant, quis dubitet sacramentum sacrificii divini ubicunque fiat, intra Ecclesiam esse, cum sit de Ecclesia ? Sed tamen sciendum est quia, cum apud eos etiam sacrificium Christi sit de Ecclesia quantum ad sui veritatem, locus tamen ipsius non est his qui sunt extra Ecclesiam, quantum ad eorum utilitatem, quia cum Filius hominis apud eos non inveniat ubi caput suum reclinet, nec ipse Christus, nec Spiritus sanctus apud eos est per gratiam, qui tamen apud omnes est, et nusquam deest per majestatis suae presentiam.

CAPUT X.

Quod sacramento tenus sacerdotium apud haereticos maneat omnino integrum.

C Sed iterum opponunt, quia sacerdotium non subsistit apud eos. Et quid potest per eos consecrari, qui neque pro merito, neque pro officio aliquid agunt ? Ut enim ait Ambrosius in libro De mysteriis initandis (cap. 5, col. 332) : « Cum Scriptura testetur, quod ab Ieroboal preces ignis descendit de celo, et rursus precante Helia ignis missus est (Judic. vi, 21), qui sacrificium consumpsit non merita personarum consideres, sed officia sacerdotum. » Apud haereticos autem nec merita sunt, nec officia. Ait autem D. Augustinus in libro Questionum Veteris Testamenti (III Reg. xviii, 38) : « Per quod ostenditur Spiritum sanctum gratiarum, non personam sequi digni aut indigni, sed ordinem traditio-

Dnis, ut quavis aliquis boni meriti sit, non tamen possit benedicere nisi fuerit ordinatus, ut officium ministerii exhibeat. » Cum igitur non merita sint consideranda, sed saltem officia, quia nemo potest benedicere nisi ordinatus sit, ut officium ministerii exhibeat, quomodo benedicere possunt haeretici ubi non subsistit ministerii officium, quod recedendo ab Ecclesia in oculis Domini amiserunt ? Sed econtra ait Augustinus in Genesi ad litteram (tomo tertio) : « Eisi aliqua culpa quis ab officio removeatur, sacramento Domini semel imposito non caret, quamvis ad judicium permanente. » Item ad Parmenianum (lib. ii, cap. 43, t. IX, col. 45) : « Quod quidam dicunt baptismum quem accepit non amittit qui recedit ab Ecclesia, sed jus tamen dandi quod ac-

cepit amittit, multis modis apparet frustra et inaniter dici. Primo, quia nulla ostenditur causa cur ille qui ipsum baptismum amittere non potest, jus dandi possit amittere. Utrumque enim sacramentum est, et quadam consecratione utrumque homini datur; illud cum baptizatur, istud cum ordinatur, ideo non licet a catholico utrumque iterari. Nam si quando ex ipsa parte venientes etiam prepositi pro bono pacis, correcto schismatis errore, suscepunt, et si visum est opus esse ut eadem officia gerent quae gerebant, non sunt rursus ordinati. Sed, sicut baptismus in eis, ita ordinatio mansit integra, quia in præcisione fuerat vitium, quod unitate pacis correctum est, non in sacramentis, quae ubicunque sunt, ipsa sunt. » Item idem ad Donatistas (De baptismo lib. IV, cap. 4, t. IX, col. 124): « Sicut urgeri videor, cum mihi dicitur, ergo haereticus dimittit peccata, cum juxta te baptizat, sic et ego urgeo cum dico: Ergo avarus religionis simulator peccata dimittit. Si per vim sacramenti Dei, sicut et ille ita et ille, si per moritum suum, nec ille nec ille. Illud enim sacramentum et in malis hominibus Christi esse cognoscitur; in corpore autem unicæ columbae, incorruptæ, sanctæ, pudicæ, non habentis maculam aut rugam, nec ille nec ille juvenitur. » Item idem: « Cum tantum valet baptismus per hominem contemptibilem, quantum per Apostolum datus, ita nec illius nec illius, sed Christi esse cognoscitur. »

Sed quia jus dandi baptismum tam laxum (59) est sacramentum, ut etiam laicos, si necesse est, concedatur, videamus si ordinatio haereticorum integra, ut dictum est, in dando baptismo, sit etiam integræ in Christi corpore consecrando.

Ait Hieronymus ad Luciferianum: « Sicut hic est qui baptizat Christus, ita hic est qui sacrificat. » Et paulo post: « Oro te, inquit, ut aut sacrificandi ei licentiam tribuas, cuius baptismum probas, aut reprobas ejus baptismum, quem non putas esse sacerdotem. Neque enim fieri potest, ut qui in baptismate sanctus est, sit ad altare peccator. » Quia igitur qui haeresi vel schismate ab Ecclesia recedit, sacerorum ordinum sacramenta non amittit, quae ubicunque sunt, quæ ipse quidem sicut etiam ecclesiasticus peccator non per meritum suum, cum neuter in corpore unicæ columbae inveniatur, sed per vim ipsorum sacerdotiorum sicut ille et ille administrat, sacerdotium omnino integrum, apud haereticos, quamvis ad iudicium, manet, cum, ut ait Hieronymus, quæ sit eis concedenda licentia sacrificandi sicut et baptizandi.

Item cum Augustinus astruat recentem ab Ecclesia, sicut baptismum, sic nec ordinem dandi baptisui posse amittere, quia utrumque sacramentum quadam consecratione homini datum, nou est a Catholico iterandum, quod et usu comprehensio ecclesiastico, dicit quod ex ipsa parte venientes, non sunt rursus ordinati, ut eadem officia gerent quæ ge-

B
rebant; sed, sicut baptismos, ita ordinatio eis man- sit integra, quis dubitet haereticis integrum sacrifici esse administrationem, cum et si amissa creditur iteranda sit, quod est nefarium, et ipsum sacerdotium non alio modo sit integrum, nisi tam in baptizando quam in sacrificando non immixtum? Unde Leo ad Mauros episcopos (12, n. 6, col. 665): « Ma- ximum quoque ex laico licet reprehensibiliter ordinatum, tamen si Donatista jam non est, ab episcopali, quam quoquomodo adeptus est, non repellimus dignitate. » Item ad eosdem: « Donatum autem Seis- censem ex Novatiano, ut comperimus, cum sua plebe conversum, ita Dominico gregi volumus praesidere, ut Novati dogmatis damnet errorem. » Ecce his haereticis, Leone annuente, ordinatio redeuntibus non est iterata, sed mansit integra: quæ cum episcopalis fuerit, quis eam neget integrum in sacrificando, cum integra concessa sit etiam in sacerdotes consecrando?

CAPUT XI.

Quod etiam salutare sit sacrificium haereticorum si mundo communicetur a Catholicis.

Quod ipse Augustinus manifeste approbans, apud haereticos testatur sacrificium non solum verum esse et sanctum, sed et salutare, ita in Dialogo suo scribens ad Petilianum (lib. II, c. 30, t. IX, col. 237): « Petilianus dixit: Si quisquam carmina sacerdotis memoriter teneat, nunquid inde sacerdos est quod ore sacrilego carmen publicat sacerdotio? Augustinus: Ita istud dicis quasi queramus quis sit verus sacerdos, et non quid sit verum baptisma. Ut enim quis sit verus sacerdos, oportet ut non solo sacramento, sed justitia quoque induatur, sicut scriptum est: *Sacerdotes tui induantur justitiam* (Isa. cxxxi, 9). Qui autem solo sacramento sacerdos est, quamvis ipse non sit verax, quod dat tamen verum est, si non det suum sed Dei. Si Apostolus nescio cuius alienigenæ testimonio, quia verum comperit, etiam ipse attestatus est, eum nos apud quemlibet invenerimus quod Christi et verum est, etiam si apud quem invenitur perversus et fallax est, non discernimus vitium quod homo habet et veritatem quam non suam, sed Dei habet. Et dicimus, sacramentum hoc verum est, sicut ille ait, testimonium hoc verum est! » Item: « Vos autem necesse est ut semper erretis, quandiu propter hominum vitia Dei sacramenta violatis: aut nos propter Dei sacramenta, quæ in vobis violare nolumus, etiam vestri schismatis sacrilegium assumere putatis. » Item (cap. 48, col. 253): « Saul non habebat innocentiam, et tamen habebat sanctitatem, non virtus suæ, sed sacramenti Dei, quod et in malis hominibus sanctum est. » Item (cap. 52, c. 255): « Nos dicimus tale cuique fieri sacrificium, qualis accedit ut offerat, et qualis accedit ut sumat: et eos de sacrificiis talium manducare, qui ad illa tales accedunt, quales et illi sunt. Itaque si offerat

(59) Alias latum.

Deo malis, et accipiat inde bonus, tale cuique est, A qualem quisque est, quia et illud scriptum: *Omnia munda mundis* (*Tit. i, 15*). Per hanc sententiam veridicam et catholicam, etiam vos Optati sacrificio non estis polluti, si facta ejus displicebant vobis. Nam utique pauis illius, panis luctus erat, sub eujus iniuriantibus Africa tota lugebat; sed panem luctus omnibus vobis communem, omnium vestrum malum schismatis facit.

Item ad Parmenianum (lib. II, cap. 10, col. 39): « In omnibus questionibus intelligendum admoneamus, quia scilicet omnia sacramenta cum obsint indigne tractantibus, prosunt tamen per eos digne samentibus, sicut et verbum Dei. Unde dictum est: *Quae dicunt facite, quae autem faciunt, facere nolite* (*Math. xxiii, 3*). »

Cum ergo sancti omnia sacramenta quia Christi sunt, tam apud haereticos quam Catholicos astruant vera esse et sancta, et eadem etiam mente utentibus salutaria, quia omnia munda mundis, testentur etiam nihilominus eadem polluta, quia tractata sunt ab illo qui pollutus est in anima; sollicite attendendum est, qua discretione sint a Catholicis sumenda, ne haeresis nefariam auctoritatem in Ecclesia obtineat, si in sacramentis suis haereticos et Catholicos, nulla eligendi vel spernendi ratio discernat.

Ait apostolus: *Haereticum hominem post primam et secundam correctionem devita, sciens quod hujusmodi delinquent, proprio judicio condemnatus* (*Tit. iii, 10*). Quid cum de omni haeretico semper spiritualiter, aliquando etiam corporaliter sit observandum, in praelatis tamen, et eis qui pacem Ecclesiae perturbare possunt, discretius est agendum. Cum enim canonice statutum sit, ut si pastor a fide exorbitaverit, sit prius a subditis secrete corrigendus, quod si incorrigibilis, quod absit! apparuerit, erit accusandus: quomodo interim a subditis suis est vitiosus, quamvis apostolus cum hujusmodi nec cibum sumere jubeat, cum ordo canonicus ne accusatus prohibebatur a communione, nisi ad judicium venire distulerit, interdicat? Unde sciendum est quia si non corporaliter, saltem spiritualiter ne ei consentiant, debent vitari, sicut et Augustinus panio superiorus ait: « Optati sacrificio vos polluti non estis, si facta ejus displicebant vobis. » Ecce isti sciebant Optatum esse schismaticum: sed quia (60) non consecrabant ejus communione impolluti erant. De quo etiam, quia pacem Ecclesiae perturbare poterat, ait Augustinus ad Emeritum (87, n. 4, l. II, col. 200): « Non reprehendimus, si eo tempore ne multos secum excommunicatus traheret et communionem vestram schismatis furore praecideret, Optatum excommunicare voluistis. »

Cur ergo Augustinus Optati communionem ad tempus tolerant, non reprehendit, nisi quia peius scandalum, quod ille inferret Ecclesiae, vitari utilius duxit? Unde item Augustinus: « Quibus mali pla-

cent in unitate ipsi communicant malis, quibus autem displaceant, et eos emendare non possunt, ne simul cum zizaniis eradicent et triticum, non factis eorum, sed altari communicant: ita ut non solum ab eis non maculentur, sed divinis verbis laudari mereantur, quia pro bono unitatis tolerant quod pro bono unitatis oderunt. Quod cautissime observandum est, maxime in haereticorum et schismaticorum sacramentis. Quamvis enim perfectorum sit sine macula in conversatione tolerare malos, difficile tamen est exemplo illorum, si incircumspectum sit, non corrumpi ceteros. Eleazarus enim in suilla carne comedenda simulationem etiam occidens respuit (*II Machab. vi, 18*), quia etsi non sibi peccato, aliis tamen suspicionis exemplo nocere timuit. Unde Ambrosius salubriter consilens ait: « Si qua est Ecclesia, quae apostolicæ veritatis fundamenta non possideat, ne quam libet possit ingerere, deserenda est. » In cavenda itaque pravorum malitia, suæ fraternæque salutis attendenda est necessitas: ut et pravos tolerent boni, ne Ecclesiæ dissipent unitatem, et pravos etiam corporaliter fugiant, ne vel consensu vel opinione, suam vel fraternalm negligant salutem.

CAPUT XII.

Quomodo salvatur illud, quod sancti de improbandis haereticorum sacrificiis dicunt.

Astructum est haereticorum sacramenta, quia Christi sunt, Catholicis si eis discrete utantur esse utilia, que tamen pro certo sciendum est, ipsis haereticis, vel eorum complicibus noxia esse et lethifera. Quia, ut ait Augustinus ad Petrum subdiaconum, tantum valet ecclesiastica societatis communitas a salutem, ut etiam baptismio non salvetur, cui ibi non datur ubi oportet ut detur. Unde in Africano concilio cap. 24: « In Ecclesia omnia sacramenta salubriter et vitaliter accipiuntur quae perseverantibus in haeresi magnam damnationis penam conquerunt, ut quod eis in veritate ad vitam esset luminosius, hoc in errore sit tenebrosius atque damnosius. Eadem ergo sacramenta, ubique vera et sancta, in Ecclesia accipiuntur salubriter, extra Ecclesiam dannabiliter. » Unde etiam B. Augustinus sacrificium Optati, quod mundum mundis astruxerat, panem luctus vocat, quia eos contaminabat, quibus extra Ecclesiam veri sacrificii locus non erat. Quod etiam a sanctis execrabile Domino dicitur, non respectu illius quod sanctum est, sed respectu illorum qui aequem damnantur, illud illicite sacrificando et sumendo, sicut aliquid Deo execrabile perpetrando. Vocant etiam sancti illud sacrilegum, pollutum, inane et falsum. Sacrilegum ideo, quia, sicut aurum verum quidem est in arca furis ut in thesauro regis, sed tamen sacrilegum, quia a fure illicite usurpatum, sic et illud ab haereticis. Pollutum, non quod in se ita sit, sed, sicut dies latus dicitur quia latet facit, ita ipsum quia magis polluit, sacrificante

reum constituendo, quam inundet justificando. Iu-
ne autem et falsum, quia effectum salutis, quem
videtur promittere, non confert, quem conferret si-
rite fieret. Unde et Deus dicit : *Maledicam benedi-
ctionibus vestris, eas privando fructu salutis* (*Malac.
ii, 2*). Quod autem dicitur, non est corpus Christi
quod schismaticus conficit, quia apud hujusmodi
eucharistia confici non potest, non ita intelligendum
est, quasi corpus Christi essentialiter verum in sa-
cramento non conficiat, sed quia cum in altari Ec-
clesia concorporalis et consacramentalis sit Christo,
universum corpus Christi, caput scilicet cum mem-
bris, non conficit, qui cum extra Ecclesiam sit, se-
ipsum Christo et Ecclesiae in utrinque sacramento
non unit. Cum enim altaris sacrificium, signando
ipsius Ecclesiae et Christi unitatem, universi corpo-
ris Christi sit sacramentum, non conficitur ibi Chri-
stus, ubi non conficitur universus. Et ideo non fit
ibi eucharistia, ubi unitatis lotius Dominici corpo-
ris non administratur gratia. Unde Augustinus :
« Hæretici querunt divisionem, cum panis iste in-
dicet unitatem. » Et alibi : Qui accipit mysterium
unitatis, et non tenet vinculum pacis, non mysteri-
um accipit pro se, sed testimonium contra se. Nec
Christus igitur, nec Spiritus sanctus apud eos est
per gratiam, qui tamen ubique est per essentiam. » Unde Hieronymus in Amos prophetam (l. VI, col.
303) : « Odit Deus sacrificia hæretorum, et a se
projicit, et quoties in nomine ejus congregati fuerint,
detestatur fetorem eorum, et claudit nares suas.
Quod dicit, humano more loquens : non quod Deus
sancta sua improbet, sed quod eorum propitiatio-
nem non recipiat. »

Hæc igitur et si qua alia a sanctis contra sacra-
menta hæretorum seu detestabiliter dicta repe-
riuntur, non ita exponenda sunt, ut veritatem vel
sanctitatem sacramentorum, cum omnia omnino
Christi sint, improbent, sed in malitiam et damnationem illorum, qui illicite usurpant, redundant.

CAPUT XIII.

*Utrum sacramenta rite fiant, si solemnibus verbis
aliqua contra fidem, vel incuria, vel hæresi inter-
serantur.*

Quæritur autem, cum solemnia verba, et invoca-
tio divini nominis tantæ virtutis sint, ut omnia Ec-
clesiae sacramenta perficiant, si in ipsis ex industria
vel negligentia proferentis aliquod erroris vitium
sonet, utrum etiam tunc sacramenta rite perficiant? Unde sciendum est quia qui tacendo vel male pro-
ferendo quod debent in solemnibus verbis perinde
peccant, eorum sacramenta ita damnat Ecclesia, ut
ea vel pro nullis reputando iteret, vel pro imperfe-
ctis consummet; ita tamen, ut quæ in eis vera sunt,
agnoscat et approbet. Unde Augustinus in libro de baptismō (lib. i, c. 8, t. IX, col. 85) : « Qui se-
ipso a societate cæterorum separantes, charitate
violata, unitatis vinculum ruerpunt, si nihil faciunt
eorum quæ in unitate acceperunt, in omnibus sepa-
rati sunt, et ideo quem sibi sociant, si ad Eccle-

A siam redierit, debet omnia quæ non accepit acci-
pere. Si vero nonnulla eadem faciunt, non se in eis
separaverunt, et ex ea parte Ecclesiae concreciuntur,
et ideo si quis eis sociatus ad Ecclesiam venire vo-
luerit, in eo sanatur, ubi lanatus errabat, ubi vero
sanus connectebatur, non curatur, sed agnoscitur.
Laicos igitur a Paulianistis, qui nomen Trinitatis
refutant, non dicam baptizatos, sed aqua lotos,
Ecclesia omnino baptizat. Arianorum vero et cæte-
rorum hæreticorum baptisma, quia nomen Trinitatis
invocant, non iterat, sed cum poenitentia et ma-
nus impositione consummat. Sciendum enim quia
fide omnia sacramenta complentur, quoniam, ut ait
Apostolus, *corde creditur ad justitiam, ore autem
confessio fit ad salutem* (*Rom. x, 10*). Item Augu-
stinus : « Unde tanta virtus aquæ, ut corpus tangat
et cor abluat, nisi faciente verbo? Non quia dicitur,
sed quia creditur. »

Constat ergo quia cum in sacramentis conficien-
dis, et dicendum sit, et credendum, utrumque sin-
cere fieri oportet, maxime ne mens in fide titubet,
etiam si lingua per incuriam in sermone erret. Ex-
teriora enim nostra non adeo pensantur a Domino,
quantum cordis intima, qui in omni negotio magis
examinat non quid, sed qua intentione vel fide flat.
Unde Augustinus in epistolam Joannis, cap. 7 (Tract.
vii, l. III, col. 875) : « Si Pater tradidit Filiū se-
ipsum, ut Filius scipsum, Judas quid fecit? Facta
est traditio a Patre, facta est a Filio, facta est a Juda.
Una res facta est, sed quæ res discernit eos? Quia
hoc fecit Pater et Filius in charitate, Judas autem
in proditione. Videtis quia non quid faciat homo
considerandum est, sed quo animo et voluntate fa-
ciat. » Item idem in homiliis : « Tu es Christus Filius
Dei vivi (*Math. xvi, 16*). Hoc dixit Petrus, et audi-
vit : Tu es Simon Barjona. Hoc dixerunt et de-
mones, et audierunt : Obmutescite (*Luc. iv, 53*). Una
vox est, sed Dominus interrogat radiceum, non flo-
rem. » Item Hieronymus in Osee i. VI, col. 93 :
« Illi offerunt panem sacrilegum, etc. Quæ si vero
fiant holocausta interpretor : cum autem scientiam
Dei reliquerint, frustra capite fidei truncato, cætera
membra se habere jactant. » Patet igitur quia si in
solemnibus verbis vel reticendo vel admiscendo ha-
resia inducunt, sacramentum eorum vel veritate vel
utilitate mutillatur, teste Ambrosio in libro de ini-
tiandis rudibus. Quia secundum Apostolum, *quidquid
ex fide non est, peccatum est* (*Rom. xiv, 23*), et ipsis
qui faciunt, et quibus faciunt, non solum non pro-
dest, sed et ad judicium est.

Si autem vel incuria, vel negligentia, vel igno-
rancia aliqua erroris verba inseruntur, non ideo sa-
cramentum minus fieri credendum est; quia, ut su-
pra dictum est, Deus interrogat veræ fidei radiceum,
non locutionis florem. Unde Augustinus De baptismō
lib. vi, cap. 25, n. 47, t. IX, col. 175 : « Si non sa-
cristificatur aqua cum aliqua erroris verba per impe-
ritiam peccator effundit, multi non solum mali, sed
etiam boni fratres in ipsa Ecclesia non sanctificantur. »

squam. Multorum enim preces emendantur quotidie, si doctioribus fuerint recitatæ, et multa in eis reperiuntur contra catholicam fidem. Nunquid si manfestetur aliquos esse baptizatos, cum illæ preces dictæ fuissent, jubentur denuo baptizari? Quid ita? Quia plerumque precis vitium superat precantis affectus: et quia cuncta (61) verba illa evangelica sine quibus non potest baptismus consecrari, tantum valent, ut per illa sic evanescantur quecunque in prece vitiosa contra regulam fidei dicuntur, quemadmodum demonium Christi nomine excluditur. Ita, si quis preces afferat contra regulam fidei, arbitrans quod bona sint, non tamen quod in eis perversum est, evanescat illa quæ ibi recta sunt, sed ab eis potius evanescatur.

Item Zacharias papa Bonifacio episcopo: « Detulerunt nuntii tui, quod fuerit in eadem provincia sacerdos, qui Latinam linguam penitus ignorabat: et dum baptizaret, nesciens Latine eloqui, linguam infringens dixerit: Baptizo te in nomine Patria et Filia et Spiritu sancto; et per hoc tua reverenda fraternitas consideravit rebaptizare. Sed, sanctissime frater, si ille qui baptizavit non errorem inducens aut haeresin, seu pro sola ignorantia Romanæ locutionis infringendo linguam, ut supra sati sumus, baptizans dixit, non possumus consentire ut denuo rebaptizentur. »

Ecce Augustinus baptizatos, precibus contra fidem dictis quia precis vitium superat precantis affectus, non denuo sinit baptizari; Zacharias, ipsis verbis vitiatis, sine quibus baptisma non potest rite fieri, quia baptizans haeresin non inducebat, prohibet rebaptizari: quibus tamen si haeresis induceretur, profecto rebaptizandum fuisset, quia Trinitatis nomen non vere prolatum fuisset. Unde etiam cum, ut supra dictum est, Nicolaus papa ad consulta Bulgarrum baptizari in nomine Trinitatis vel tantum in nomine Christi, unum idemque, teste etiam Ambrosio, astruat, econtra Pelagius papa, quia per hoc haeresin induci vidit, id fieri vetat, dicens Gaudentio episcopo: « Multi sunt qui in nomine solummodo Christi, una etiam mersione se asserunt baptizari. Evangelicum vero præceptum ipso Domino Deo et Salvatore nostro Iesu Christo tradente, nos admonet, in nomine Trinitatis, tria etiam mersione D sanctum baptisma unicuique tribuere, dicente Dominum nostrum Iesu Christo discipulis suis: *Ite, baptizate omnes gentes in nomine Patris et filii et Spiritus sancti* (Matth. xxviii, 19). Si revera de prefatis haereticis qui in locis tue ditionis vicinis commorari dicuntur, solummodo in nomine Christi baptizatos fuisse forsitan confitentur, sine cuiusquam dubietatis ambiguo eos ad catholicam fidem venientes in sanctæ Trinitatis nomine baptizabis. » Quod ideo dicit quia forsitan isti haeretici ut Paulianistæ nomen Trinitatis refutabant. Et ideo in nomine Trinitatis eos rebaptizari præcepit, ne in nomine Domini quasi

A unius personæ tantum se posse baptizari credant, quod tamen ubi sine periculo haeresis fieri potuit, Nicolaus papa concessit. Sed econtra Augustinus in libro De unico baptismo, ait: « Satis ostendimus ad baptismum qui verbis evangelicis consecratur, non pertinere cuiusquam dantis vel recipientis errorum, sive de Patre, sive de Filio, sive de Spiritu sancto aliter sentiam quam doctrina cœlestis insinuat. Ecce hi haeretici quia aliter senserunt, annullato priori baptismo, rebaptizari jussi sunt; quia, quamvis in nomine Domini, tamen in nomine Trinitatis baptizati non sunt. » Unde Gregorius Quirino episcopo in Hibernia (lib. xi, epist. 67, t. II, col. 4467): « Haeretici qui in Trinitatis nomine minime baptizantur, sicut sunt Bonosiaci, et Cataphrygæ, cum ad sanctam Ecclesiam veniunt, baptizantur; quia baptisma non fuit, quod in errore positi in sanctæ Trinitatis nomine non perceperunt. Nec potest ipsum baptisma dici iteratum, quod in Trinitatis nomine non erat datum. » Unde etiam Innocentius papa capitulo quinquagesimo, cum a Paulianistis venientes, rebaptizari juberet, causam subdidit: « Quia Paulianistæ, inquit, in nomine Patris et Filii et Spiritus sancti minime baptizant. Sed opponitur, quia si baptisma Dei nomine sine Trinitatis nomine consecratum irritum judicatur, ergo divini nominis invocatio nullatur, et quod multis sanctis auctoritatibus est probatum, pravorum malitia sacramentum Christi violatur. Sed econtra sciendum est, quia non est sacramentum Christi, quod in errore positi contra institutionem Christi faciunt, nec est vera divini nominis invocatio, quia contra Christi præceptum Christianæ fidei periclitatur perfectio: nec ipsum nomen Domini vel Dei verum est, quod perfidia proferentis adulteratum, verbo tenus quidem Deum sonat, sed secundum haeresin aliud sonat: dum scilicet in Deo vel Domino, fidem Trinitatis refugiens haereticus, ipsum nomen singularitati unius personæ tantum astringit, vel secundum quod varia haeresi, Deum sibi præpingere presumit. Sicut ergo sancti eos in nomine Salvatoris petere non prædicant, qui contra salutem petunt, sic illi nomen Domini non invocant, qui contra fidem mutato Ecclesiæ ritu hoc faciunt. » Cum ergo verba ecclesiastica mutantur, et error vel haeresis introducitur, ubi nec fides est, nec fidei verba, quomodo credenda est subsistere veritas sacramenti? Unde Augustinus ad Emeritum (t. II, col. 212): « Sacra menta quæ non mutatis, sicut habentis approbantur a nobis. » Et paulo post: « Illa quæ schismatici et haeretici non aliter habent, nec aliter agunt quam vera Ecclesia, eum ad nos veniunt non emendamus, sed approbamus. » Item idem ad Vincentium (epist. 87, t. II, col. 212): « Ex catholicæ Ecclesia sunt omnia sacramenta Dominicana, quæ sic habentis et datis quomodo babebantur et dabantur priusquam inde exiretis. » In quo notandum est quia, si haereticorum sacra-

(61) Alius certa.

menta ab eo rita mutantur quem Ecclesia instituit et obtinet, non sunt a Catholicis approbata, quia mutata jam non sunt ecclesiastica, sed hæretica, sicut Innocentius, Pelagius, Gregorius, baptismus hæretorum quoconque Dei nomine factum refutaverunt, quia mutatum ab ecclesiastica institutione, non in nomine Trinitatis celebratum viderunt. Si autem solemnia verba non mutantur, sed rite proferuntur, et ipsa executio sacramenti rite perficitur, tunc hæretorum perfidia sacramenti veritatem non impedit, quia quod hæretici aliter non habent nec agunt quam vera Ecclesia, non emendatur a Catholicis, sed approbatur. Unde Augustinus De ecclesiastis regulis: « Si qui apud illos hæreticos baptizati sunt, qui in sanctæ Trinitatis confessione baptizant, et veniunt ad catholicam Ecclesiam, recipientur ut baptizati, ne sanctæ Trinitatis invocatio vel confessio annulletur in sacramentis. » Ergo conficiendis et nocet error cordis, cum verba contra fidem proferuntur in prece, quia non ea supererat precantis affectus in fide, et non nocet cum ipsa verba proferuntur nullatenus mutata ab usu Ecclesiae. Si autem error cordis non est, non nocet mutatio prolationis verborum, vel executionis sacramentorum, quia verba, etiamsi contra fidem sint, precantis affectus supererat, et in una fide non nocet diversa consuetudo Ecclesiae. Unde etiam cum Pelagius hæreticos in Christi nomine baptizatos una mersione, jubeat rebaptizari tria mersione, beatus tamen Gregorius unam mersionem sicut et trinam approbat. Sed tamen in una fide hanc Ecclesiae diversam consuetudinem commendat, innuens quod ubi fides una est, diversa executio sacramenti non incipiat. Ait enim Leandro episcopo (lib. 1, epist. 43, tom. H, col. 532): « De tria mersione baptismatis nihil responderi verius potest, quam ipsi sensistis, quia in una fide nil officit Ecclesiae diversa consuetudo. Nos autem quod tertio mergimus, triduanæ sepulturæ sacramenta signamus, ut dum infans tertio ab aquis educitur, resurrectio triduani temporis exprimatur. Quod si quis etiam pro summae Trinitatis veneratione existimet fieri, neque enim aliquid obsistit, baptizandum semel in aquis mergere, quia in tribus personis una substantia est. Reprehensibile nullatenus esse potest infanteum in baptismate vel ter vel semel mergere, quando et in tribus mersionibus personarum Trinitas, et in una potest divinitatis singularitas designari. » Cum ergo Pelagius hæreticis triam tantum mersionem indicet, sanctus Gregorius in una fide trinam et unam æque approbet, Nicolaus in nomine Christi baptismum ratum concedat, Pelagius hæreticis iterari jubeat, constat quia mutatio verborum vel executionum sacramentalium quæ fidelibus rata conceditur, apud hæreticos irrita judicatur. Qui enim baptizavit in nomine Patria et Filia et Spiritus sancti, si ita ut sonant verba credidisset, procul dubio errasset, et sic errando, nomen veritatem sacramenti annullasset. Si enig in habitatione alicujus patriæ, sicut Donatistæ Affica-

A nam tautummodo Ecclesiam credebant esse catholicam, et Judæi Judæam locum sanctificationis, et in filiæ alicujus conjugio, et in sancta aliqua crederet baptismi constare sanctitatem et salutem, quis hoc hæresin esse non judicaret? Quis his tam profanis verbis baptismum consecrari crederet? Et tamen hæc verba contra fidem prolatæ quia simplicitas proferentis et fides excusat, concedente Zacharia, baptismi veritas rata permansit. Unde sciendum est quia, cum i. omnibus sacramentis omnia sint fideliter et attente dicenda, et agenda quæ solemniter instituta sunt, si tamen, quod absit! apud fideles per incuriam aliter eveniat in aliquo, non irrita judicanda sunt; quia, ut dictum est, et precantis affectus supererat, et series evangelicorum verborum rite prolatorum, cætera etiam contra fidem admista evanescunt.

CAPUT XIV. Quare in nomine Trinitatis baptismus fieri institutum sit.

Quæritur autem quare Christus præ cæteris Dei nominibus maxime in nomine Trinitatis baptismus consecrari voluerit, adeo ut baptismus cæteris Dei nominibus præter fidem factum sit irritum; in nomine autem Trinitatis etiam præter fidem Trinitatis consecratum, sit ratum? Sed econtra sciendum est quod in nomine suo consecratum sine fide vel aliquo merito, est ratum, ideo sit, ut dictum est, ut omnia sacramenta suæ gratiæ esse deputentur. Quod autem in nomine Trinitatis hoc maxime fieri voluit, ideo factum est, quia in eo Christianæ fidei perfectio summaque consistit, quia et generationis Fili a Patre, et processionis sancti Spiritus ab utroque continet arcanum, veroque Deo ita est proprie primum, ut a sæculo nullo falso Deo fuerit communicatum. Quia cum, ut ait Apostolus: *Sunt quidem dii multi, et domini multi* (I Cor. viii, 5), præter ipsum tamen in nullo potuit ut trinus et unus dicetur inveniri. Hoc enim nomen a seculo variis mysteriorum figuris occultatum, non solum pro sua novitate est mirabile, sed et pro divine majestatis arcano ineffabile; quia in eo et quod trinum est, unitatem non excedit, et quod unum est, trinitatem non adimit. Ut ergo nos a falsorum deorum errore revocaret ac distingueret, non nomine falsis diis communicato, sed solius veri Dei proprio nomine Trinitatis ad omnia peccata diluenda in baptismate daturus plenitudinem gratiæ, plenitudinem etiam hujus fidei dignatus est revelare: quam quia ad innovandos homines novam, ad consummandos perfectam dedit contra hæretorum versutias, ratam etiam et certam esse voluit. Novo ergo nomine Trinitatis in baptismate instituit dari novam fidem Christianitatis: ut unde haberet regenerationis initium, renovationis consequeretur effectum, certiusque et fortius contra omnes hæreses fidem illam obtinoret, sine qua nulli patere ingressum vel Ecclesiae vel cœlestis patris cognosceret. Novo etiam nomine Trinitatis Christianam regenerationem iniungi vo-

Iuit et consecrari, ut per illud quod nullo prius saeculo revelatum fuerat, fides nascentis Ecclesiae tanto majori fulgeret merito et premio, quanto majoris cognitionis divinæ instrueretur arcano, quod ad revealandum hominibus, solius Filii Dei reservatum erat privilegio. Unde ipse propheta : *Propter hoc sicut populus meus nomen meum in die illa; quia qui loquebar ecce adsum* (*Isa. lxi, 6*). Item in Evangelio : *Pater, manifestavi nomen tuum hominibus* (*Joan. xviii, 6*). Quamvis enim sancti prioribus sæculis credidissent Trinitatem sine cuius fide salvi esse non poterant; non tamen ita manifeste ut in plenitudine gratiæ, quia, ut ait Dominus in Evangelio : *Multi reges et prophetæ voluerunt videre quæ videlis et non viderunt, et audire quæ auditis et non audierunt* (*Luc. x, 24*); quia non eis fuerat revelatum.

Præmonstrans ergo Christus fidem et nomine Trinitatis baptismum nuntiaduum esse et consecrandum, cum baptizaretur, vox Patris auditæ est, quæ Filiū sibi placitum eum testaretur : *Spiritus sanctus in columba specie super eum visus est* (*Matth. iii, 17*) : ut Ecclesia in suo crederet Trinitatem non deesse, quam in sui capitilis Christi baptismate corporaliter etiam cognovisset adesse, Patrem in sono audiens, Filiū in carne, Spiritum sanctum in columba specie praesente invidens.

Super hujus fidei firmitatem Christus Ecclesiam suam fundari instituens, Ecclesiae suæ pastori Petro dicenti : *Tu es Christus Filius Dei vivi* (*Matth. xvi, 16*), quia in hoc de Trinitate perfecte senserat, respondit : *Ego dico tibi, quia tu es Petrus, et super hanc petram, id est, super hujus fidei firmitatem, ædificabo Ecclesiam meam* (*ibid.*). Unde etiam Deus Pater per prophetam : *Ponam in Sion lapidem angularem, pretiosum, in fundamento fundatum, qui cre-*

A diderit in eum, non confundetur (*Isa. xxviii, 16*). Item Paulus : *Ut sapiens architectus fundamentum posui, fundamentum autem aliud nemo potest ponere, præter id quod positum est, quod est Christus Jesus* (*1 Cor. iii, 10*). In Christo enim tota Trinitas intellegitur, teste Beda, in Actus apostolorum.

Cum Ecclesia regula sit fideles in nomine sanctæ Trinitatis baptizari, quomodo Lucas per totum hujus libelli textum, non aliter quam in nomine Jesu Christi baptismum dari testatur ? Quod ita Ambrosius solvit, quod per communitatem nominis impletum mysterium sit, quia sive Christum dicas et Deum Patrem a quo unctus est Filius, et ipsum qui unctus est Filium, et Spiritum quo unctus est designasti : scriptum est enim, Jesum a Nazareth, quomodo Deus unxit eum Spiritu suo (*Act. x, 38*), sive Patrem dicas et Filium ejus, et Spiritum sanctum, tres pariter indicasti, si tamen et id corde comprehendendas ; sive Spiritum dicas et Deum Patrem a quo procedit Spiritus sanctus, et Filiū, quia Filii quoque est Spiritus, nuncupasti. Cum ergo Christus in fide et nomine Trinitatis Ecclesiam suam fundari disponat, quis contra hanc institutionem aliter agens, ratum et aliquid facial, verum, quæ et propheticæ evangelice auctorizata est, et præter quam aliud fundamentum neminem posse ponere Apostolus clamat ?

In celebrandis igitur Christi sacramentis non securarum novitates vel hereses inducere, sed ejus institutionibus studeamus fideliter deservire, ut ejus potestate verum, ita ejus auctoritate ratum est quod in eis agimus, sic ejus gratia salutiferum nobis sentiamus. Qui cum Patre et Spiritu sancto vivit et regnat Deus per omnia sæcula sæculorum. Amen.

DIVI ALGERI

SCHOLASTICI LEODIENSIS

DE SACRIFICIO MISSÆ⁽⁶²⁾.

Solemnis celebratio totius missæ ad hoc instituta est, ut memoriam exprimat Christi venientis in carnem, et ejus passionem in mysterio resfiguret; unde illa quæ primo ponuntur ab introitu missæ usque ad secretas preces, quas secum loquens sacerdos effundit, adventum Dominicum et tempora evangelica predicationis representant. In primis illæ secreta orationes, quæ super oblata funduntur, tri-nam precem exprimunt, quam ante passionem suam Salvator ad Patrem effudit dicens : *Pater, si fieri potest, transeat a me calix iste* (*Matth. xxvi, 39*).

D Ubi etiam legitur Dominus sudasse sanguinem, et factus in agonia prolixius orasse, ut patenter inueret in quanta cordis contritione et spiritus anxietate sacerdos peccator sacrificium orationis debeat offerre Deo, cum sacerdos justitiæ oblationis seipsum non sine sanguinis effusione emiserit preces ad Patrem, et ita evidenter ostenderit suum erga nos compassionis affectum. Quod ipsam legalis sacerdos faciebat, qui Sancta sanctorum intrahat sine sanguine nunquam, quoniam secundum Apostolum, sine sanguinis effusione non fit remissio.

(62) Ex Emin. et Rev. D. A. Mai. *Scriptorum veter. nova collect. t. IX*, p. 371, et coll. ms. lat. n. 812, Biblioth. reg. Paris.